


# FAUSIAINA O SE FAAIPOIPOGA E FAAVAU

TUSI LESONA A LE FAIAOGA

Mataupu Faalelotu 235



# FAUSIAINA O SE FAAIPOIPOGA E FAAVAVAU TUSI LESONA A LE FAIAOGA

Mataupu Faalelotu 235

Saunia e le  
Ofisa o Aoga a le Ekalesia

Lolomiina ma faasalalauina e  
Le Ekalesia a Iesu Keriso o le Au Paia o Aso e Gata Ai  
Aai o Sate Leki, Iuta

Auina atu faamatalaga ma faasa'oga, e aofia ai ni mea o sese ona lolomi, i le  
CES Editing, 50 E. North Temple Street, Floor 8, Salt Lake City, UT 84150-0024 USA.  
I-meli: ces-manuals@ldschurch.org

© 2011 Puletaofia e leIntellectual Reserve, Inc.

Ua taofia aia tatau uma.

Lolomiina i le Iunaite Setete o Amerika

Faamaonia le faa-Peretania: 6/03

Faamaonia le faaliliuga: 11/00

Faaliliuga o le *Building an Eternal Marriage: Teacher Manual*  
Samoan

35850 890

# ANOTUSI

Folasaga	v
Faitauga mai le Tusi Lesona a le Tagata Aoga	.viii
1 O Se Vaaiga e Faavavau	1
Tufaaga 1: O Se Faatusatusaga o Manatu	7
2 O Le Olioli o le Faaipoipoga	9
3 O Le Tausiaina o le Feagaiga Paia o le Faaipoipoga	13
4 O Le Faaleagaga i le Faaipoipoga	19
5 O Vaega Faavae o Fesootaiga i Faaipoipoga	22
Tufaaga 2: Suega o le Fesootaiga	24
Tufaaga 3: Iloiloga a le Tagata Lava Ia o le Faatautala/Sauaina Faalelagona	25
6 O Le Lotogatasi Amiotonu i le Faaipoipoga	26
Tufaaga 4: Ina Ia Tasi i Ta'ua	31
7 Uputuu a Tuua	35
Tufaaga 5: Tu ma Aga Masani Faaleaiga	38
8 O Fesootaiga Mafana i le Faaipoipoga	40
9 O Eseesega na Fananau Mai ma Tane ma Fafine	43
Tufaaga 6: Fesili e uiga i "Eseesega na Fananau mai ma Tane ma Fafine"	46
10 O Matafaioi ma Tiutetauave Paia o Alii	47
11 O Matafaioi ma Tiutetauave Paia o Tamaitai	49
12 Faatulagaina o Manaoga e Faamuamua o le Olaga	51
13 Tupe ma le Faaipoipoga	54
14 Puleaina o Punaoa Faaletino	57
15 O Galuega a Tina i fafo atu o le Aiga	60
16 Faatumauiina o le Ola o le Alofa	65
17 Faaalologaiaina o Lou Toalua	69
18 Faamaoni A'ia'i i le Faaipoipoga	78
19 O Le Tulaga E Oo I Ai Matua e Fai Fanau i Siona	82



## FOLASAGA

O le Mataupu Faalelotu 235, Fausia o Se Faaipoipoga e Faavavau, o se faaauauga lea o le kosi o le Mataupu Faalelotu 234, Sauniuniga mo se Faaipoipoga e Faavavau. O le Mataupu Faalelotu 234 o loo faamamafa ai le sueina o se soa talafeagai lelei e faaipoipo i ai i le malumalu. O le Mataupu Faalelotu 235 ua faaoga ai ia upumoni ua toefaaalia e taulai atu ai i mataupu faavae ma tomai ia e mafai ona fesoasoani ai i se ulugalii e atiina ae se faaipoipoga fiafia.

O le Mataupu Faalelotu 235 o se kosi mo le semesa. Pe feiloai faalua le vasega i se vaiaso i le ao pe tasi foi i se vaiaso i le afiafi, ua anoanoai ia punaoa ua maua. O le faautautaga a le faiaoga o se vaega autu lea i le faagasologa o le tusi lesona a le faiaoga.

O le tusi lesona a le tagata aoga mo lenei kosi ua faaigoaina o le *Faaipoipoga e Faavavau Tusi Lesona a le Tagata Aoga* (2001). O le tusi lesona lea o loo i ai uma ia faitauga o le kosi 234 ma le 235, ma ua faamamafaina e kosi taitasi ia faitauga mai le tusi lesona.

### O LE OLA AI I MATAUPU FAVAE O LE TALALELEI

#### *O Le Puleaina o o Tatou Olaga i Mataupu Faavae*

Sa fautua mai Peresitene Ezra Taft Benson: “O se tasi o mea e sili ona taua e mafai ona e faia ... o le faatofuina lea o oe lava ia i tusitusiga paia. Sailiili i ai ma le maelega. Fiafia i le afioga a Keriso. Aoa ia aoaoga faavae. Ia tauloto ia mataupu faavae o loo maua ai i totonu” (“O Le Mana o le Afioga,” *Liahona*, Iulai 1986, 69).

Na ta’ua e Elder Richard G. Scott, o se sui o le Korama a Aposetolo e Toasefululua: “A o e sailia le malamalama faaleagaga, saili mo mataupu faavae. Ia tuuese ma le faaeteete na mataupu faavae mai auiliiliga ua faaogaina e faamalamalama ai. O mataupu faavae o upumoni loloto ia, ua affiina mo le faaogaina i tulaga eseese uma. O se mataupu faavae moni e faamaninoina se faaiuga e oo lava i tulaga e sili ona le mautonu ma feteenai. E matuai tauaogaina lava se taumafaiga sili e faatulaga ia upumoni ua tatou aoina mai i ni faamatalaga faigofie o mataupu faavae” (i le Conference Report, Oke. 1993, 117; po o le *Ensign*, Nov. 1993, 86).

O le iloaina ma le ola ai i mataupu faavae sa’o e taua lea i se olaga fiafia ma se faaipoipoga fiafia. Ua aofia i mataupu faavae o le talalelei ia aoaoga faavae, poloaiga, feagaiga, sauniga, ma mataupu. Peitai, i le tusi lesona lenei, o le faaupuga *mataupu faavae* o loo faatatau i se upumoni o le talalelei lea tatou te maua ai se fautuaga ma se taiala mo amioga.

#### *E Tatau Ona Faia La Tatou Vaega*

O mataupu faavae e mafai ona vaevaeina i ni vaega autu se lua: *afai* ma le *o le a*. O le vaega o le *afai* o se faamatalaga o fautuaga masani mai le Alii. O le vaega o le *o le a* o taunuuga folafolaina o le usitaia po o le le usitaia o lena fautuaga.

Na ta’ua e le Atua le Upu o le Poto “o se mataupu autu faatasi ma se folafolaga” (MF&F 89:3). O le vaega o le *afai* o le fautuaga lea ia tausia le mama a’ia’i faaletino ma faaleagaga o o tatou tino. O le vaega o le *o le a* ua folafola mai ai le soifua maloloina, poto, malosi, ma isi faamanuiaga.

E tausia e le Alii Ana folafolaga: “O A’u, o le Alii, e notia a’u pe a outou faia mea Ou te fai atu ai; ae a outou le faia mea Ou te fai atu ai, e leai se folafolaga mo outou” (MF&F 82:10). E tatau ona tatou faia la tatou vaega ina ia agavaa ai mo faamanuiaga (tagai i le MF&F 130:20–22). E tatau foi ona tatou manatua e fuafua e le Atua le vaega o le *o le a* e tusa ma Lona silafia ae le o mea ua tatou mafaufau i ai.

O mataupu faavae e le masani ona aoaoina pe tusia i le ata *afai-o le a*. Mo se faaitaiga, e le masani ona saunoa mai le Au Pulega Aoao “*afai* e te faatuatua, *o le a* i ai le mana o le Alii i lou olaga.” Ae, latou te tuuina mai ni faaitaiga e faamalalama ai le faatuatua po o le faaosofia o i tatou ina ia tatou faatuatua.

### ***O Mataupu Faavae o le Talalelei e Aoao***

O mataupu faavae o le talalelei e aoao—e moni i ona tulaga uma i aganuu uma i taimi uma. O mataupu faavae na faaalua ia Atamu i le amataga o le lalolagi o loo tumau pea lona moni e oo mai i aso nei e gata ai. O loo i ai a tatou perofeta, tusitusa paia, ma uunaiga a le Agaga Paia e fesoasoani ia i tatou, tatou te iloa ai ma faaoga mataupu faavae sa’o.

### ***Aotelega***

O se mataupu faavae o se upumoni ua faatumauina, o se poloaiga, po o se tulafono e mafai ona e faaoga e taialaina le faiga o au faaiuga. O mataupu faavae e fesoasoani ia i tatou i le faaogaina o aoaoga faavae o le talalelei i le soifuaga o aso uma. E aumaia ai ia i tatou le malamalama e faamalalamaina ai le ala i o tatou luma i lenei lalolagi fenumiaina ma le agasala.

## **FAAOGAINA O LE TUSI LESONA A LE TAGATA AOGA**

O le *Tusi Lesona a le Tagata Aoga mo Faaiipoipoga e Faavavau* (aitema 35311) ua tuuina mai ai aoaoga e uiga i tafaoga faamasani ma faaiipoipoga mai punaoa musuia (tagai i le “Autu o le Tusi Lesona,” *tusi lesona a le tagata aoga*, viii). O lesona o loo i totonu o lenei *tusi lesona a le faiaoga*, o loo faavae i faitauga o i le *tusi lesona a le tagata aoga*.

A o agai atu tagata o le vasega ina ia malamalama ma ola i aoaoga ua tuufaatasia i le *tusi lesona a le tagata aoga*, o le a lelei atu la latou sauniuniga mo le faatautaia o o latou lava olaga i mataupu faavae sa’o ma mulimuli i le fuafuaga sili a le Alii mo le fiafia. O aoaoga o loo i le *tusi lesona a le tagata aoga* o loo mulimulitai i le mamanu o le tulafono o molimau. Sa saunoa mai Elder Henry B. Eyring o le Korama a Apose-tolo e Toasefululua: “O se tasi o auala ua tatou iloa ai o le lapataiga e mai i le Alii o le tulafono o molimau, o molimau ua faamaoniaina. E foliga mai ua tuuina soo mai saunoaga a perofeta, e tatau loa ona tuu atoa atu i ai lo tatou naunautaiga ma faatumuina o tatou loto i le agaga faafetai ona ua tatou ola i se taimi faamanuiaina” (i le Conference Report, Ape. 1997, 32; po o le *Liahona*, Iulai 1997, 28; *tusi lesona a le tagata aoga*, 310).

O mataupu o loo talanoaina i totonu o le *tusi lesona a le tagata aoga* o loo lisiina faaalafapeta i totonu o le faasino mataupu o le *tusi lesona*. O se faasino upu faigo-fie o loo i tua o le *tusi lesona* e mafai foi ona fesoasoani i le au faitau e sailia ai saunoaga ma faaupuga musuia e uiga i mataupu e faatatau i tafaoga faamasani, fauoga mautu, faaiipoipoga, ma le aiga. O nei aoaoga o loo tuuina mai ai le finagalo o le Alii mo Ona tagata o le feagaiga pe a oo mai i tulaga faatonuina o tafaoga faamasani ma amioga i totonu o le faaiipoipoga.

## O LE FAATULAGAINA O LE TUSI LESONA A LE FAIAOGA

O lesona taitasi i le tusi lesona a le faiaoga ua i ai vaega eseese:

- **Ulutala.** O le autu o le lesona.
- **Vaaiiga Aoa Faale-Aoaoga Faavae.** O se faatomuaga puupuu mo le mataupu o le lesona ma talaaga faaleaoaoga faavae mo le lesona.
- **Mataupu Faavae.** O se aotelega o manatu autu o le lesona.

Sa faamalamalama mai e Elder Dallin H. Oaks o le Korama a Aposetolo e Toasefululua:

O aoaga faavae ma mataupu faavae e lelei ona aoaoina atu, e sili atu ona mamana lona aafiaga i amioga nai lo tulafono. Pe a tatou aoao atu ia aoaga faavae ma mataupu faavae o le talalelei, e mafai ona tatou agavaa ai mo le molimau ma le taitaiga a le Agaga ina ia lagolagoina a tatou aoaoga, ma e tatou te faamausaliina ai ma le faatuatua o tamaiti o a tatou vasega i le sailiga o le taitaiga a lena lava Agaga e faaogaina na aoaoga i o latou lava olaga” (i le Conference Report, Oke. 1999, 102; po o le *Liahona*, Ian. 2000, 96).

- **Faitauga mai le Tusi Lesona a le Tagata Aoga.** O se lisi o ni faitauga fautuaina mai le tusi lesona a le tagata aoga e tatau ia oe le faiaoga ma le tagata aoga ona faitauina ae le'i faia vasega taitasi. (Mo se lisi atoa o faitauga mai le tusi lesona a le tagata aoga mo lesona uma, tagai i le “Faitauga mai le Tusi Lesona a le Tagata Aoga,” viii.) O nei faitauga e tatau ona avea ma punaoa autu mo talanoaga ma e le tatau ona suitulaga i ni tusitusiga faalelalolagi. E mafai foi ona e tagai i le faasino autu o mataupu i le lomiga o le *Liahona* o le konafesi aoao faatoa maea atu nei e maua ai tuatusi mo faaopoopoga o nei faitauga.
- **O a Mea e Aoa Atu.** O se faamatalaga se tasi pe sili atu (o loo maua i le itu tauagavale) o loo faamatala ai aoaoga faavae, mataupu faavae, po o manatu faavae o loo aoaoina.
- **Fautuaga i Auala e Aoa Atu Ai.** “O metotia, o auala ma gaoioiga e aoao ai o loo faaogaina e le faiaoga e fesoasoani ai i tamaiti aoga ina ia latou malamalama i le aano o le lesona. O nei metotia e ono aofia ai gaoioiga e pei o talanoaga, otiovisio, tusitusiga, ma galuega fai faavaega” (*Aoaoina o le Talalelei: O Se Tusitaulima mo Faiaoga ma Taitai o le OAE* [1994], 19). Tagai i le *Aoaoina o le Talalelei* mo nisi talanoaga e uiga i le “o le a” ma le “e faapefea” ona aoao atu.
- **Faaiuga.** O se aotelega o mea e tatau ona aoaoina e tagata aoga mai le lesona.



# FAITAUGA MAI LE TUSI LESONA A LE TAGATA AOGA

## LESONA 1: O SE VAAIGA E FAAVAVAU

“O Le Aiga: O Se Folafolaga i le Lalolagi,” o le Au Peresitene Sili ma le Korama a Aposetolo e Toasefululua (89–90)

Aoaoga Filifilia mai le “Vaaiga e Faavavau” (86–87)

Aoaoga Filifilia mai le “Mataupu Faavae” (292–93)

“Ausia o le Malamalama Faaleagaga,” Elder Richard G. Scott (157–58)

## LESONA 2: O LE OLIOLI O LE FAAIPOIPOGA

Aoaoga Filifilia mai le “O Le Fiafia i le Faaipoipoga” (141–43)

“O Le Aiga: O Se Folafolaga i le Lalolagi,” o le Au Peresitene Sili ma le Korama a Aposetolo e Toasefululua (89–90)

## LESONA 3: TAUSIAINA O LE FEAGAIGA PAIA O LE FAAIPOIPOGA

Aoaoga Filifilia mai le “Feagaiga ma Sauniga” (40–42)

Aoaoga Filifilia mai le “Tatalaina o Faaipoipoga” (77–78)

“O Le Agaga Paia o le Folafolaga” (144)

“Feagaiga o le Faaipoipoga,” Elder Bruce C. Hafen (49–52)

## LESONA 4: O LE FAALEAGAGA I LE FAAIPOIPOGA

“O Le Aiga: O Se Folafolaga i le Lalolagi,” o le Au Peresitene Sili ma le Korama a Aposetolo e Toasefululua (89–90)

Aoaoga Filifilia mai le “O Le Aiga: O Se Folafolaga i le Lalolagi” (89–118)

## LESONA 5: O VAEGA FAAVAE O FESOOTAIGA I LE FAAIPOIPOGA

Aoaoga Filifilia mai le “Fesootaiga” (33)

## LESONA 6: LOTOGATASI AMIOTONU I LE FAAIPOIPOGA

Aoaoga Filifilia mai le “Lotogatasi” (368–70)

Aoaoga Filifilia mai le “Manatu Faapito” (325)

## LESONA 7: UPUTUU A TUA

Aoaoga Filifilia mai le “Uputuu a Tuua” (361–62)

“O Uputuu a o Latou Tuua,” Elder Marion D. Hanks (362–65)

**LESONA 8: FESOOTAIGA MAFANA I LE FAAIPOIPOGA**

Aoaoga Filifilia mai le “Fesootaiga Mafana i le Faaipoipoga” (147–49)

“O le Punavai o le Ola,” Elder Boyd K. Packer (149–55)

“O Le Faailoga Silisili o le Faatasiga Atoatoa” ma le “O se Faailoga o le Va Feagai ai ma le Atua,” i le “Mama Faaletagata Lava Ia,” Elder Jeffrey R. Holland (250–51)

Aoaoga Filifilia mai le “Fuafuaina o le Fanauina o Fanau” (16–18)

“E I Ai La’u Fesili,” Dr. Homer Ellsworth (18–20)

**LESONA 9: O ESESEGA NA FANANAU MAI MA TANE MA FAFINE**

Aoaoga Filifilia mai le “O Eseesega na Fananau mai ma Tane ma Fafine” (66–68)

“Mo Le Taimi Nei ma le Faavavau Atoa,” Elder Boyd K. Packer (69–73)

“O Le Aiga: O Se Folafolaga i le Lalolagi,” o le Au Peresitene Sili ma le Korama a Aposetolo e Toasefululua (89–90)

Aoaoga Filifilia mai le “Tulaga Tutusa o Alii ma Tamaitai” (84–85)

**LESONA 10: O MATAFAIOI MA TIUTETAUAVE PAIA O ALII**

“O Le Aiga: O Se Folafolaga i le Lalolagi,” o le Au Peresitene Sili ma le Korama a Aposetolo e Toasefululua (89–90)

“Mo Tamā i Isaraelu,” Peresitene Ezra Taft Benson (203–6)

“O o Tatou Tiutetauave Paia,” Peresitene Gordon B. Hinckley (24–28)

“Avea ma Tane ma Tamā Amiotonu,” Peresitene Howard W. Hunter (219–22)

**LESONA 11: O MATAFAIOI MA TIUTETAUAVE PAIA A TAMAITAI**

Aoaoga Filifilia mai le “O Matafaioi ma Tiutetauave Paia o Tamaitai” (371–74)

“Mo Tina i Siona,” Peresitene Ezra Taft Benson (377–82)

“O Tamaitai o le Ekalesia,” Peresitene Gordon B. Hinckley (382–86)

“O Le Olioli i le Ola ai i le Fuafuaga Sili o le Fiafia,” Elder Richard G. Scott (386–89)

“O i Tatou o Tamaitai o le Atua,” Sister Sheri L. Dew (389–92)

**LESONA 12: FAAMUAMUAINA O MANAOGA O LE OLAGA**

Aoaoga Filifilia mai le “O Faamuamua ma Faapaleni” (294–95)

“Faatumauina o le Paleni i Mea Manaomia o le Olaga,” Elder M. Russell Ballard (299–301)

“‘A o le Mea Lava e Tasi e Ao Ina Ia Maua’: Ia Avea ma Tamaitai Faatuatua Tele ia Keriso,” Sister Patricia T. Holland (392–99)

“O Le Aiga: O Se Folafolaga i le Lalolagi,” o le Au Peresitene Sili ma le Korama a Aposetolo e Toasefululua (89–90)

**LESONA 13: TUPE MA LE FAAIPOIPOGA**

Aoaoga Filifilia mai le “Mea Tautupe” (123)

“Tasi mo le Tupe: Taiala mo Mea Tautupe a le Aiga,” Elder Marvin J. Ashton (123–28)

“Matape’ape’a, Manatu Faapito, ma le Soona Faaloloto,” Elder Joe J. Christensen (128–31)

#### **LESONA 14: PULEAINA O PUNAOA FAALETINO**

“Mo Tama ma Tamā,” Peresitene Gordon B. Hinckley (63–65)

Aoaoga Filifilia mai le “Aitalafu” (62–63)

Aoaoga Filifilia mai le “Sauniuniga Faaletino” (350–52)

#### **LESONA 15: GALUEGA A TINA I FAFO ATU O LE AIGA**

Aoaoga Filifilia mai le “Galuega a le Tina i fafo atu o le Aiga” (253–57)

Aoaoga Filifilia mai le “Aoga” (82–83)

“O Le Aiga: O Se Folafolaga i le Lalolagi,” o le Au Peresitene Sili ma le Korama a Aposetolo e Toasefululua (89–90)

#### **LESONA 16: FAATUMAUINA O LE OLA O LE ALOFA**

Aoaoga Filifilia mai le “Faaipoipoga i le gasologa o Tausaga” (196)

Parakalafa 7 o le “O Le Aiga: O Se Folafolaga i le Lalolagi,” o le Au Peresitene Sili ma le Korama a Aposetolo e Toasefululua (89)

Aoaoga Filifilia mai le “O Le Aiga: O Se Folafolaga i le Lalolagi,” (90–95)

“O Le Faaoaina o le Faaipoipoga,” Elder James E. Faust (196–98)

“O Le Faamanatu o le 60 Tausaga Tali Ona Faaipoipoga le Au Hinckley” (198–99)

“E Faapefea Ona Ou Alofa Ia Te Oe?” Elder Jeffrey R. Holland (167–72)

“O Se Faatasiga o le Alofa ma le Malamalama,” Elder Marlin K. Jensen (172–77)

#### **LESONA 17: FAAALOLOGIAINA O LOU TOALUA**

Aoaoga Filifilia mai le “Faasaunoa” (3–5)

“Faamaloloina o Mā'ilaila Matuia o le Saua,” Elder Richard G. Scott (6–9)

#### **LESONA 18: FAAMAONI A'IA'I I LE FAAIPOIPOGA**

Aoaoga Filifilia mai le “Faamaoni i le Faaipoipoga” (119–22)

Aoaoga Filifilia mai le “Ponokarafi” (282–85)

“O Le Aiga: O Se Folafolaga i le Lalolagi,” o le Au Peresitene Sili ma le Korama a Aposetolo e Toasefululua (89–90)

#### **LESONA 19: O LE TULAGA E OO I AI LE I AI O MATUA E FAI FANAU I SIONA**

“Fanauiina ma le Faafaileleina o Fanau,” i le “O Le Fuafuaga Sili o le Fiafia,” Elder Dallin H. Oaks (262)

“O Le Aiga: O Se Folafolaga i le Lalolagi,” o le Au Peresitene Sili ma le Korama a Aposetolo e Toasefululua (89–90)

Aoaoga Filifilia mai le “Tulaga Faamatua: Fausiaina o se Aiga e Tutotonu ai le Tala-lelei” (258–61)

# 1 O SE VAAIGA E FAAVAVAU

## VAAIGA AOA FAALE-AOAOGA FAAVAE

E masani lava ona faamamafa mai e o tatou taitai le taua o le tagai i faafitauli faale-faaiipoipoga ma faaleaiga mai se vaaiga e faavavau. Na taua e Elder Merrill J. Bateman, o se tasi o Fitugafulu: “O se vaaiga o le faaiipoipoga ma le aiga e faavae i mataupu faavae e faavavau, e faateleina ai le avanoa mo le tulaga faamanuiaina. Pe a tagai atu se tasi i le vaaiga mamao, o le a ia taumafai malosi ai e onosai, loa ona tali-tiga, agalelei, agamalu, ma lotomaulalalo. O nei amioga, i se tulaga lelei, e faamalosi ai le faaiipoipoga” (“The Eternal Family,” i le *Brigham Young University 1997–98 Speeches* [1997], 115).

Na aoao mai Elder Bruce R. McConkie, a o avea ma se tasi o Fitugafulu:

“Mai le taimi o le fanau mai i le olaga faitino seia oo i le taimi tatou te faaiipoipo ai i le malumalu, o mea uma ua i ai i le faagasologa atoatoa o le talalelei, e saunia ma agavaa ai tatou e ulu atu i lena faatulagaga paia o le faaiipoipoga lea e avea ai tatou o le tane ma le ava i lenei olaga ma le lalolagi a sau.

“Ona amata mai lea i le taimi e faamauina faatasi ai tatou i le pule ma le mana o le perisitua paia ... o mea uma e fesootea ma mataupu faalelotu ua faaalua, ua mamanuina e fesoasoani ia i tatou e tausia tuutuuga ma aiaiga o a tatou feagaiga faale-faaiipoipoga, ina ia i ai le malosi, mama, ma ia aoga lenei feagaiga i le olaga a sau.

“O le mea lea, o le faaiipoipoga faaselesitila, o le sauniga tupito lea o le talalelei. ... O le mea lea, o le iunite o le aiga o le faalapotopotoga sili ona taua i le olaga, po o le faavavau.

“Ma, o le mea lea, e tatau ai ona faateleina lo tatou naunau ma popole mo o tatou aiga, nai lo se isi lava mea o le olaga. ...

“E leai lava se isi mea i lenei lalolagi e tutusa lona taua ma le foafoaga ma le faaatoatoaina o iunite o aiga” (i le Conference Report, Apr. 1970, 27).

## MATAUPU FAAVAE

*O se vaaiga i le faaiipoipoga ma le aiga e faavae i luga o le talalelei a Iesu Keriso, e faateleina ai le avanoa mo le fiafia faale-ulugalii.*

## FAITAUGA MAI LE TUSI LESONA A LE TAGATA AOGA

“O Le Aiga: O Se Folafolaga i le Lalolagi,” O Le Au Perisitene Sili ma le Korama a Aposetolo e Toasefululua (83–84)

Aoaoga Filifilia mai le “Vaaiga e Faavavau” (86–88)

Aoaoga Filifilia mai le “Mataupu Faavae” (292–93)

“Ausia o le Malamalama Faaleagaga,” Elder Richard G. Scott (157–60)

## O A MEA E AOA ATU

*O la tatou faaiipoipoga ma sootaga faaleaiga o le a faaleleia atili e ala i le faaaogaina o mataupu faavae sa'o.*

## FAUTUAGA I AUALA E AOA ATU AI



**Tusi Lesona a le Tagata Aoga.** Faamalamalama atu o lenei kosi, Mataupu Faalelotu 235, e faavae i luga o mataupu faavae. Ua tuuina mai i lesona taitasi se mataupu faavae lautele, e mafai ona faaaogaina i ni auala se tele ina ia fesoasoani e fausia ai se faaiipoipoga e faavavau.

Fai atu i tagata o le vasega e sue le “Ola i Mataupu Faavae o le Talalelei” i le tusi lesona a le tagata aoga (viii). Fesili atu pe na faapefea ona tali atu Iosefa Samita ina ua fesiligia pe faapefea ona ia taitaia ona tagata. (“Ou te aoa i latou i mataupu faavae sa'o, ona pulea lava lea e i latou i latou lava” [i le John Taylor, “The Organization of the Church,” *Millennial Star*, 15 Nov. 1851, 339]). Tuu atu i tagata o le vasega e faitau le faamatalaga a Elder Richard G. Scott e uiga i mataupu faavae (tusi lesona a le tagata aoga, viii). E faapefea ona fesoasoani mataupu faavae ia i tatou e pulea ai o tatou olaga faaiipoipo?

Faitau le vaega o totoe o le “O Le Puleaina o o Tatou Olaga i Mataupu Faavae” ma talanoaina fesili e pei o fesili nei:

- O faapefea ona faaaogaina le upu *mataupu faavae* i totonu o le tusi lesona a le tagata aoga?
- E faapefea ona fesoasoani le malamalama i mataupu faavae ia i tatou e usitaia ai poloaiga?
- O a auala e mafai ai e le malamalama i mataupu faavae moni ona fesoasoani e faamanino faaiuga faigata?

Tuu atu i tagata o le vasega e faitau le vaega o totoe o le “O Le Ola i Mataupu Faavae o le Talalelei” (tusi lesona a le tagata aoga, viii–ix), ma fai atu fesili e pei o:

- O a nisi o faataitaiga mai tusitusiga paia o faamatalaga faale-mataupu faavae o le “afai-o le a”?
- O a auala e avea ai mataupu faavae moni ma mataupu “aoa”?
- O a auala e avea ai mataupu faavae moni ma mataupu e “faalagolago i tuutuuga”?

Ta'u i tagata o le vasega o faamoemoega autu e lua o lenei kosi o:

- Ia faailoa mataupu faavae o le talalelei e uiga i amioga e faatatau i sootaga faale-faaiipoipoga o loo maua i tusitusiga paia, ma aoaoga a le Usoga.
- Aoa e faaoga nei mataupu faavae i o tatou olaga.

Na tusia e Elder Richard G. Scott o le Korama a Aposetolo e Toasefululua e faapea: “E ui e faigofie ona maua, o mataupu faavae moni e le faigofie ona ola ai seia avea ma se mamamu mausali o le olaga” (i le Conference Report, Ape. 1993, 43; po o *Liahona* Me 1993, 34). Na tuuina mai e Elder Scott le fautuaga i le auala e faataunuu ai lenei mea. Tusi le faamatalaga lenei mai ia Elder Scott i luga o le laupapa: “A o faasolo ina manino mai luutaga o le malamalama, e ao lava ona *malamalama, faatauaaina, usitaia, manatuaina, ma faalauteleina*” (i le Conference Report, Oct. 1993, 119; po o le *Liahona* Nov. 1993, 88).




**Tusi Lesona a le Tagata Aoga.** Tuu atu i tagata o le vasega e tou te sueina faatasi i le tusiga a Elder Scott ua faaulutalaina “Ausia o le Malamalama Faaleagaga” (tusi lesona a le tagata aoga, 157). Fai atu ia i latou e saili le faamatalaga


o loo i luga ma ia vaseina lalo (i. 159, koluma 2). Talanoaina pe faapefea ona avea mataupu faavae faale-faaipoipoga ma vaega o o tatou olaga, e ala i le faa-aogaina o le fautuaga a Elder Scott.

## O A MEA E AOO ATU

*Pe a o'o ina amata ona tatou vaai atu i le faaipoipoga mai le silafaga a le Alii, o lo tatou manao e ausia se faaipoipoga faavavau o le a faateleina.*

## FAUTUAGA I AUALA E AOO ATU AI

 **Talanoaga.** Tusi le ata lenei i luga o le laupapa (tagai i le tusi lesona a le tagata aoga, 86) ma fesili atu i se tagata o le vasega e faamatala le uiga o le vaaiga faavavau, e tusa ai ma le ata.



O a ni aafiaga o lenei ata i faaiuga fai faale-faaipoipoga ma faaleaiga i aso taitasi? Tuu atu i le afa o le vasega e faitau le “Tatalo mo le Manuia o Lau Faaipoipoga” mai ia Elder Joe J. Christensen o le Au Peresitene o Fitugafulu o loo i le tusi lesona a le tagata aoga (303). Tuu atu i le isi afa e faitau le “O Le Liliu Atu i le Alii” mai ia Elder Robert E. Wells o le Fitugafulu (308). Valaaulia tagata o le vasega e tuuina mai o latou manatu i fautuaga o loo i totonu o nei faitauga. O a auala faapitoa e aoga ai i ulugalii le sailia o le fesoasoaniga paia i a latou faaipoipoga?

O se vaaiga e faavavau o lona uiga o le faa-aogaina o le malamalama na tuuina e le Atua i Lana fanau, e ala i tusitusiga paia ma perofeta. E silafia e le Tama Faalelagi lo tatou tuanai, taimi nei, ma le lumanai. O Lana silafaga faavavau e leai ni tapulaa faaletino. O le ata o le faaolataga e fesoasoani tatou te amata vaai ai e pei o Ia, ina ia mafai ai ona tatou faia faaiuga atamai ma amiotonu sili atu. Talanoaina mau nei:


- Alema 40:8. “E tusa le faavavau ma le aso e tasi i le Atua, a e na o tagata ua fuatia i ai aso.”
- Mataupu Faavae ma Feagaiga 38:2. “Aua o mea uma e i luma o o’u mata.”
- Mataupu Faavae ma Feagaiga 130:7. “O loo faali ai mea uma mo lo latou mamalu, o mea tuai, o mea o i ai nei, ma mea lumanai ma o i ai pea lava pea i luma o le Alii.”

Faitau ma talanoaina upusii eseese o loo i Aoaoga Filifilia mai le “Vaaiga e Faavavau” i totonu o le tusi lesona a le tagata aoga (86–87).

## O A MEA E AOO ATU

*“E leai se mea i lenei lalolagi e tutusa le taua ma le foafoaga ma le faaatoatoaina o iunite faaleaiga.”*

## FAUTUAGA I AUALA E AOO ATU AI

 **Talanoaga.** Faitau le saunoaga a Elder Bruce R. McConkie o loo i le Vaaiga Aoaoga Faale-Aoaoga Faavae i le amataga o lenei lesona, ma tusia le fuaiupu faaii o lana saunoaga i luga o le laupapa. Fesili atu: O a nisi o aoaoga i le ata o le faaolataga e lagolagoina le faamatalaga a Elder McConkie? Fesoasoani i tagata o lau vasega e sue ia maua na aoaoga e pei o:

- O i Tatou Uma Lava o Fanau a le Atua. O Ia o le Tama o o tatou agaga. Ua faia i tatou “e pei” o le Atua (tagai i le Mose 6:67) ma ua i ai le mana e avea ai faapei o o tatou matua faalelagi.

- Na tatou o mai i lenei lalolagi e maua se tino faitino ma faamaonia le usi-usitai i “mea uma e poloaiina ai i latou e le Alii lo latou Atua” (Aperaamo 3:25). “O le Atua lava ia, ina ua i ai o Ia i le lotolotoi o agaga ma le mamalu, aua sa sili lona poto, na vaai atu ua tataua ona faia tulafono ina ia mafai ai e agaga na totoe, ona maua se avanoa e agai ai i luma e faapei o Ia” (Iosefa Samita, i le *History of the Church* 6:312).
- E ala i le Togiola a Iesu Keriso, ma i le mulimuli ai i Ana poloaiga, e mafai ona tatou toe nonofo faatasi ma lo tatou Tama Faalelagi ma avea faapei o Ia: “O lea, e pei ona tusia, o i latou o ni atua, o atalii lava o le Atua” (MF&F 76:58).
- O le foafoaga o le lalolagi na saunia ai se nofoaga mo i tatou e maua ai le poto masani faaletino, ma aoao ai e avea faapei o o tatou matua faalelagi. E tusa ai ma le faaipoipoga, faitau faatasi le Mataupu Faavae ma Feagaiga 49:16–17.

## O A MEA E AOA ATU

*O le Folafolaga i le Aiga, e fesoasoani ia i tatou e malamalama ai i le taua o le faaipoipoga e faavavau ma le olaga faaleaiga.*

## FAUTUAGA I AUALA E AOA ATU AI



**Talanoaga.** I le aso 23 o Setema 1995, na faitauina ai e Peresitene Gordon B. Hinckley i tuafafine o le Aualofa se folafolaga e uiga i le taua o le aiga i le ata o le faaolataga. Faitau faatasi le palakalafa muamua o le “O Le Aiga: O Se Folafolaga i le Lalolagi” (tusi lesona a le tagata aoga, 89).

Faitau pe faamatala le tala o loo i le saunoaga a Elder Henry B. Eyring “O Le Aiga,” lea na ia faamatalaina ai ona tausaga i le iunivesite, na nofo ai i le fale maototogi o Mrs. Soper (tusi lesona a le tagata aoga, 111). Faamamafa atu “e ao ona ia i tatou le sini faamoemoeina ia le gata i o tatou mafaufau, ae faapea foi i o tatou loto. O le mea tatou te mananao i ai o le ola e faavavau i aiga. E le faapea na o lo tatou mananao i ai, ona o le mea lena ua mafai, pe tatou te mananao i se mea o loo agaigai atu i le ola e faavavau. Tatou te mananao i le ola e faavavau, po o le a lava le tau o taumafaiga, tiga, ma le ositaulaga” *Ina ia Latalata Atua i le Atua*[1997], 161; po o le tusi lesona a le tagata aoga, 112).

## O A MEA E AOA ATU

*O se vaaiga e faavavau i le ata o le faaolataga e uunaia ai o tatou mafaufauga, lagona, ma amioga i le faaipoipoga.*

## FAUTUAGA I AUALA E AOA ATU AI



**Faataitai ona Faatino.** Faamatala atu o tane ma ava e masani ona eseese o latou manatu e uiga i faaiuga e ao ona fai. Pe a tutupu na eseese, e masani lava ona tolu auala e filifilia e ulugalii faaipoipo: (1) E lolo atu le manatu o le ava, ona faia lea i le ala a le tane. (2) E lolo atu le manatu o le tane, ona faia lea i le ala a le ava. (3) E fetuutuunai le tane ma le ava, ma maua ai se vaifofo e faamalieina uma ai i laua.

I se faaipoipoga faavavau, e i ai le auala lona fa e mafai ona fesoasoani e aumaia le filemu ma le lotogatasi i le faaipoipoga. O tagata taitoatasi o le paaga, e saili ia malamalama i mataupu faavae ua aoaoina i le ata o le faaolataga ma aoao ai, e ala i le suesue ma le faatuatua, le finagalo o le Alii. O tagata uma o le paaga, ua naunau e ositaulaga pe fetuutuunai o laua lava manao ina ia usitai i le Alii. E mafai ona i ai le lotogatasi mo ni tagata se tolua e i ai vaaiga eseese, pe a latou faaogaina se vaega masani o mataupu faavae o le talalelei.


Tuuina atu le tulaga faataitai lenei i le vasega: O Pili ma Susana ua lua nei tausaga talu ona faaiipoipo. Ua faauu Pili mai le iunivesite, ma o lea ua maua lana uluai galuega. Ua manao Pili i se taavale fou, ma ua talanoa atu ia Susana. Ua faapea atu Susana o ia e manao i se pepe, ma e le gafatia e i laua le faia o se taavale ma se pepe i le taimi lenei.

Valaaulia se ulugalii e faataitai ona faatino ia matafaioi a Susana ma Pili. Faatonu i laua e amata le faatinoga e ala i le faailoa mai o o laua tulaga, ma taumafai malosi ina ia malo i o laua manatu faaali. Ona fai atu lea e galulue agai i se fetuutuunaiga, lea e taufai maua ai se vaega o mea o loo mananao i ai. (Mo se faataitaiga, “O le a ta faatauina se taavale tuai ma faatali mo sina taimi a o le i maua se pepe.”) Ona toe faatino lea o le tala, e ala i le fai atu ia i laua e foia le faafitauli e ala i le faaaogaina o se vaaiga e faavavau. Valaaulia le vasega e fesoasoani ia i laua e ala i le sailia o mea na saunoa ai taitai o le Ekalesia e uiga i le mataupu (tagai i le tusi lesona a le tagata aoga, 295–301). Fesui ai ni ulugalii o le vasega e faatino vaega nei. Aotele a latou faaiuga i luga o le laupapa.

Mataupu	Vaaiga a le Tane	Vaaiga a le Ava	Fetuutuunaiga	Silafaga e Faavavau a le Alii
Faatau o se taavale fou, po o le i ai o se pepe?				

Faaiu le faataitaiga o le faatinoga e ala i le faaali atu o le auala e fesoasoani ai le malamalama ma le faaaogaina o mataupu faavae o le talalelei, e faateleina ai le lotogatasi ma faamanino faaiuga fai.

Mo se isi auala, fau sa oe lava tulaga faataitai mo le vasega e galulue ai, po o le fai i le vasega e faailoa mai se mea e masani ona tupu i ulugalii talavou i a latou lava aganuu.

 **Talanoaga.** Tufatufa atu le tufaaga 1, “O Se Faatusatusaga o Manatu,” o loo maua i le faaiuga o lenei lesona (itu. 7–8). Ia piki mai ni mataupu se lua po o le tolu mai le koluma i le itu agavale, ma tusi i luga o le laupapa. Faamalamalama atu o nei mataupu e suitulaga i le tele o autu o le a outou talanoaina i le Mataupu Faalelotu 235. Fai atu i tagata o le vasega e faailoa faapuupuu mai tulaga masani e uiga i nei mataupu i o latou nuu, po o le lalolagi foi. Mai se vaaiga faaletalalelei, faamata o le a le taunuuga o vaaiga taatele taitasi? Fai atu i tagata o le vasega e faatusatusa nei vaaiga agai i mea o loo aoao mai i le ata o le faaolataga. O a faamanuiaga folafolaina e mulimuli mai i vaaiga taitasi? A o faagasolo le talanoaga, fai atu i tagata o le vasega e tusia faamatalaga i a latou pepa.



## FAAIUGA

Faasoa atu le faamatalaga lenei mai ia Peresitene Harold B. Lee: “O mataupu faavae o le talalelei ma sauniga uma, ua na o ni valaaulia i le aoaoina o le talalelei e ala i le faataitaia o ona aoaoga” (*The Teachings of Harold B. Lee* ed. Clyde J. Williams [1996], 619).

Faamamafa atu e sili ona lelei lo tatou aoaoina o mataupu faavae o le talalelei e ala i le mulimuli ai. Ina ua aoao mai e le Faaola le faataoto i le Samaria Agalelei, na Ia faaiuina i Lona faapea atu i Ona soo “Ina alu ia, ma ia e faapea ona fai” Luka 10:37 tagai foi Iakopo 1:27 O mataupu faavae o le Talalelei, e ao ona avea ma faavae mo sootaga faale-faaiipoipoga e totonugalemu-ai-Keriso. Ia uunaia tagata o le vasega ina ia avea mataupu faavae o le talalelei ua aoaoina i lenei vasega ma vaega o o latou olaga, e ala i le faaogaina i a latou faaiuga i faaiipoipoga.

## Tufaaga 1 • O Se Faatusatusaga o Manatu

Mataupu	Vaaiga faatele	Taunuuga	Vaaiga i le Ata o le Faaoilataga	Taunuuga
Faaipoiga i le Va o Faatuatuaga				
Nonofo faatasi ae le i faaiipo				
O le a le taimi e tatau ai ona maua fanau				
O le aofai o fanau e manaomia				
Tuuto atu i le faaiipoiga				
O le taua o le lotu				
Atiina ae o se uiga faa-Keriso				
Sauaina o le toalua ma fanau				
Laulauvavale ma gagana masoa				
Faaaloalo mo le toalua				

Mataupu	Vaaiga Taatele	Taanuuga	Vaaiga i le Ata o le Faaolataga	Taanuuga
Tina e faigaluega				
Taulimaina o tupe				
O le taua o le auuuna atu				
O le taua o le ositaulaga				
Faapalemiina o mea e faamuamua				
O matafaioi a alii ma tamaitai				
Faataunuuna o tulaga manaomia o le tasi ma le isi				
Faamaoni a'ia'i i le faaiipoipoga				
Tuuto atu i le faaiipoipoga i taimi o faigata				
O le faatuatuaina				

## 2 O LE OLIOLI O LE FAAIPOIPOGA

### VAAIGA AOA FAALE-AOAOGA FAAVAE

“O le fiafia i le faaiipoipoga ma tiute faamatua, e mafai ona faitauafe taimi e sili atu ai nai lo se isi lava fiafiaga” (James E. Faust, i le Conference Report, Oke. 1977, 14; po o le *Liahona*, Nov. 1977, 8).

“O le faaiipoipoga e mafai ona sili atu lona tulaga fiafia e faavavau, nai lo le mea e mafai ona mafaufauina e le tagata soifua” (Spencer W. Kimball, “O le Tasi i le Faaiipoipoga,” *Liahona*, Mati 1977, 3; tagai foi i le “Marriage and Divorce,” i le 1976 *Devotional Speeches of the Year* [1977], 146).

“O tautoga o le faaiipoipoga e faia i totonu o nei nofoaga paia ma feagaiga paia e osia mo le taimi nei ma le faavavau atoa, o faamaoniga ia i le tele o faaososoga o le olaga lea e taumafai e talepe aiga ma faaumatia le fiafia. ...

“O alii ma tamaitai talavou agavaa o le Au Paia o Aso e Gata Ai, o e amatalia le olaga faatasi, o le a iloaina o a latou paaga e faavavau i lalo o le feagaiga faavavau, e ave ma faavae e fausia ai le filemu, fiafia, amioatua, alofa, ma isi tulaga e faavavau o le olaga, iinei ma le isi olaga” (Heber J. Grant, “Beginning Life Together,” *Improvement Era*, Apr. 1936, 198–99).

### MATAUPU FAAVAE

*Pe a usitaia e ulugalii mataupu faavae o le talalelei lea e taitai atu ai i le fiafia faaulugalii, e mafai e le faaiipoipoga ona aumaia se “tulaga faavavau sili atu nai lo le mea e mafai ona mafaufauina e le tagata soifua.”*

### FAITAUGA MAI LE TUSI LESONA A LE TAGATA AOGA


*Aoaoga* Filifilia mai le “O Le Fiafia i le Faaiipoipoga” (141–43)

“O Le Aiga: O Se Folafolaga i le Lalolagi,” o le Au Peresitene Sili ma le Korama a Aposetolo e Toasefululua (89–90)

### O A MEA E AOA ATU

*E mafai ona maua faaiipoipoga ma aiga fiafia, maufetu’unai, ma tumau i aso nei.*

### FAUTUAGA I AUALA E AOA ATU AI

 **Gaoioiga faale-tusitusiga paia.** Valaaulia tagata o le vasega e tau mai ni mau o loo faailoa ai e mafai ona tupu lena fiafia i le faaiipoipoga, ma e tau ona sailia. E mafai ona fesoasoani mau ma fesili nei i la outou talanoaga:

- Failauga 4:9–12. Aisea e sili atu ai le faaiipoipo nai lo le nofotoatasi?
- Failauga 9:9. O le a le mea ua faamoemoeina e le Alii mai ia i tatou i le faaiipoipoga?
- Mataupu Faavae ma Feagaiga 49:15–17. Aisea na foafoa ai le lalolagi?
- 2 Nifae 2:25. O le a le faamoemoega e tasi o lo tatou foafoaga? (Ina ia maua le olioli.)

Fesoasoani i tagata o le vasega ia malamalama, o le sailia o se faaiipoipoga ma le aiga e mafai ona faavavau, o se tasi o taumafaiga sili o le olaga faaletino.



**Tusi lesona a le tagata aoga.** O nisi i le lalolagi ua aoao mai o le faaiipoipoga ma aiga ua le toe aoga ma ua le toe aumaia ai le fiafia. Valaaulia tagata o le vasega e faitau le “O Le Faaiipoipoga e Aumaia le Fiafia ma le Olioli” o loo i le tusi lesona a le tagata aoga (141–42) ma ootoo mea ua aoao mai e perofeta a le Atua e uiga i le fiafia i le faaiipoipoga ma le aiga. Talanoaina fesili e pei o fesili nei:

- E tusa ai ma le saunoaga a Peresitene Kimball, aisea ua avea ai le faaiipoipoga ma faaiuga atonu e sili ona taua i faaiuga uma tatou te faia?
- O a mafuaaga ua tuuina mai e Elder Boyd K. Packer mo le faatumauina o le faatuatua i le faaiipoipoga?
- E tusa ai ma le saunoaga a Elder Bruce R. McConkie, aisea e taua ai le tuufaa-tasia e avea ma tino e tasi i le Alii?
- E tusa ai ma le matau a Elder James E. Faust, aisea e te manatu ai ua taumafai le tele o tagata e sailia le fiafia e ala i le taulai atu i mea o lenei lalolagi, nai lo se faaiipoipoga e faavavau?

Faaiu e ala i le faapea atu e mafai lava ona maua le fiafia i le faaiipoipoga. O lenei fiafia ua i ai le mana e mafai ona avea ma atoatoaga o le olioli i le faavavau atoa.

## O A MEA E AOA O ATU

*E manao Satani e taofia le fuafuaga sili o le fiafia a le Atua.*

## FAUTUAGA I AUALA E AOA O ATU AI



**Tusi lesona a le tagata aoga.** Afai o la tatou sini o le mauaina o se faaiipoipoga e faavavau, e taua le malamalama i mana o loo galulue faasagatau mai i ai. I le 1900 i le Lunaite Setete, sa tasi le faaiipoipoga e tatala mai faaiipoipoga e sefulu-lua. E o’o mai i le tausaga e 2000, o lenei fua faatatau ua tusa e tasi le faaiipoipoga e tatala mai faaiipoipoga tailua uma. O suiga mo faaiipoipoga tatala ua tali tutusa lava i le tele o atunuu i le lalolagi atoa (tagai i le tusi lesona a le tagata aoga, 179, 188, 196).

Tuu atu i tagata o le vasega e su’e i le “E taumafai Satani e Lepeti le Fiafia” i totonu o le tusi lesona a le tagata aoga (142). Faitau le saunoaga a Elder Boyd K. Packer e uiga i le faamoemoega e tasi o Lusifelo (143), ma talanoaina fesili e pei o fesili nei:

- E tusa ai ma le saunoaga a Elder Packer, aisea e taumafai malosai ai Satani e faaumatia ia faaiipoipoga ma aiga?
- O a taunuuga pe a manumalo o ia?

Faitau le saunoaga a Peresitene Gordon B. Hinckley i totonu o le tusi lesona a le tagata aoga (142). Talanoaina fesili e pei o nei:

- O a suiga ua lapataia ai i tatou e Peresitene Hinckley?
- O a mea e mafai ona faia e taofia ai ia ituaiga faafitauli?

Talanoaina pe faapefea ona faatatau le saunoaga lenei a Peresitene Spencer W. Kimball i le faaiipoipoga e faavavau: “O Satani, o se agaga tutoatasi e matua moni lava lona tulaga, ae leai sona tino. O ona manaoga ia faamaufaailogaina i tatou taitoatasi e avea ma ona soo, ua le itiiti ifo i lona manao e faia le amioleaga, nai lo lo tatou Tama i le amiotonu, ina ia faatosina atu i tatou i Lona lava malo e faavavau” (*The Teachings of Spencer W. Kimball*, ed. Edward L. Kimball [1982], 35).

## O A MEA E AOOO ATU

*O faaiipoipoga fiafia o se taunuuga o le tausia o tulafono ua faatulagaina mo faamanuiaga mo se faaiipoipoga fiafia.*

## FAUTUAGA I AUALA E AOOO ATU AI



**Talanoaga.** Talanoaina pe faapefea ona fesootai aooaga nei ma le faaiipoipoga e faavavau:

“E i ai se tulafono, na folafola le maaveesea i le lagi i luma atu o le faavaega o le laloagi lenei ua faavae ai i luga faamanuiaga uma—

“Ma a tatou maua se faamanuiaga mai le Atua, e maua i le usiusitai i lenei tulafono ua faavae ai i luga” (MF&F 130:20–21).

“O le fiafia o le sini autu ma le mamanu o lo tatou olaga, ma o le iuga lenei, pe a tatou tulimataia le ala e tau atu i ai” (*Teachings of the Prophet Joseph Smith*, 255).

Pe a sailia soo se faamanuiaga lava, e taua le aooaga ma faaooaga mataupu faavae e o faatasi ma lenei faamanuiaga. E matua moni lava lenei mea i le faamanuiaga o se faaiipoipoga fiafia. O lenei kosi ua faatulagaina i luga o le tulaga e mafai ai ona tatou maua mataupu faavae sa’o lea e taitai atu ai i faaiipoipoga fiafia i totonu o tusitusiga paia ma aooaga a perofeta soifua.



**Galuega fai faavaega.** Tagai i le lisi o mau i lalo o le “Suesue i Tusitusiga Paia” i le vaega “O Le Fiafia i le Faaiipoipoga” o le tusi lesona a le tagata aoga (142). Tusi le faamatalaga lea mai le “O Le Aiga: O Se Folafolaga i le Lalolagi” i luga o le laupapa: “E maua le fiafia i le olaga faaleaiga pe a faavae i aooaga a le Alii o Iesu Keriso.” Faamatala atu o tusitusiga paia ma aooaga a perofeta soifua o nofoaga sili ia e maua ai aooaga a Iesu Keriso e faatatau i le faaiipoipoga ma le aiga.

Vaevae le vasega i ni vaega ma tuu atu i ai mau mai le lisi o loo i le tusi lesona a le tagata aoga. Fai atu i vaega taitasi e saili se mataupu faavae e mafai ona faaooaina i se sootaga faale-faaiipoipoga. Ia fai atu foi i vaega e faamatala pe faapefea ona faateleina le avanoa e ausia ai le tulaga manuia i le faaiipoipoga ona o lea mataupu faavae. A mae’a nai minute mo talanoaga a vaega, fai atu i vaega taitasi e tuuina mai mea na latou talanoaina. O tali atonu e aofia ai tali ua lisi atu i lalo:

- Iopu 6:25. Afai tatou te tautatala i se auala faa-Keriso, o le a tele atu le avanoa tatou te maua ai le fiafia i le faaiipoipoga.
- Faataoto 15:1. O le onosai ma le loto pulea e ono faatupuina ai le fiafia i le faaiipoipoga.
- Mataio 12:34–37. O fesootaiga faa-Keriso e sau mai se loto faa-Keriso.
- 1 Nifae 1:20. E ala i le usiusitai ma le faatuatua ia Iesu Keriso, e mafai ai ona tatou aloese ma ono laveaiina mai le tele o faigata lea e faaleagaina ai faaiipoipoga i aso nei.
- 3 Nifae 18:19–21. E mafai ona faamalolosa aiga ina ia teena ai faaosoosoga a Satani e ala i le tatalo faatasi.
- Alema 41:10. O le amioleaga i totonu o faaiipoipoga e le taunuu lava i le fiafia. O le amiotonu e sili atu ona faateleina ai o tatou avanoa e maua ai le fiafia i le faaiipoipoga.
- Mataupu Faavae ma Feagaiga 42:22. Pe a tatou faamaoni ma tuuto atu i o tatou taitoalua ma feagaiga o le talalelei, o le a faateleina lo tatou avanoa mo se faaiipoipoga fiafia ma tumau.

- Mataupu Faavae ma Feagaiga 42:23. O le mulilua ma mafaufauga tau i le mulilua e mafai ona faaleagaina ai faaiipoipoga.
- Mataupu Faavae ma Feagaiga 50:28. O le atoatoa i le faaiipoipoga, e tatau lava ona muamua ai le faapaiaina mai agasala uma.

Talanoaina nisi mau faaopopo a oe lava ia, pe fautuaina mai foi e tagata o lau vasega. Tau atu i tagata o le vasega, e na o nai mataupu faavae laiti nei e uiga i le faaiipoipoga ma le aiga o loo i ai i tusitusiga paia. Ia uunaia tagata o le vasega e vaai mo ia mataupu faavae i a latou suesuega o tusitusiga paia i aso taitasi.



**O le tulafono o molimau.** Faitau le saunoaga a Elder Henry B. Eyring i le faaiuga o le vaega “O Le Fiafia i le Faaipoipoga” i totonu o le tusi lesona a le tagata aoga (143). Talanoaina fesili nei:

- O fea tatou te liliu atu i ai mo le saogalemu i nei taimi faigata ma le matautia?
- O le a le tulafono o molimau, ma pe faapefea ona fesoasoani e laveaiina faaiipoipoga?

Faamalamalama o autu ma faitauga i lenei kosi, o loo faaaogaina le ala o le tulafono o molimau. Afai ua tuuina mai e nisi o perofeta fautuaga i se autu e fesootai i le faaiipoipoga, ua aofia ai i lenei vasega. A o tatou faaaogaina a latou aoaoga e uiga i le mea o loo manaomia ina ia maua ai faaiipoipoga fiafia ma mausali, o le a tatou maua faamanuiaga folafolaina.



**Vaiga Lautele o le Kosi.** Afai e te le i faia, ia tufa atu i tagata o le vasega se kopi o le “Faitauga mai le Tusi Lesona a le Tagata Aoga” o loo i le amataga o lenei tusi lesona (itulau. viii–x). Ia muai vaai i lesona ma faitauga o le a oo i ai. Tuu atu le molimau e uiga i le mana o le lelei e o’o mai i le suesueina o aoaoga a perofeta. Ia fai atu i tagata o le vasega e ao ona faamae’aina ia faitauga a o le i o mai i vasega taitasi.

## FAAIUGA

Toe faamanatu le saunoaga a le Perofeta o Iosefa Samita e uiga i le fiafia mai le gaioiga faale-talanoaga o loo i luga (tagai i le i. 11). Faamalamalama atu e mafai ona tatou maua le fiafia moni i le faaiipoipoga i lenei olaga, e ala i le aoaoina ma le ola ai i mataupu faavae sa’o, faapea foi le sailia o le aafiaga a le Agaga Paia i totonu o a tatou faaiuga fai faale-faaipoipoga. Afai tatou te ola ai i nei mataupu faavae, o le a faateleina le avanoa e ausia ai le fiafia i le faaiipoipoga, e le gata i lenei olaga, ae faapea foi le isi olaga.

## 3 O LE TAUSIAINA O LE FEAGAIGA PAIA O LE FAAIPOIPOGA

### VAAIGA AOA FAALE-AOAOGA FAAVAE

O le mau lenei, o loo faailoa mai ai le taua tele o sauniga o le perisitua, ma feagaiga e o faatasi ai: “O lea, o ona sauniga, ua faalia ai le mana o le faale-atua.

“Ma a aunoa ma ona sauniga, ma le pule o le perisitua, e le faalia mai le mana o le faale-atua i tagata i la le tino” (MF&F 84: 20–21).

O le osia ma le tausia o feagaiga e totonugalemu i le agavaa ai mo faamanuiaga e faavavau.

### MATAUPU FAAVAE

*O le usitaia o feagaiga na osia i le taimi o sauniga paia, e faateleina ai le mana o le amioatua i totonu o a tatou faaiipoipoga.*

### FAITAUGA MAI LE TUSI LESONA A LE TAGATA AOGA

Aoaoga Filifilia mai le “Feagaiga ma Sauniga” (40–42)

Aoaoga Filifilia mai le “Tatalaina o Faaipoipoga” (77–78)

“O Le Agaga Paia o le Folafolaga” (144)


“Feagaiga o le Faaipoipoga,” Elder Bruce C. Hafen (49–52)


*Ia Manatua:* O lenei lesona atonu e sili atu i le tasi le vasega e aoaina ai.

### O A MEA E AOA ATU

*O le mana o le Atua ua avanoa i tagata e ala i feagaiga paia ma sauniga. O lenei mana e mafai ai ona faavavau ia mafutaga.*

### FAUTUAGA I AUALA E AOA ATU AI

 **Talanoaga.** Fesili atu: O le a se mea e mafai ona faia e le tane ma le ava, ina ia tausia ai la laua tautinoga i la laua feagaiga o le faaiipoipoga i o la olaga atoa?

 **Talanoaga.** Valaaulia tagata o le vasega e faitau ma talanoaina le uiga o le “feagaiga” i totonu o le Bible Dictionary “Covenant” (i. 651). O fesili nei atonu e fesoasoani ai:

- E faapefea ona e faamatalaina le *feagaiga*?
- O ai e faatulagaina tuutuuga o se feagaiga ma le Atua?
- O a mea a feagaiga e fai i mataupu faavae ma sauniga o le talalelei?
- O a auala e fesoasoani ai feagaiga ia i tatou e ola i le talalelei?

Faamalamalama atu, i se feagaiga i le va o le Atua ma le tagata, e tauaveina e itu uma e lua ni matafaioi, ma e maua foi e itu uma e lua se mea aoga. Ia tusia le siata lenei i luga o le laupapa, e aofia ai na o ulutala matamata tetele. Fai atu i tagata o le vasega e faailoa mai po o a mea e tusi i koluma taitasi.




	Matafaioi	Aoga
Atua	Na te tuuina mai le faamanuiaga folafolaina.	Na te taliaina le tagata po o le ulugalii e toe foi atu i Lona afioaga, aua o Lana galuega ma Lona mamalu lea (tagai i le Mose 1:39).
Tagata	Tatou te tausia tuutuuga na faatulagaina mai e le Atua i totonu o le feagaiga.	Tatou te mauaina faamanuiaga folafolaina.

Iloilo ma talanoaina le Mataupu Faavae ma Feagaiga 84:20–21.

E tusa po o le a lo tatou naunau po o le faamaoni, na pau lava le ala tatou te maua ai faamanuiaga o le faavavau, o le mauaina lea o sauniga ma le tausia o feagaiga e o faatasi ai.


Faasoia atu le faamatalaga leni: “I totonu o le Ekalesia, o le upu *sauniga* e masani ona faatatau i sauniga faalelotu ma sauniga na tuuina mai e le Alii ia i tatou mo lo tatou faolataga, taitaiga, ma le mafanafana. ... O nei sauniga, o gaoioga faaletino e suitulaga i mea faaleagaga. E ala i lo tatou auai i nei mea, tatou te mauaina ai le mana faaleagaga lea tatou te manaomia e suia ai o tatou olaga” (*Tiute ma Faamanuiaga o le Perisitua: Tusi Lesona Faavae mo e Umia le Perisitua, Vaega E*[2000], 27).

Tusi le ata leni i luga o le laupapa:



Valaaulia tagata o le vasega e faamatala le ata e pei ona faatatau i le faaiipoipoga faalemalo, ma talanoaina a latou tali. (Mo se faataitaiga, o fulu aū e mafai ona faatusa i le alofa ma le lagolagosua e tuuina atu e paaga faaiipoipo, o le tasi i le isi, ma le laina e mafai ona faatusa i le matafaioi a le tasi i le isi.) O le a le pule e manaomia ina ia aoga ai le faaiipoipoga faalemalo?

Tusi se ata lona lua e pei o le ata leni:



Toe valaaulia tagata o le vasega e faamatala le ata ma talanoaina a latou tali. (O fulu aū o loo agai i lalo e mafai ona faatusa i le pule a le Atua, o poloaiga, o le Togiola, ma isi mea faapena. O fulu aū agai i luga, e mafai ona faatusa i le usi-usitai ma tatalo a le ulugalii.)

- Aisea e tatau ai ona faamaonia e le Atua ia feagaiga e faavavau?
- E faapefea ona tatou mautinoa ua avea le Atua ma se tasi o itu i feagaiga tatou te osia?

Faamalamalama atu, pe a tatou osia le feagaiga fou e faavavau o le faaiipoipoga, o le tuufaatasiga ua sili atu nai lo se feagaiga faalemalo. O na sauniga i le malumalu, e taitaiina atu ai tatou i le lagi, a o avea le Atua ma paaga i a tatou feagaiga. O nei sauniga, e mafai ona fesoasoani ia i tatou ia maua se vaega e faavavau o a tatou faaiipoipoga, ma sili atu ai lo tatou tuuto o le tasi i le isi, faapea foi i le Atua.

Na aoao mai Elder Dallin H. Oaks o le Korama a Aposetolo e Toasefululua: “O mea taua e faamuamua e le Au Paia o Aso e Gata Ai e lua ona vaega: Muamua, tatou te saili ia malamalama i la tatou sootaga ma le Atua le Tama Faavavau ma Lona Alo, o Iesu Keriso, ma faamautuina lena sootaga e ala i le mauaina o sauniga faaola ma le tausia o a tatou feagaiga faaletagata lava ia. Lua, tatou te saili ia malamalama i la tatou sootaga ma tagata o o tatou aiga, ma faamautuina na sootaga e ala i sauniga o le malumalusa, atoa ai ma le tausaiaina o feagaiga tatou te osia i lena nofoaga paia. O nei sootaga, e faamautuina i le ala e pei ona ou faamalamalamaina atu, maua faamanuiaga faavavau ia e le maua i se isi lava ala. E leai se tuufaatasiga faasaienisi, manumalo, meatotino, mitamitaga, lauiloa, po o le malosi e mafai ona aumaia nei faamanuiaga e faavavau!” (i le Conference Report, Ape. 1990, 62; po o le *Ensign*, Me 2001, 84).


E mafai faapefea e ulugalii faaiipoipo ona tausia nei mea faamuamua e lua ia sili ona taua i o latou olaga?

Toe iloilo faapuupuu le faamatalaga mai le siata “Faaiipoipoga Faaselesitila” o loo i le tusi lesona a le tagata aoga (48).

## O A MEA E AOO ATU


*O le mana e maua e ala i feagaiga paia, e mafai ai e ulugalii ona avea faapei o o latou matua faalelagi.*

## FAUTUAGA I AUALA E AOO ATU AI

 **Talanoaga.** Faitau le Mataupu Faavae ma Feagaiga 130:20–21.

- O a tulaga ua faavasegaina ai faamanuiaga a le Alii? (Usiuitai i tulafono ia e autu ai.)
- Pe a folafola mai e le Alii mo i tatou ni faamanuiaga faapitoa e avea o se vaega o se sauniga tatou te faatinoina, o le a le mea e ao ona tatou faia e maua ai na faamanuiaga?
- Faitau le Mataupu Faavae ma Feagaiga 136:4. O le a le auala e fesoasoani ai le savali “i sauniga uma a le Alii” ia i tatou e agavaa ai mo le ola e faavavau? (I le avea ai o se vaega o nei sauniga, tatou te osifeagaiga e faia mea uma e tatau ai e ulufale atu ai i le afioaga o o tatou matua faalelagi, o suli i lo la’ua malo.)


Na saunoa mai Sister Patricia T. Holland e faapea: “O feagaiga, e le gata ina tatou tautino atu ai lo tatou mausali i lo tatou faatuatua i le Atua, ae latou te faamanatu mai foi ia i tatou o le Atua o le a le maluelue i Lona faamaoni ia i tatou. Ma e ui atonu tatou te faaletonu ma faia mea sese, e le faaletonu lava o Ia. Na te le faia lava se mea sese. E tumau lava Lona faamaoni ia i tatou. O le matagofie ma le mamalu lena ua faatumauina i totonu o feagaiga tatou te faia ma le Atua” (“Considering Covenants: Women, Men, Perspective, Promises,” i le *To Rejoice as Women: Talks from the 1994 Women’s Conference*, ed. Susette Fletcher Green and Dawn Hall Anderson [1995], 99–100; po o le tusi lesona a le tagata aoga, 41).

 **Talanoaga.** Na faamalamalama mai e Elder M. Russell Ballard o le Korama a Aposetolo e Toasefululua le auala e fesoasoani ai le malamalama ma le manatuina o feagaiga paia ia i tatou ia agavaa ai mo faamanuiaga folafolaina a le Atua:

“O se iloiloga faavaitaimi o feagaiga ua tatou osia ma le Alii, o le a fesoasoani ai ia i tatou i mea tatou te faamuamua, ma ia paleni o tatou olaga. O lenei iloiloga, o le a fesoasoani tatou te iloa ai mea e ao ona salamo ai, ma suia o tatou olaga ina ia mautinoa ua tatou agavaa mo folafolaga ua tuuina mai faatasi ma a tatou feagaiga ma sauniga paia. O le galueaiina o o tatou lava faaolataga, e manaomia ai le fuafua lelei ma se taumafaiga patino ma lototele” (i le Conference Report, Ape. 1987, 15; po o le *Liahona* Me 198714 tusi lesona a le tagata aoga, 42).

- O a sauniga paia o le faaolataga lea na saunoa i ai Elder Ballard?
- O a mea ua tatou osifeagaiga ai ma le Atua ua avea ma se vaega o nei sauniga taitasi?
- O le a le mea ua folafola mai e le Alii ia i tatou i sauniga taitasi?

A mae’a ona tuuina mai tali a tagata o le vasega, valaaulia i latou e faatusatusa a latou tali ma le faamatalaga o loo i le “O la Tatou Sootaga e Faavae i Feagaiga ma le Alii” (tusi lesona a le tagata aoga, 42–48). O le koluma muamua ua faaali mai ai lē e ana le pule e faia ai le sauniga. O le koluma lua ma le tolu, o loo iloilo ai folafolaga ua tatou faia ma le Atua, ma le mea ua Ia folafola mai ia i tatou. Toe iloilo faatasi ma tagata o le vasega ia feagaiga e taitai atu ai i le faaiipoiga e faavavau, ma valaaulia tagata o le vasega ina ia mafafau loloto i lo latou faamaoni i le tausiga o ia feagaiga.

 **Talanoaga.** O le a le auala sili e iloa ai ua tausia e se tasi o le ulugalii ana feagaiga e faavavau o le faaiipoiga?


Fesoasoani i tagata o le vasega ia malamalama o le auala sili e iloa ai, o le tulaga lelei latou te faamamaluina ai a latou feagaiga i le taimi nei, e aofia ai le papatisoga, tautoga ma le feagaiga o le perisitua, ma le faaeega paia pe afai ua uma ona faia na sauniga.


Toe iloilo le vaega mulimuli o le faaiipoiga e faavavau i le “O La Tatou Sootaga e Faavae i Feagaiga ma le Alii” (tusi lesona a le tagata aoga, 48). Fesili atu po o le a le mea tatou te osifeagaiga e fai, pe a tatou faaiipoiga i totonu o le malumalu. O le a le mea e folafola mai e le Alii, pe a tatou tausia a tatou feagaiga? Faailoa atu le tele o faamanuiaga e maua e i latou o e osia ma tausia feagaiga paia.

## O A MEA E AOA ATU

*O le tausia o feagaiga tatou te maua ai le mana e valaau atu ai i le lagi mo le fesoasoani i a tatou faaiipoiga ma aiga.*

## FAUTUAGA I AUALA E AOA ATU AI

 **Tusi Lesona a le Tagata Aoga.** E tele auala e mafai ai e le tausia o feagaiga ona faamanuiaina o tatou olaga. Su’e i Aoaoga Filifilia mai le “Sauniga ma Feagaiga” i le tusi lesona a le tagata aoga (40). Faitau ma talanoaina le faamatalaga mai ia Elder Boyd K. Packer o loo i le itulau 49 e faatatau i le mana o le sauniga o faamauga lea e fusia ai aiga.

 **Gaoioiga faale-tusitusiga Paia.** Toe iloilo mau nei ma faatatau i le auala e aumai ai e le faamaoni le mana e puipua ai aiga.

- Mosaea 26:15–20. O a auala e te manatu na faamamaluina ai e Alema le tautoga ma le feagaiga o le perisitua?
- Mosaea 27:14. Na mafai faapefea e le faamaoni o Alema ona faamanuiaina ai lona aiga? (Na mafai ona ia tatalo “ma le faatuatua tele” e uiga i lona atalii o Alema le Itiiti ina ia “toe aumaia o ia i le malamalama o le upu moni.”)
- Mosaea 28:5–7. Na faapefea e le sootaga a le tupu o Mosaea ma le Alii ona faamanuiaina ai lona aiga? (Ina ua fesiligia e ona atalii o ia pe mafai ona latou o i se misiona matautia i Sa Lamana, sa ia te ia le agavaa e fesili atu ma


maua mai se tali mai le Alii.) Toe iloilo le tala o le faataunuuina o le folafolaga a le Alii i le Tupu o Mosaea (tagai i le Alema 19:22–23 E ui e le o faamoe-moe lenei mamanu mo aiga uma ae o loo faaalua ai le mana o le faatuatua o le tasi tagata mo le manuia o le isi sui agavaa o le aiga.

- Alema 53:16–21; 56:45–48, 56. O le a le mea na faatatau i ai e atalii o Helamana lo latou mana o le puipuiga? Talanoaina pe faapefea ona maua lenei ituaiaga mana i aso nei. E faapefea e le tausaiaina o a tatou feagaiga uma, e aofia ai feagaiga e o faatasi ma le faaipoipoga e faavavau ona faateleina lo tatou tomai e faamanuiaina o tatou aiga?

## O A MEA E AOO ATU

*Ua tuuina mai e perofeta soifua taitaiga e faatatau i le feagaiga fou e faavavau o le faaipoipoga.*

## FAUTUAGA I AUALA E AOO ATU AI

 **Galuega fai faavaega.** Ua fesoasoani mai perofeta o aso nei ia tatou malamalama i le natura o feagaiga tatou te osia, pe a tatou faaipoipo i le malumalu. Su'e i Aoaoga Filifilia mai le “Sauniga ma Feagaiga” (tusi lesona a le tagata aoga, 38). Vaevae fesili nei i vaega o tagata o le vasega. Tuu atu ni nai minute e talanoaina ai tali, ona tuu atu lea o le avanoa e faailoa mai ai a latou sailiiliga i le vasega. (Mo se isi auala, talanoa faatasi ma le vasega ia fesili.)

- Peresitene Iosefa Filitia Samita (tusi lesona a le tagata aoga, 40). O le a le matafaioi e faatinoina e le Agaga Paia o Folafolaga i totonu o a tatou feagaiga e faavavau o le faaipoipoga? (tagai foi i Aoaoga Filifilia mai le “O Le Agaga Paia o le Folafolaga,” tusi lesona a le tagata aoga, 144).

O le a le mea na aoao mai e Peresitene Samita e uiga i le aloese mai le tatalaina o faaipoipoga? O le a le mea na ia ta'u mai o le faasalaga a le Alii mo le solia o le feagaiga o le faaipoipoga e ala i le tetea? (tagai foi i Aoaoga Filifilia a Peresitene Gordon B. Hinckley ma James E. Faust, “Tatalaina o Faaipoipoga,” tusi lesona a le tagata aoga, 77).

O a isi matafaioi na saunoa i ai Peresitene Samita, tatou te taliaina pe a tatou faaipoipo? O a faigata atonu tatou te feagai, a o tatou taumafai e faatinoina nei matafaioi?

- Elder J. Ballard Washburn (tusi lesona a le tagata aoga, 42). E tusa ai ma Elder Washburn, o le a le vaega o le feagaiga o le faaipoipoga e le amanaia e le tele o ulugalii? E te manatu aisea e tupu ai lenei mea? O le a le mea e tatau ona fai e tausia ai lenei vaega o le feagaiga fou e faavavau o le faaipoipoga?
- Elder Marion G. Romney (tusi lesona a le tagata aoga, 40–41). E tusa ma le iloilogaga a Elder Romney, aisea e tatau ai ona tatou faatauina a tatou feagaiga? O a auala tatou te faatalale ma manatu faatauavaa ai i nisi taimi e uiga i feagaiga paia ma sauniga?
- Elder Boyd K. Packer (tusi lesona a le tagata aoga, 41). Talanoaina lapataiga a Elder Packer e faatatau i auala masani e faaososoina ai le Au Paia o Aso e Gata Ai e solia a latou feagaiga, ma lē maua ai faamanuiaga folafolaina. O a ni mea e mafai ona tatou faia e fesoasoani ai e faamautinoaina o nei faaososoga o le a le mafai lava ona taofia i tatou mai le mauaina o o tatou faamanuiaga folafolaina?
- Elder Robert D. Hales (tusi lesona a le tagata aoga, 41). Aisea e faamoemoe mai ai le Alii ia i tatou ina ia tumau pea le alofa i o tatou taitoalua, e tusa pe i ai ni mea e uiga i a tatou faaipoipoga tatou te le o fiafia i ai? E faapefea e le naunautaga e faamamalu a tatou feagaiga ona fesoasoani ia i tatou i tulaga faapea?

- Elder Jeffrey R. ma Sister Patricia T. Holland (tusi lesona a le tagata aoga, 41). O le a le mana o feagaiga sa aoao mai e Elder ma Sister Holland?



**Talanoaga.** Faamalamalama atu le eseesea i le va o faaiipoipoga faakonekarate faale-malo ma faaiipoipoga faale-feagaiga e faavavau (tagai i le Elder Bruce C. Hafen, “Faaiipoipoga Faale-feagaiga,” tusi lesona a le tagata aoga, 49–52). Ia faaali atu eseesea, e ala i le tusia o se laina sa’o mai luga i lalo i le ogatotonu o le laupapa. Ia faaigoa le tasi itu “Faaiipoipoga Faakonekarate,” a o le isi itu “Faaiipoipoga Faale-feagaiga.” Faaoga le saunoaga a Elder Hafen, e tusi ai e le vasega se lisi o mea e iloagofie ai faaiipoipoga taitasi, ma faatusatusa ma tuu eseese i vaega.

O ulugalii faaiipoipo uma e tataua ona feagai ma faigata. O ulugalii e faaiipoipo i tulafono faalemalo, atonu e le o i ai se vaaiga e faavavau, lea e tuuina atu ai le mana i faaiipoipoga faale-feagaiga.

## FAAIUGA

Atonu e te manao e tuuina atu lau molimau i le auala ua faamanuiaina ai lau faaiipoipoga ma lou aiga, ona o lou tausia o au feagaiga.

## GALUEGA ATOFAINA MO LE LESONA 7

Tuu atu i tagata o le vasega le galuega atofaina leni mo talafaasolopito o aiga. E faagata leni galuega atofaina pe a e aoaoina atu le lesona 7, “Uputuu a Tuua,” e masani lava e tusa ma le lua vaiaso.

**Vaega 1.** Ia faia se sailiiliga e te iloa ai se mea e uiga i mea na tutupu i soifuaga o ou tuua, e mafai ona aafia ai la oe lava faaiipoipoga ma le olaga faaleaiga. Aoao se mea e te le i iloaina muamua, a o le i faia leni galuega. E mafai ona e faitauina talafaasolopito o aiga na tusia e ou auaiga, pe e te fesili atu foi i ou matua, matua o matua, po o uso ma tuafafine o ou matua, e faamatala mai ia te oe mea e uiga ese ma musuia na tutupu i le talafaasolopito o lou aiga. Tusi i lalo mea na e aoaoina mai, ina ia aveia ma vaega o la oe lava talafaasolopito faaleaiga. Faamatala pe faapefea ona aafia ai la oe lava faaiipoipoga ma le aiga. Ia saunia e faasoa atu ou manatu i le vasega.

**Vaega 2.** Talanoa i ou matua, o isi tagata o le aiga, po o uo a le aiga. Fesili atu ia i latou pe i ai ni mea tutusa latou te matauina i amioga, mea e fiafia i ai, ma isi mea faapena, i le va o oe ma ou matua. Fesili atu ia i latou pe na i ai nisi o nei uiga i matua o ou matua.

**Vaega 3.** Ia faia se lisi o tulafono faaleaiga, ni faiga masani, ma ni tu ma aga na e matauina a o e tuputupu a’e. Fai se isi lisi o tulafono ma ni tu ma aga e te manao e faaauau i totonu o lou lava aiga. Faailoa po o fea e te lagona o loo faavaeina i mataupu faavae o le talalelei.

O nei faiga masani ma tu ma aga atonu e faatatau i galuega, suesuega, tapu, taimi momoe, taumafataga, fonotaga faaleaiga, suesuega faaleaiga o tusitusiga paia, afiafi faaleaiga, tatalo faaleaiga, tatalo faale-ulugalii, faamanuiaga faale-tama ma faatalanoaga, aso fanau, aso faailogaina, faauuga, faaiipoipoga, tu masani mo aso malolo, faamamaluina o le Sapati, misiona, faaiipoipoga faale-malumalu, gaoioiga faafiafia, matafaioi a le tane ma le ava, faiga o faaiuga, tulaga tau tupe (e pei o le totogiina o sefuluai, kata tupe, aitalafu, ma le faapaketiina o tupe), faailoaina o le alofa, itu-aiga o fesootaiga, foiaina o faafitauli, ma le taulai atu i mea faale-lalolagi.

## 4 O LE FAALEAGAGA I LE FAAIPOIPOGA

### O LE VAAIGA AOA O FAALE-AOAOGA FAAVAE

“Afai e sili atu le alofa o ni tagata se toalua i le Alii nai lo o laua ola, ma sili atu le alofa o le tasi i le isi nai lo o laua lava ola, galulue faatasi ia ogatusa atoatoa ma le polokalama o le talalelei e avea ma o laua faatulagaga faavae, o le a mautinoa lo laua mauaina o le ... fiafia sili. Pe a o atu faatasi soo le tane ma le ava i le malu-malu paia, tootutuli faatasi i le tatalo ma o latou aiga, uu lima faatasi ma o i a latou sauniga faalelotu, tausia o latou olaga i le mama atoatoa, faale-mafaufau ma le faaletino, ina ia taulai atu o latou manatu ma naunautaiga atoatoa ma le alofa i le tagata e tasi, o a latou soa, ma galulue faatasi i laua uma mo le fausiaina o le malo o le Atua, ona maua lea o le fiafia i lona tumutumuga” (Spencer W. Kimball, “Marriage and Divorce” i le 1976 *Devotional Speeches of the Year* [1977], 151; po o le tusi lesona a le tagata aoga, 172).

### MATAUPU FAAVAE

“Pe a sili atu le alofa o ni tagata se toalua i le Alii nai lo o laua lava ola, ma ... galulue faatasi i laua uma mo le fausiaina o le malo o le Atua, ona maua lea o le fiafia i lona tumutumuga.”

### FAITAUGA MAI LE TUSI LESONA A LE TAGATA AOGA

“O Le Aiga: O Se Folafolaga i le Lalolagi,” o le Au Peresitene Sili ma le Korama a Aposetolo e Toasefululua (89–90)


Aoaoga Filifilia mai le “O Le Aiga: O Se Folafolaga i le Lalolagi” (90–108)


### O A MEA E AOAO ATU

*O ulugalii faaiipoipo e mafai ona sili atu ona alofa le tasi i le isi, pe a avea atili e faapei o Keriso.*

### FAUTUAGA I AUALA E AOAO ATU AI

**Talanoaga.** Tusi le mataupu faavae o le lesona i luga o le laupapa. Fai atu i tagata o le vasega e tusi se ata e faaalua ai lea mataupu faavae. A maea a latou taumafaiga, ia tusia le ata lena i luga o le laupapa ma tuu ai iina mo le taimi o totoe o le lesona.




 **Tusi Lesona a le Tagata Aoga.** Fai atu i tagata o le vasega e su'e i le vaega "E Faapefea e Lo Tatou Alolofa i le Atua ona Uunaia lo Tatou Gafatia e Alolofa ai i Isi?" (tusi lesona a le tagata aoga, 166). Faitau ia faamatalaga taitasi ma fai atu fesili e pei o fesili nei:


- Elder Orson Pratt. Aisea e te manatu ai "o se tamaloa amio leaga e mafai ona itiiti lona alofa mo lana ava"? E faapefea e le ola i mataupu faavae o le talalelei i totonu o se aiga e totonugalemu ia Keriso, ona fesoasoani i se tamaloa ia alofa i lana ava?
- Elder Ioane A. Widtsoe. Aisea e faapea ai, o le alofa moni i le va o alii ma tamaitai "e aofia ai i taimi uma le alofa mo le Atua"?
- Elder Russell M. Nelson. E tusa ai ma le saunoaga a Elder Nelson, e faapefea e lo tatou tuuto atu i le Alii ona faateleina lo tatou tuuto atu i o tatou taitoalua? Aisea e moni ai lenei mataupu? Faamata o a ni taunuuga o se faaipopoga, pe afai e vaivai le tausia e le paaga o a lau feagaiga paia?

## O A MEA E AOA ATU

*O le fausiaina o le faaleagaga, o se sailiga faifai pea mo tagata taitoatasi faapea foi le ulugalii.*

## FAUTUAGA I AUALA E AOA ATU AI


 **Galuega fai faavaega.** Vaevae le vasega i ni vaega se tolu ma tuu atu i vaega taitasi e faitau se tasi o vaega nei mai le "Ausia o le Malamalama Faaleagaga" mai ia Elder Richard G. Scott (tusi lesona a le tagata aoga, 158): "Saili le Malamalama Faalelagi i le Lotomaulalo," "Faaaoga le Faatuatua ma Faalogo ma Usitai i Fautuaga a Keriso," ma le "Tausi i Poloaiga." Fai atu i vaega taitasi e tuuina mai ni mataupu taua se lua po o le tolu mai a latou faitauga faatonuina, ma talanoaina faatasi o se vasega.

 **Talanoaga.** Fesili atu i tagata o le vasega: O le a se mea e mafai ona e faia e faateleina ai le faaleagaga o oe lava ia? O le a se mea e mafai ona oulua faia, o se ulugalii, e faateleina ai le faaleagaga? E mafai faapefea e le Agaga ona fesoasoani e foiaina faafitauli o aso taitasi i se faaipopoga?

## O A MEA E AOA ATU

*"O le fiafia i le olaga faaleaiga, e tele lava ina ausia, pe a faavae i luga o aoaoga a le Alii o Iesu Keriso" ("O Le Aiga: O Se Folafolaga i le Lalolagi").*

## FAUTUAGA I AUALA E AOA ATU AI

 **Galuega fai faavaega.** Su'e faatasi ma tagata o le vasega i le "O Le Aiga: O Se Folafolaga i le Lalolagi" (tusi lesona a le tagata aoga, 89), ma faitau le mataupu faavae lenei mai le parakalafa 7: "E maua le fiafia i le olaga faaleaiga pe a faavae i aoaoga a le Alii o Iesu Keriso." Toe faamanatu faapuupu'u atu i tagata o le vasega le auala e fesoasoani ai tusitusiga paia e aoa le taua o le fausiaina i luga o faavae mautu (tagai i le Luka 6:47-49; 1 Korinito 3:10-13; Efeso 2:20, po o le 2 Nifae 28:28 Faamalamalama atu, ina ia maua le fiafia i le olaga faaleaiga, e ao ona tatou fausia i luga o le faavae o aoaoga a le Alii o Iesu Keriso.

O le parakalafa lona fitu o le folafolaga o loo lisi mai ai mataupu faavae e iva lea e avea o se faavae mo se faaipopoga faamanuiaina: faatuatua, tatalo, salamo, faamagaloga, faaloalo, alofa, agalelei, galuega, ma gaoioiga faafiafa tuu faatasi. Vaevae le vasega i vaega ma tuuina atu se mataupu se tasi pe lua i vaega taitasi. Fai atu i vaega taitasi e mafaufau i ni faataitaiga e faamalolosia ai e a latou mataupu faavae atofaina le faaipopoga, ma faasoa mai i le vasega. Talanoaina nisi faataitaiga pe a lava le taimi.

## FAAIUGA

Faitau le saunoaga lenei mai ia Elder James E. Faust, a o avea ma sui o le Korama a Aposetolo e Toasefululua: “O le mauaina o le mafutaga ma le fiafia i fua o le Afio ai o Se e Paia ma Mamalu, o le aano lea o se fiafia sili i le faaiipoipoga. O le autasi faaleagaga, o le taula lea. O nai mama faifaimalie i le tulaga faapaiaina o le faaiipoipoga, e mafai ona o’o ai faaiipoipoga e avea ma “pa’u pā” (i le Conference Report, Oct. 1977, 14; po o le *Liahona*, Nov. 1977, 9; tusi lesona a le tagata aoga, 186). Toe foi atu i le ata o loo i le laupapa, ma faamalamalama atu e mafai ona tatou tausia a tatou faaiipoipoga mai le avea ma “pa’u pā” e ala i le alolofa uma o le tane ma le ava ia Iesu Keriso ma mulimuli atu i Ana aoaoga. Faaaoga le ata na e tusia i luga o le laupapa e faamalamalama atu ai e faapea, o le latalata lava o se ulugalii i le Alii, o le latalata foi lena o le tasi i le isi.

Toe faamanatu le mataupu faavae faapea, o le faaleagaga e faaleleia atili ai le faaiipoipoga. Valaaulia tagata o le vasega e mafaufau i o latou lava malosiaga ma vai-vaiga, ma tagai mo auala e avea atili ai e faapei o Keriso.



## 5 O VAEGA FAAVAE O FESOOTAIGA I FAAIPOIPOGA

### VAAIGA AOA O FAALE-AOAOGA FAAVAE

“O a tatou fesootaiga e atagia i o tatou foliga. O le mea lea, e ao ona tatou faaete-ete ina ia le na o le *mea* tatou te tautatala atu ai, ae faapea foi le *auala* tatou te faia ai. E mafai ona faamalolosia pe nutililiina ai foi agaga i le savali ma le auala tatou te fesootai atu ai” (L. Lionel Kendrick, i le Conference Report, Oct. 1988, 28; po o le *Liahona*, Nov. 1988, 23).

### MATAUPU FAAVAE

*O fesootaiga lelei e faagaetia ai faaiipoipoga.*

### FAITAUGA MAI LE TUSI LESONA A LE TAGATA AOGA

Aoaoga Filifilia mai le “Fesootaiga” (33)


#### O A MEA E AOA O ATU

*O le malamalama i ou lava malosiaga ma vaivaiga, e mafai ona fesoasoani e faaleleia atili ai tomai tau fesootaiga.*


#### O A MEA E AOA O ATU


*Ua aoao mai taitai o le Ekalesia o fesootaiga faalefaaiipoipoga e faaleleia e ala i lagona malamalama, faautauta, loto matala, faapalepale, alofa, faaaloalo, vaai atu i le isi o se paaga tutusa, ma le faaaloaloga ina o le faitalia o le isi.*

#### FAUTUAGA I AUALA E AOA O ATU AI

 **Muai suega a le tagata o le vasega.** Fai ni kopi o le tufaaga 2, “Suega o le Fesootaiga,” mai le faaiuga o le lesona (i. 24) ma tufa atu i tagata o lau vasega ua faaiipoipo, pe ua faamau. Tuu atu ia i latou nai minute e tali ai fesili o loo i lalo o le “O Le A Le Lelei o La’u Fesootai Atu?” Faamalalamalama atu o le a outou le talanoaina a latou tali i le vasega, ae uunaia i latou e talanoaina i se taimi mulimuli mai ma a latou uo ua faamau i ai, po o taitoalua.

#### FAUTUAGA I AUALA E AOA O ATU AI

 **Talanoaga.** Faitau le Mataupu Faavae ma Fegaiga 76:94 faatasi ma tagata o le vasega. Faamalalamalama atu o le tasi o mea e iloagofie ai i latou o e mautofi i le malo selesitila o le “latou te vaai e pei ona vaai ai i latou, ma iloaina e pei ona iloa ai i latou.” O le mea lea e foliga o loo faapea mai, i lo tatou tulaga atoatoa faaleselesitila, o a tatou fesootaiga o le tasi ma le isi, o le a mama ma manino, e aunoa ma le faagutugutulua, faa’ole’ole, po o le le malamalama. Talu ai o le mamalu faaselesitila o la tatou sini lea, e tatau ona tatou taumafai e aoao ma faaoga lea ituaiga o fesootaiga i le taimi nei.

 **Galuega fai faavaega.** Tuu atu i tagata o le vasega e sue i mau e faatatau i ai i lalo o le “Fesootaiga” i totonu o le tusi lesona a le tagata aoga (33). Vaevae le vasega i ni vaega ma atofa atu ni mau eseese i vaega taitasi. Fai atu ia i latou e talanoaina i a latou vaega pe faapefea ona faaoga a latou mau i fesootaiga i totonu o faaiipoipoga ma le aiga. Tuu atu le avanoa e lipoti mai ai a latou faaiuga i le vasega.

**Tufaaga 3.** Fai ni kopi o le tufaaga 3, “Iloiloga faaletagata lava ia mo le Sauaina Faalelagona,” mai le faaiuga o lenei lesone (i. 25) ma tufatufa atu i tagata o le vasega. Valaaulia tagata o le vasega e talanoaina o latou lagona e uiga i amioga o loo lisi atu ai iina. Ia uunaia i latou e faatumu le pepa o fesili i le fale, ma afai ua faaiipoipo, ia talanoaina ma o latou taitoalua i se taimi mulimuli ane.


Ia faailoa atu e faapea, ina ia maua se faaiipoipoga malosi e ao ona e tafiese faiga uma faatiga o fesootaiga, ae fesootai atu i auala e faafailleleina ai, faagaee-tia, siitia, uunaia, ma ia faia ina ia lagonaina e lou toalua lona faatauaina ma le alofagia.

## O A MEA E AOO ATU

*O le faateleina lava o le avea o le tane ma le ava e faapei o Keriso, o le faateleina foi lena o le agavaa e fesootai ai le tasi i le isi i le alofa.*

## FAUTUAGA I AUALA E AOO ATU AI

**Talanoaga.** Ia tusia le ata faatusa lenei i luga o le laupapa. Fai atu i le vasega e faamalamalama mai. Ia faamalamalama atu e faapea, o le tele lava o le latalata atu o le alii ma le tamaitai ia Keriso (i se isi faaupuga, o le tele o le avea o i la’ua e faapei o Keriso), o le tele foi lena o le agavaa e fesootai ai le tasi i le isi i le alofa.



**Talanoaga.** Faitau faamatalaga nei i le vasega ma fesili atu po o le a le mea a nei mea taitasi e fai i le fesootaiga faalefaaiipoipoga.

- Na tusia e Elder John A. Widtsoe, o le sa avea ma sui o le Korama a Apose-tolo e Toasefululua, “O le alofa moni lava o le alii mo le tamaitai e masani ona aofia ai le alofa i le Atua, o lē aumai ai mea lelei uma” (*Faamaoniga ma Faaleleiga*, aar. G. Homer Durham, 3 vols. in 1 [1960], 297; po o le tusi lesone a le tagata aoga, 167).
- Na aoao mai Elder Neal A. Maxwell o le Korama a Apose-tolo e Toasefululua e faapea: “I aoaoga a tagata—a aunoa ma Keriso i le totonugalemu—o le a vave ona i ai se lagona faavaivaia o le auaunaga mo isi. ... O tagata, e le masani ona alofa i se tuaoi ona e faapea o loo i ai o ia iina; o nisi e iloa a’e o loo ola o ia, ina ua maea ona faaosofia latou o loo soifua le Atua” (*Of One Heart: The Glory of the City of Enoch* [1975], 15).

## FAAIUGA

O vaega e lua mai le Iakopo 3 ua otooto mai ai le lu’i mo fesootaiga i se auala e faamalolosia ai sootaga e faavavau:

“Aua o mea e tele e sese ai i tatou uma. A le sese se tasi i le upu, o le tagata lea ua sao, na te mafaia foi ona taofi i le tino uma. ...

“O ai ea so outou ua potu ma ua malamalama? Ina faaali mai ia e ia ai le amio lelei o ana lava galuega i le agamalu o i ai le potu” (Iakopo 3:2, 13).

A lava le taimi, toe faamanatu ma talanoaina le tusi atoa o le Iakopo 3.

## Tufaaga 2 • Suega o le Fesootaiga

O Le A Le Lelei o La'u Fesootai Atu?	E masani lava	O nisi taimi	E seāseā lava
1. O le auala ou te tautala ai i lau soa, e faamalosia ai la maua sootaga.			
2. O mea ou te filifilia e talanoa ai ma la'u soa e faamalosia ai la ma'ua sootaga.			
3. Ou te tuuina atu le faamamafa sili atu i uiga lelei o la'u soa nai lo ona sese.			
4. E ia te au se uiga lelei e uiga i la'u soa.			
5. Ou te aloese mai le faitio, sisi'o, faatautee, musu, faasea, ma le lotomalo, pe a ma talanoa ma la'u soa.			
6. O le auala ou te fesootai ai i la'u soa, e faali atu ai ou te alofa ma faaloalo ia te ia.			
7. Ou te vaai atu i la'u soa e tutusa lava ma a'u i la maua sootaga faalefaaiipoiga.			
8. Ou te faaafiaina la'u soa i faaiuga taua uma e faia i la maua faaiipoiga.			
9. Ou te faateete ina ia aua ou te taumafai e faamalosia la'u soa, ina ia fetui ma so'u manatu ua leva ona mafauina.			
10. Ou te galue malosi e fesootai atu i se auala faa-Keriso.			

### Tufaaga 3 • Iloiloga a le Tagata lava ia o le Faatautala/Sauaina Faalelagona

Sii mai le Judy C. Olsen, "The Invisible Heartbreaker," *Ensign Iuni 1996*, 24–25

Faailoga pe faafia ona e faaogaina faiga taitasi nei o sauaga faalelagona i lou toalua po o isi.

UIGA SAUA PO O LE FAATAUTALA	E LE TUPU LAVA (e le i tupu lava i le lima tausaga talu ai)	E SEĀSEĀ LAVA (itiiti ifo i le faatasi i le tausaga)	I NISI TAIMI (itiiti ifo i le faatasi i le masina)	TUPU SOO (e ta'i vaiaso, po o aso taitasi)
<b><i>Valaauina i Nisi Igoa</i></b>				
'Upu e pei o le faavalevarea, matavalea, pe sili atu foi le leaga				
Upu faauigalua, pe soona lafo				
Igoa valaau e uigā				
Igoa faatiga				
<b><i>Faaupuga Taufaaaleaga</i></b>				
Ta'ufaatauvaaina o taumafaiga				
Leo fiasili				
Tausuaga vaai maualalo e faalumaluma ai tagata				
Vaavaai masei				
<b><i>Faamata'uina</i></b>				
Taufaamata'u ina ia maua ai le mea o loo mana'o i ai				
Upu ita				
E'ē				
Tatutuvae solo i le fale				
Tauai solo po o le talepeina o mea				
Faasalaveia ma le tautala malosi				
Pupula ita po o isi faailoga o le sau				
<b><i>Faasea (faatapulaaina o fegalegaleaiga a le toalua)</i></b>				
Taofia o faamatalaga po o uiga alofa				
Taofiofimauiina o lagona le fiafia po o le faasea				
Faia o tulafono le talafeagai				
<b><i>Faiga poto faatogafiti</i></b>				
Faafoliga tiga ina ia gauai mai ai le isi				
Taumafai e faoso lagona tausalaina				
Tuuia o le toalua po o isi mo faafitauli				
Tetee ma le loto i ai i se faaiuga a le toalua mo mafuaaga manatu faapito				

## 6 O LE LOTOGATASI AMIOTONU I LE FAAIPOIPOGA

### VAAIGA AOAQ FAALE-AOAQQA FAAVAE

“Ma ia tonu outou i le manatu e tasi, ma ia outou lotogatasi i mea uma” (2 Nifae 1:21).

“Ma sa taua e le Alii lona nuu o Siona, aua sa tasi o latou loto ma tasi le mafaufau, ma sa mau i le amiotonu” (Mose 7:18).

“E ao i se tane ma se ava ona ausia le lotogatasi amiotonu ma le manatu e tasi i a laua sini, manaoga, ma amioga” (Ezra Taft Benson, “O Le Faaolataga—O se Mataupu Faaleaiga,” *Liahona* Iulai 1992, 2; po o le tusi lesona a le tagata aoga, 302).

“E matuai sili mamao atu ona faigata ona tasi i le loto ma le mafaufau nai lo le faaletino” (James E. Faust, i le Conference Report, Apr. 1993, 46; po o le *Liahona*, Me 1993, 36; tusi lesona a le tagata aoga, 368).

### MATAUPU FAAVAE

*O le ausiaina o le lotogatasi amiotonu faatasi ma o tatou taitoalua e faateleina ai le avanoa mo le manuia i faaiipoipoga.*

### FAITAUGA MAI LE TUSI LESONA A LE TAGATA AOGA

Aoaoga Filifilia mai le “Lotogatasi” (368–70)


Aoaoga Filifilia mai le “Manatu Faapito” (325)

### O A MEA E AOAQ ATU

*O le lotogatasi amiotonu i le faaiipoipoga e aofia ai le tasi ia tatou sini, manaoga, ma amioga.*

### FAUTUAGA I AUALA E AOAQ ATU AI

Faamanatu i tagata o le vasega e uiga i mataupu faavae o le alofa, faaloalo, ma fesootaiga lelei na talanoaina i le lesona ua mavae atu. Faailoa atu le taua o ia mataupu faavae i le fausiaina o le lotogatasi i faaiipoipoga.


 **Talanoaga.** Tusi i luga o le laupapa le saunoaga a Peresitene Ezra Taft Benson mai le Mataupu Faavae o le Talalelei (luga). Fesili: O le a sou manatu i le uiga o le “lotogatasi amiotonu”? Talanoaina leni manatu faavae e ala i le faia o fesili e pei o fesili nei:

- O a auala atonu e fesoasoani ai le lotogatasi amiotonu e taofia pe foiaina faafitauli i faaiipoipoga? E te manatu o *soo se* ituaiga o lotogatasi o le a faaleleia atili ai sootaga, pe e tatau lava ona lotogatasi *amiotonu*? Aisea?
- O a vaega na saunoa ai Peresitene Benson e ao ona tatou tauivi ai mo le tasi o le loto?
- O a ni faaitaiga o le lotogatasi amiotonu i se faaiipoipoga?
- Aisea ua i ai le avanoa mo vaega uma e lua, o le taitoatasi ma le tasi i le loto i se faaiipoipoga e faavavau?


## O A MEA E AOAO ATU

*O le lotogatasi amio-  
tonu i le faaiipoipoga e  
aumaia ai le malosi.*

## FAUTUAGA I AUALA E AOA O ATU AI

 **Gaoioiga i tusitusiga Paia.** O le faatusatusaga lenei e mafai ona faaaogaina e aoao ai le mana o le lotogatasi i le faaiipoipoga. Faaali atu i tagata o le vasega se fasi laupapa lua i le fa (le ituiga lapo'a lea e masani ona faaaogaina mo le fausiaina o tino o fale). Faamalamalama atu, o se lua i le fa e valu futu le umi, pe a faatu sa'o i luga, e mafai ona taofia le 577 pauna. Afai e tuuina atu i ai se mamafa sili atu, o le a pi'o ma gausia. Faaali atu i tagata o le vasega se isi fasi lua-i-le-fa. Ia faatutu laupapa e lua o le tasi i autafa o le isi (aua ne'i fepiitai), ma fesili atu i tagata o le vasega pe faamata e fia se mamafa e mafai ona la taofia. (E mafai ona faaluaina le mamafa, po o le 1,154 pauna.) Faapi-pii faatasi laupapa. Fesili atu i tagata o le vasega pe fia se mamafa latou te manatu o le a mafai e nei laupapa ona taofia, pe afai o le a tuufaatasia e avea ma laupapa e tasi. (Pe a tuufaatasia, e mafai ona la taofia le 4,610 pauna, toe-ititi faafaina e sili atu ai nai lo le mamafa pe a eseese.) *Manatua:* Atonu e mafai ona e fetuutuunaia lenei faatusatusaga e faaaoga ai fasi laau, po o vase. O vase e lua ua fusia faatasi, e sili atu le mamafa la te mafai ona taofia, nai lo le mamafa atonu e mafai ona la taofia pe ana le fusia faatasi.

Faitau le Failauga 4:9 faatasi ma tagata o lau vasega. Talanoaina pe faapefea e lenei mau ma le faatusatusaga o lua-i-le-fa ona fesootai i le faaiipoipoga. O a auala e sili atu ai le malosi o le tutu faatasi o se alii ma se tamaitai i le faaiipoipoga e faavavau, nai lo le tuufaatasia o a la taleni, pe a tumau i le tutoatasi? O le a le uiga o le upu *tuufaatasia*? (“Fegalegaleaiga po o le galulue faatasi o ni vaega se lua pe sili atu ... ina ia maua ai se aafiaga tuufaatasia e sili atu nai lo se tuufaatasiga o aafiaga pe a eseese” [*The Concise Oxford Dictionary* 10th ed. (1999), 1452].) Talanoaina pe faapefea e le tuufaatasia ona galue e faamalosia se faaiipoipoga e faavavau ma le aiga.

 **Talanoaga.** Faitau le saunoaga lenei mai ia Elder Richard G. Scott o le Korama a Aposetolo e Toasefululua:

“O le faaiipoipoga e faatagaina ai o [tatou] uiga eseese e tuufaatasia i le loto e tasi—i le lotogatasi—e faamanuiaina se tane ma le ava, o a lau fanau ma fanau a fanau. Mo le fiafiaga sili ma le ola manuia i le olaga, e manaomia uma le tane ma le ava. O a la taumafaiga e fesootai, ma e lagolagoina e le tasi le isi. Ua i ai i tagata taitoatasi uiga e sili ona talafeagai ma matafaioi ua faatulagaina mai e le Alii mo le fiafia i le avea ai ma alii ma tamaitai. Pe a faaaogaina e pei ona finagalo ai le Alii, o na agavaa o le a mafai ai e ulugalii faaiipoipo ona mafaufau, faatino, ma olioli o se paaga e tasi—e faafetaiaia faatasi luitau ma faatoilaloina i latou o se paaga e tasi, ina ia tuputupu a'e i le alofa ma le malamalama, ma e ala i sauniga o le malumalu, o le a fusia ai faatasi o se tulaga atoatoa e faavavau. O le fuafuaga lena” (i le Conference Report, Oct. 1996, 101; po o le *Liahona* Ian. 1997, 88; tusi lesona a le tagata aoga, 369).

Talanoaina pe faapefea ona aoga i se faaiipoipoga eseese faalenatura, ma, pe faapefea ona le tatau ona taofia i tatou e na eseese mai le mafaufau, faatino, ma le olioli o se paaga e tasi.

## O A MEA E AOAO ATU

*E tele ituaiga o tina [wedges] latou te faatupuina le vava mamao ma le le lotogatasi i le faaiipoipoga.*

## FAUTUAGA I AUALA E AOA O ATU AI



**Talanoaga.** Faamatala atu le tala lenei mai ia Elder Spencer W. Kimball, o le sa avea ma se tasi o le Korama a Aposetolo e Toasefululu. Faamalamalama atu o tina, o fasi uamea tafatolu e faaaoaga e vaevaeina ai ogalaau e avea ma fasi fafie.

“I se tasi o po, na ou taotooto ai ma faasolo o’u mafaufauga i faafitauli o le aso. O le vaiaso ato ua faula’i ai i la’u kesi faila o tagata—tagata lelei—o nisi ua i ai i le lotomomomo ma le tiga o le agaga; o isi o loo aoaoina le salamo e ala i faasalaga o le olaga, o nisi ua fiu i faaletonu o a latou faaiipoipoga, i a latou amioga le lelei, i o latou faaletonu o mea tau tupe, ma o latou le atoatoa faaleagaga.

“O nei tagata na avea ma tagata lelei i le amataga; peitai, a o latou faimalaga, na faigata ona tumau i le ala tele ma ua se ese i ala’alo, ua latou faagaloina feagaiga ma tolopoina le faataunuuina o a latou faaiuga lelei.

“Na o’o mai i lo’u mafaufauga se tusiga na tusia e Samuel T. Whitman na faaulutalaina ‘O Tina [Wedges] ua Faagaloina.’ Na ou aoa e faaaoaga tina a o avea a’u o se tamaitiiti i Arizona, na avea lenei mea ma o’u tiute, o le aumaia o fafie mo le tele o afi i le fale tele. Sei ou ta’ua le saunoaga a Whitman:

“Sa le matua leaga tele le timu aisa. E moni, sa i ai nai uaea moli na toulu, ma sa faafuase’i ona faateleina faalavelave tau taavale i luga o le auala. Na amata ona faigata ma lē manuia le savali i fafo o le fale. Sa le lelei le tau, ae sa le matua leaga tele foi. E masani lava, o le laau tele o le uolanati atonu e mafai ona tatalia le avega ua faaputuina i luga o ona lala. Ae, o le tina uamea na i ai i lona totonugalemu na mafua ai ona faatamaiaina.

“O le tala i le tina uamea na amataina i tausaga e tele ua mavae, a o avea le faifaatoaga laulu-sina ma tamaitiiti i le faatoaga a lona tama. E le’i leva lava ona aveesea le ili laupapa mai le vanu, ma sa taumafai tagata o le aai e sailia mea faigaluega ma nai masini laiti sa salalau solo ai. ...

“I lenei aso faapitoa, na avea le tina a se tagata tuulaau—lautele, mafolafola, ma mamafa, e tusa ma le futu pe sili atu lona umi, ma ua felea ona o tuituiga malolosi. O le auala mai le fanua i le itu i saute, e le o’o i le fale e teu ai meafai-galuega, ma, ona ua tuai mo le aiga i le afiafi, na tuu ai e le tama le tina ... i le va o lala o le tamai laau o le uolanati na totoina e lona tama i tafatafa o le faito-toa o le pa i luma. Na tataua ona ia aveina le tina i le fale pe a mae’a le taumafataga o le afiafi, po o se isi taimi e ui atu ai iina.

“Na i ai moni lava lona manatu e faia lenei mea, peitai, sa ia le faataunuuina lava. O iina, i le va o lala, na mau ai, a o faasolo ina avea ma tagata matua o ia. O iina, lea ua matua mau ai, ina ua ia faaiipoipo ma vaaia le faatoaga a lona tama. Na tusa ua afa le sosolo ai i ona luga, i le aso na fai ai le taumafataga o le afiafi a le aufaigaluega i lalo o le laau. ... Ua ola ai i totonu ma ua ufitia, na faapena ona i ai pea le tina i totonu o le laau i le taimi o le taumalulu na oo mai ai le timu aisa.

“I le toafilemu o lona po o le taumalulu, faatasi ma le puao ua pei o le timu to mai i lalo ma to’a ai i le mea e pau ai, na vete ai se tasi o lala, o lala tetele e tolu, mai le tino o le laau ma pau i luga o le eleele. O le mea lea na le paleni ai foi le vaega o totoe i le pito i luga, ma o lea, na mavete ai foi ma alu ifo ai i lalo. Ina ua mavae le afa, e leai ma sina lala o le laau, lea na tu matilatila ai mo se taimi, na totoe.

“I le taeao po na sosoo ai, na alu atu ai le faifaatoaga e vaai i mea ua faaleagaina. “E mafai ona ou faaaluina se afe tala, ae ou te le i manao e tupu lena mea,” na ia faapea ane ai. “O le laau na aupito sili ona matagofie i le vanu.”

“Ona tau atu lea o lana vaai i se mea i totonu o le faatafunaga. “O le tina,” na ia tomumumumu ai i lona sese. “O le tina na ou mauaina i le itu i saute o le fanua.” Na o sina tepa tasi atu lava, na ia iloa ai le mafuaaga na pau ai le laau. Na mau ai faasaga i luga i totonu o le ogalaau, ma sa taofia e le tina le fesootai faatasi o momoi a’a o lala, e pei ona tatau ai.’

“O tina na galo! O vaivaiga natia ua sosolo ma lē mafai ona vaaia e mata, e faatalitali seia oo i se po o le taumalulu e faatino lana faatamaiaaga. O le a se isi au-ala sili atu e faaalua ai le aafiaga o o tatou olaga i le agasala?” (i le Conference Report, Apr. 1966, 70–71).

O a nisi o tina e mafai ona faamata’uina ai le lotogatasi i le faaiipoipoga?

Fai atu i tagata o le vasega e su’e i Aoaoga Filifilia mai le “Manatu Faapito” i le tusi lesona a le tagata aoga (i. 325). Faitau le fuaiupu muamua o le parakalafa e lua i le suafa o Peresitene Spencer W. Kimball: “O tatalaga o faaiipoipoga taitasi, o le taunuuga o le manatu faapito i le pito a le tasi, po o le isi, pe o itu uma foi o se faaiipoipoga faakonekarate.” E mafai e le manatu faapito ona avea ma se tina i le faaiipoipoga. E faaalua mai o ia lava i auala eseese.


Faitau faamatalaga taitasi i totonu o Aoaoga Filifilia, ma lisi i le laupapa amioga e ono mafai ona avea ma tina i se faaiipoipoga. Talanoaina pe faapefea ona faaitoilaloina pe aloese atoatoa foi mai nei tina taitasi. Atonu e foliga tutusa lau lisi ma lenei:

- Peresitene Tavita O. MaKei. Inoino, matapeapea, lototiga, ma le lotoleaga.
- Peresitene Spencer W. Kimball. O le manatu i o tatou lava tulaga lelei, avanoa talafeagai, saolotoga, fiafia i oa, po o mea faigofie; lemataofia o le vaaivaai masei, tauaimisaga faaletino, faaiipoipoina mo mafuaaga sese (oa, mamalu, tulaga faaagafesootai, faasausili, po o le agaleaga i se tasi)
- Peresitene Gordon B. Hinckley. O le manatu faapito e tau atu i faafitauli tau tupe, mulilua, tuinanau, matapeapea. O le manatu faapito e faaleagaina ai le loto pulea, faamaoni, po o feagaiga.
- Elder Neal A. Maxwell. O le manatu faapito faasausili, leai o se lotomaulalo faalemafaufau, faatupuina o lagona tetee.

## O A MEA E AOO ATU

*E tatau ona tatou mulimuli i fautuaga lelei mo le faateleina o le lotogatasi i le faaiipoipoga.*

## FAUTUAGA I AUALA E AOO ATU AI

 **Gaoioiga fai faavaega.** Tufa atu le tufaaga 4, “Ina ia Tasi i Taua,” o loo maua i le faaiuga o leni lesona (itu. 31–34). Tofi ni vaega laiti o tagata o le vasega e suesue nai vaega faapitoa. Tuu atu i vaega taitasi e faitau faatasi a latou vaega ua tuuina atu. Tuu atu i ai e vaavaai mo (1) amioga e maua ai le lotogatasi i le faaiipoipoga, ma (2) mataupu faavae mo le mauaina o le loto e tasi i le faaiipoipoga. Tuu atu i vaega taitasi le avanoa e faailoa mai ai a latou sailiiliga i le vasega. E mafai ona maua tali a tagata o le vasega i le siata leni:



O Amioga e Aumai ai le Lotogatasi	O Amioga e Aumai ai le Lotogatasi
<ul style="list-style-type: none"> <li>• Ia naunau e faamuamua mea e fiafia i ai le toalua, nai lo ona lava manaoga.</li> <li>• Talitonu i upumoni na aoao mai e le Faaola.</li> <li>• Talia sauniga ma feagaiga ua ofoina mai e Ana auaua faatagaina.</li> <li>• Tausi folafolaga na faia i le taimi o le faamanatuga (e ave i o tatou luga Lona suafa, manatua pea o Ia, ma taus i Ana poloaiga uma).</li> <li>• Faamuamua o Ia i o tatou olaga.</li> <li>• Manao i mea e finagalo ai le Alii, ae le o mea tatou te mananao ai, po o mea ua aoao mai le lalolagi ia tatou mananao i ai.</li> <li>• Ia lē tautala leaga lava e uiga i soo se tasi.</li> <li>• Ia vaavaai atu i mea e lelei ai le tasi ma le isi, ma ia faia tala lelei e uiga i isi, i taimi uma e mafai ai.</li> <li>• Ia tu e tetee atu ia i latou o e tautala lē mafaufau i mea paia (e aunoa ma le feinauai).</li> </ul>	<ul style="list-style-type: none"> <li>• O le lotogatasi amiotonu i le faaiipoipoga, e manaomia mo le faaolataga: “Ia tasi outou; ma afai tou te le tasi, e le a a’u outou” MF&amp;F 38:27).</li> <li>• E totoina e Satani fatu o mea faafatuulu e tuueseeseina ai i tatou mai ē pele ia i tatou.</li> <li>• O le talalelei a Iesu Keriso e mafai ai ona tasi o tatou loto.</li> <li>• O le Togiola e mafai ai ona faapaiaina i tatou ma ola i le lotogatasi.</li> <li>• A maua e tagata le Agaga, e i ai foi le nofolelei.</li> <li>• O lo tatou fiafia e faamuamua mea o le lalolagi, o lo tatou le mauaina foi lea o se filemu po o le lotogatasi.</li> <li>• O le gauai atu i le pule a Iesu Keriso, e fusia ai tatou o ni aiga, o se Ekalesia, ma o ni fanau a le Tama Faalelagi.</li> <li>• E ao ona tatou tumau i le mama, ma aua le fiafia i mea o le lalolagi ina ia faatumauiina le Agaga, ma a aunoa ma le Agaga, e le mafai ona tasi i tatou.</li> <li>• O le faamaualuga o se puna mautinoia o le fevaevaeai.</li> <li>• O le auaua atu o se puipuiga e tetee atu ai i le faamaualuga.</li> <li>• E aoaoina e se tane ma le ava ina ia tasi, e ala i le faaaogaina o o laua eseese ma mea e tutusa ai, a o auaua le tasi i le isi, atoa ai ma e ua siomia ai i latou.</li> </ul>

## FAAIUGA

Na faamalamalama mai e Elder James E. Faust o le Korama a Aposetolo e Toasefululua e faapea: “E tele mea e manaomia e faatamaoigaina ai se faaiipoipoga, ae foliga mai ua lavelave. O le mauaina o le mafutaga ma olioli i fua o se Aafiaga Paia ma Mamalu, o le aano lea o se fiafiaga sili i le faaiipoipoga. O le tasi i le faaleagaga o le taula lea” (i le Conference Report, Oct. 1977, 14; po o le *Liahona* Nov. 1977, 10–11; tusi lesona a le tagata aoga, 196). O le a sili atu ona mafai ona tatou maua le lotogatasi, pe a tatou taulai atu i le tasi o le loto faaleagaga, ma faia mea e valaaulia ai le Agaga i totonu o a tatou faaiipoipoga. I le faia ai faapea, o le a otometi lo tatou faamatiaina o amioga manatu faapito, lea e mafai ona tuu ai tina i a tatou faaiipoipoga.

## GALUEGA ATOFAINA A LE TAGATA O LE VASEGA

Faamanatu i tagata o le vasega le galuega atofaina o talafaasolopito o aiga, e faagataina i le isi vasega o sosoo ai (tagai i le i. 18).

## Tufaaga 4 • Ina ia Tasi I Taua



*Elder Henry B. Eyring*

*O Le Korama a Aposetolo e Toa-  
sefululua*

*I le Conference Report, Ape.  
1998, 85–89; po o le Ensign,  
May 1998, 66–68*

### ***“Afai Tou Te le Tasi, e Le a A’u Outou”***

O le Faaola o le lalolagi, o Iesu Keriso, na fetalai mai ia i latou o e o le a avea ma vaega o Lana Ekalesia: “Ia tasi outou, afai tou te le tasi, e le a A’u outou” (MF&F 38:27). Ma, i le foafoaga o le alii ma le tamaitai, o le lotogatasi mo i laua i le faaipoipoga, sa le i tuuina mai o se faamoemoega, na tuuina mai o se poloaiga! “O le mea lea e tuua ai e le tane lona tama ma lona tina, a e faatasi ma lana ava: ona avea ai lea o i laua ma tino e tasi” (Kenese 2: 24). E finagalo lo tatou Tama Faalelagi ina ia fusia faatasi o tatou loto. O lona faatasiga i le alofa e le na o se talitonuga. O se mea e manaomia.”

O le tulaga manaomia ina ia tatou tasi, e le mo na o lenei olaga. E ao ona leai sona iuga. O le uluai faaipoipoga lava na faataunuuina e le Atua i le faatoaga, a o i ai Atamu ma Eva i le tulaga o le tino ola pea. Na Ia tuuina atu i alii ma tamaitai, mai lava i le amataga, se manao e faatasia se alii ma se ava ina ia nonofo faatasi e faavavau i aiga, i se tuu-faatasiga atoatoa ma amiotonu. Na Ia tuuina i totonu o Ana fanau se manao e ola i le filemu faatasi ma i latou uma o e siomia ai i latou.

“Ae ona o le Pa’ū ua manino mai ai o le ola i le lotogatasi o le a le faigofie. Na vave o’o mai mala. Na fasiotia e Kaino lona uso o Apelu. Na gauai atu le fanau a Atamu ma Eva i faaosoosoga a Satani. Faatasi ma le tomai, inoino, ma le fai togafiti, na tulituliloa ai e Satani lana sini. O le faafeagai o le faamoemoega o lo tatou Tama Faalelagi ma le Faaola. Na tuuina mai e i Laua mo i tatou le tuufaatasiga atoatoa ma le fiafia e faavavau. O Satani, lo Laua ma lo tatou fili, na iloaina le ata o le faaolagata ma lava a o le i faataunuuina le Foafoaga. Ua ia iloaina e na o le ola e faavavau e mafai ai ona faatumauina na fegalegaleaiga fiafia i aiga. E tau-mafai Satani e aveesea i tatou mai e pele ia i tatou, ma ia tatou faanoanoa. Ma o ia lea e totoina fatu o

le feeseeseai i loto o tagata, ma le faamoemoe ina ia tatou fevaevaeai ma nonofo eseese.

Ua tatou lagonaina uma se mea e uiga i vaega uma o le tuufaatasia ma le tuu eseeseina. O nisi taimi i totonu o aiga, ma atonu i nisi foi tulaga, ua tatou maua ai sina vaaiga o le olaga pe a tuuina faamua-mua e se tasi mea e fiafia i ai le isi, nai lo ona lava manaoga, i le alofa ma le ositaulagaina. Ma ua tatou iloaina uma se mea e uiga i le faanoanoa ma le lagona tuua toatasi, o le tete’a ma le nofo toatasi. E le toe tau faailoa mai ia i tatou po o fea e tatau ona tatou filifilia. Ua tatou iloaina. Ae tatou te manaomia le faamoemoe ina ia mafai ona tatou maua le lotogatasi i lenei olaga ma agavaa ai e maua lona lotogatasi i le faavavau i le lalolagi a sau. Ma e ao ona tatou iloaina pe faapefea ona o’o mai lona faamanuiaga sili, ina ia tatou iloa ai le mea e tatau ona tatou faia.

### ***Ua Faia e le Faaola Ina ia Mafai ona Maua le Lotogatasi***

Na fetalai le Faaola o le lalolagi e uiga i lona lotogatasi, ma le auala e suia ai o tatou natura ina ia mafai ai ona tupu lona mea. Na Ia aoao manino mai e ala i le tatalo na Ia tuuina atu i Lana feiloaiga mulimuli ma Ana Aposetolo, a o le i o’o i Lona maliu. O lona tatalo matagofie ma silisili, o loo faamauina i le tusi a Ioane. Ua lata i le taimi e feagai ai o Ia ma le osigataulaga matuia mo tatou uma, o le a mafai ai ona maua le ola e faavavau. Ua lata i le taimi o le a Ia tuua ai Aposetolo, o e na Ia faauuina, o e na Ia alofagia, ma o e o le a Ia tuuina i ai ki e taitai ai Lana Ekalesia. Ma o lea na Ia tatalo ai i Lona Tama, o le Alo ua atoatoa i le Matua ua atoatoa. Tatou te vaaia i Ana upu le auala o le a mafai ai e aiga ona faatasia, e faapena foi i fanau uma a lo tatou Tama Faalelagi, o e e mulimuli i le Faaola ma Ana auauna:

“Faapei ona e auina mai a’u i le lalolagi, ua faapea foi a’u ona auina atu o i latou i le lalolagi.

“Ou te faapaia foi a’u e sui ai i latou, ina ia faapaia-ina o i latou i le upu moni.

“E le faapito lau tatalo mo i latou nei, a o i latou foi e faatuatua ia te au ona o la latou upu;

“Ina ia tasi i latou uma; faapei o oe le Tama o i totonu ia te au, o au foi o i totonu ia te oe, ina ia tasi i latou i totonu ia te i taua: ina ia talitonu le lalolagi ua e auina mai au” (Ioane 17:18–21).

I nai upu iti na, na Ia faamanino mai ai le auala e mafai ai e le talalelei a Iesu Keriso ona faia loto ina ia tasi. O i latou o e mafai ona talitonu i le upu moni na Ia aoaoina mai, o le a mafai ona taliaina sauniga ma feagaiga ua ofoina mai e Ana auauna faatagaina. O le mea lea, e ala i le usiusitai i na sauniga ma feagaiga, o le a suia ai o latou natura. O le auala lena e mafai ai ona faapaiaina i tatou e le Togiola a le Faaola. Ona mafai lea ona tatou nonofo i le lotogatasi, e pei ona tatau ai ona tatou maua le filemu i lenei olaga, ma mau faatasi ma le Tama ma Lona Alo i le faavavau.

O le galuega a aporetolo ma perofeta i na aso, e faapei o aso nei, o le aumaia o le fanau a Atamu ma Eva i se lotogatasi i le faatuatua ia Iesu Keriso. O le faamoemoega maualuga o mea na latou aoaoina, ma mea o loo latou aoaoina mai nei, o le tuu faatasia o aiga: o tane, ava, fanau, fanau a fanau, augatuua, ma le mea mulimuli, o le aiga uma o Atamu ma Eva, o e o le a filifilia lena mea.

#### ***O Le Agaga e Taitai atu ai i le Tuufaatasiga ma Isi***

Ua outou manatua le tatalo a le Faaola, “E sui ai i latou”—e faatatau i Aporetolo—“Ou te faapaia foi a’u, ina ia faapaiaina o i latou i le upu moni” (Ioane 17:19). O le Agaga Paia, o se na te faapaiaina tagata. Ua tatou mauaina e avea ma a tatou soa ona ua toefuataiina mai e le Alii le Perisitua Mekisateko, e ala i le perofeta o Iosefa Samita. O ki o lena perisitua ua i ai i le lalolagi i aso nei. O lona mana e mafai ai ona tatou osia feagaiga lea e mafai ai ona tatou maua le mafutaga faifai pea ma le Agaga Paia.

I le tulaga ua faatasi ai le Agaga ma tagata, atonu tatou te faamoemoeina ai le nonofo lelei. E tuuina e le Agaga le molimau o le upu moni i o latou loto, lea e tuufaatasia ai i latou o e feaasoaiina lena molimau. E le tuuina mai e le Agaga o le Atua finauga (tagai i le 3 Nifae 11:29). Na te le tuuina mai lava lagona o le tuufaavasegaina o tagata, lea e taitai atu ai i le finauvale (tagai i le Joseph F. Smith, *Gospel Doctrine*, 5th ed. [1939], 131). Na te taitai atu i le filemu faaletagata lava ia ma se lagona o le tuufaatasia ma isi. E na te tuufaatasia agaga. O se aiga ua tuufaatasia, o se ekalesia ua tuufaatasia, ma se lalolagi ua i ai le filemu, e faalagolago i agaga ua tuufaatasia.

#### ***Tausiaina o Folafolaga e Faia i le Tatalo o le Faamanatuga***

E o’o lava i se tamaitiiti, e mafai ona ia malamalama i le mea e ao ona fai ina ia maua ai le Agaga

Paia e avea o sana soa. Ua ta’u mai e le tatalo o le faamanatuga ia i tatou. Tatou te faalogoina i vaiaso taitasi, a o tatou auai i a tatou sauniga faamanatuga. I na taimi paia, tatou te faafouina ai feagaiga na tatou osia i le papatisoga. Ma e faamanatu mai e le Alii ia i tatou folafolaga na tatou mauaina, a o faamauiina i tatou e avea ma tagata o le Ekalesia—le folafolaga o le a mafai ona tatou mauaina le Agaga Paia. O upu nei o le tatalo o le faamanatuga: “Latou te loto ina ave i o latou luga le suafa o lou Alo, ma manatua pea o Ia ma tausi i ana poloaiga ua ia tuuina mai ia te i latou, ina ia latou maua pea lona Agaga e faatasi ma i latou” (MF&F 20:77).

E mafai ona tatou mauaina Lona Agaga, e ala i le tausaiaina o lena feagaiga. Muamua, tatou te folafola atu o le a tatou tauaveina Lona suafa i o tatou luga. O lona uiga, e ao ona tatou vaai ifo ia i tatou lava o Ana fanau. O le a tatou faamuamua o Ia i o tatou olaga. O le a tatou mananao i mea e finagalo ai o Ia, ae le o mea tatou te mananao i ai, po o mea ua aoaoina mai le lalolagi ia tatou mananao i ai. A o tatou mananao atu i mea o le lalolagi, o le a leai se filemu i totonu ia i tatou. O le taofimauiina o se manatu mo se aiga, po o se malo, o le fiafia i mea faalelalolagi, o le a o’o mai ai le fevaevaeia ia i latou (tagai i le Harold B. Lee, *Ia Outou Tutu i Nofoga Paia*[1974], 97). O le faataitaiga lelei o le faia i isi o mea e pei ona finagalo le Alii tatou te faia, lea e masani lava ona sosoo ai ma le tauaveina i o tatou luga o Lona suafa, e mafai ai ona aveina atu tatou i se isi tulaga faaleagaga, lea e aumai ai se vaega o le lagi i le lalolagi.

Lona lua, tatou te folafola atu e manatua pea o Ia. Tatou te faia lena mea i taimi uma tatou te tatalo atu ai i Lona suafa. Aemaise pe a tatou tatalo atu mo Lana faamagaloga, lea e tatau ona tatou faia soo, tatou te manatuaina o Ia. I lena taimi, tatou te manatua ai Lana taulaga ua mafai ai ona maua le salamo ma le faamagaloga. Pe a tatou ole atu, tatou te manatuaina o Ia o lo tatou puluvaga i luma o le Tama. Pe a o’o mai lagona o le faamagaloina ma le filemu, tatou te manatuaina Lona onosai ma Lona alofa e le mavae. O lena manatuaina, e faatumulia ai o tatou loto i le alofa.

Tatou te tausai foi la tatou folafolaga ia manatua o Ia, pe a tatou tatalo faatasi o ni aiga, ma pe a tatou faitauina tusitusiga paia. I le tatalo a le aiga i le laulau i le ti o le taeao, atonu e tatalo le tamaitiiti ina ia faamanuiaina le isi, ina ia lelei mea uma o lena aso i se suega, po o nisi taumafaiga. Pe a o’o

mai faamanuiaga, o le tamaitiiti na faamanuiaina o le a manatua le alofa o le taeao ma le agalelei o le Puluvaaga, o le ona le igoa lea na ofoina atu ai le tatalo. O le a fusia loto i le alofa.

Tatou te tausia a tatou feagaiga ina ia manatuaina o Ia i taimi uma tatou te faapotopotoina ai o tatou auaga e faitau tusitusiga paia. Latou te molimau i le Alii o Iesu Keriso, aua o le savali lena, ma e sa faapea lava ona i ai e uiga i perofeta. E tusa lava pe le manatuaina e fanau upu, o le a latou manatuaina le Tusitala moni, o Iesu Keriso.

### *Usiusitai i Poloaga Uma*

Lona tolu, tatou te folafola atu a o tatou aai ma feinu i le faamanatuga e tausii Ana poloaga, o poloaga uma. O Peresitene J. Reuben Clark Jr., a o ia augani mai—e pei lava ona ia faia i le tele o taimi—mo le lotogatasi, i sana tautalaga i se konafesi aoao, na ia lapataiina ai tatou e uiga i lo tatou filifilia o mea tatou te usitaia. Na ia tuuina mai faapea: “E le i tuuina mai lava e le Alii se mea e le aoga pe le manaomia. Ua Ia faatumuina tusitusiga paia i mea e ao ona tatou faia ina ia mafai ai ona tatou maua le faaolataga.”

Sa faaauau le saunoaga a Peresitene Clark e faapea: “Pe a tatou aai ma feinu i le faamanatuga, tatou te osi feagaiga ina ia usitaia ma tausii Ana poloaga. E leai ni fetuutuunaiga. E leai ni tulaga faailogaina, leai ni eeseega” (i le Conference Report, Apr. 1955, 10–11). Na aoao mai Peresitene Clark a tatou salamo i agasala uma, e le na o se agasala e tasi, ua tatou osi feagaiga e tausii poloaga uma. I le faigata e pei ona tuuina mai ai, e leai se tulaga lavelave o i ai. Na o lo tatou gauai atu lava i le pule a le Faola, ma folafola atu e usitai i soo se mea Na te poloaiina ai tatou (tagai Mosaea 3:19). O lo tatou loto atu i le pule a Iesu Keriso, o le a mafai ai ona fusia faatasi i tatou o ni aiga, o se Ekalesia, ma ni fanau a lo tatou Tama Faalelagi.

E tuuina mai e le Alii lena pule e ala mai i Ana perofeta, mo auauna lotomaulalo. O lena faatuatua e liliuina o tatou valaauga o se faiaoga o aiga, po o se faiaoga asiasi, e aveva o se feau mai le Alii. Tatou te o atu mo Ia, i Lana faatonuga. O se alii le taualoa ma se soa talavou e o atu i aiga ma le faamoe-moe o le a fesoasoani mai mana o le lagi ia i laua e faamautinoa ua tuufaatasia aiga ma e leai se faatiga, pepelo, fetuiai, po o se upu leaga. O lena faatuatua—e faapea e valaauina e le Alii auauna—o le a fesoasoani ia i tatou e faagalo o latou faaletonu,

pe a latou aoiina i tatou, e pei ona o le a latou faia ai. O le a sili atu ona manino la tatou vaai atu i o latou faamoemoega lelei, nai lo o latou faaletonu faaletagata soifua. O le a faaitiitia lo tatou lagona tiga, ae o le a sili atu le lagona o le faafetai mo le Matai na valaauina i latou.

### *O Le Alofa Mama e Taua tele mo le Lotogatasi*

E i ai nisi o poloaga, afai e solia, e faaumatiaina le lotogatasi. O nisi e aofia ai mea tatou te tautatala ai, ae o nisi e faatatau i le auala tatou te tali atu ai i upu e fai mai e isi tagata. E le tatau ona tatou faia ni tala taufaaleaga o soo se tasi. E ao ona tatou vaai atu i le lelei o le tasi ma le isi, ma ia tautala lelei e uiga i le isi, i soo se taimi tatou te mafai ai (tagai i le Tavita O. MaKei, i le Conference Report, Oct. 1967, 4–11).

I le taimi lava e tasi, e ao ona tatou tutu malosii e tetee atu ia i latou o e tautala faatauvaa i mea paia, aua o le aafiaga mautinoa o lena faatiga, o le faatiga i le Agaga, ma e tupu ai finauga ma le le mautonu. Na faaali mai e Peresitene Spencer W. Kimball le auala e tu atu ai e aunoa ma le fefinau, a o ia taoto ai i luga o se moega i le falemai ma fai atu i se tagata faigaluega, o lē, i se taimi o le le fiafia, na ta'uina fua le suafa o le Alii: “Faamolemole! Faamolemole! O lo'u Alii lena e ona le suafa ua e faifai i ai.” Sa matua leai se pisa, ona faapea mai lea o se musu-musu tuulafoai: ‘Ou te faamalie atu’” (*The Teachings of Spencer W. Kimball* ed. Edward L. Kimball [1982], 198). “O se aoaiga musuia ma le alofa, e mafai ona aveva o se valaaulia ia lotogatasi. O le le tuuina atu [o se aoaiga] pe a uunaia ai e le Agaga Paia, o le a oo atu ai i le feeseeseai.”

Afai tatou te mananao ia lotogatasi, e i ai poloaga e ao ona tatou tausii e uiga i o tatou lagona. E ao ona tatou faamagalalo atu ma aua le i ai le loto tiga ia i latou e faatiga mai ia i tatou. Na faia e le Faola le faataitaiga mai luga o le satauro: “Lo'u Tama e, ia e faamagaloina atu ia te i latou, aua ua latou le iloa le mea ua latou faia” Luka 23:34 Tatou te le iloina loto o i latou o e faatiga ia i tatou. Pe tatou te tau-mafai foi ia iloina mafuaaga uma o lo tatou ita ma tiga. Na ta'u mai e le Aposetolo o Paulo le auala tatou te faatino ai le alofa i se lalolagi o tagata le atoatoa, e aofia ai ma tatou, ina ua ia saunoa mai, “E onosai le alofa, e agamalu, e le losilosii le alofa, e le mitamita vale le alofa, e le faafefeteina, e le amio mataga, e le sailia e ia ana lava mea, e le faaitaitagofie, e le tuuina atu i nisi le leaga” (1 Korinoto 13:4–5). Ona ia tuuina mai lea o le lapataiga

mamalu e teenaina ai le tali atu i sese o isi ma faagaloina o tatou lava sese, ina ua ia tusia, “Aua o ona po nei tatou te vaavaai ai faanefu i le faaata, a o ia ona po tatou te fesagai ai; o nei ona po ou te iloa ai faaleatoa, a o ia ona po ou te iloa tino ai ... iloatinoina o a’u ” (1 Korinito 13:12).

***Ia Tumau i le Mama ma Faateete i le Faamaualuga***

O le tatalo o le faamanatuga e mafai ona faamanatuina mai ia i tatou i vaiaso taitasi le auala e o’o mai ai le meaalofo o le lotogatasi e ala i le usiusitai i tulafono ma sauniga o le talalelei a Iesu Keriso. Pe a tatou tausia a tatou feagaiga e tauave i o tatou luga Lona suafa, ma manatua pea o Ia, ma tausi Ana poloaiga, o le a tatou maua le mafutaga ma Lona Agaga. O le a faamaluluina o tatou loto ma tuufaatasia i tatou. Peitai, e lua lapataiga e ao ona o mai faatasi ma lena folafolaga.

Muamua, e tumau le Agaga Paia ma i tatou, pe a tatou tumau i le mama ma saoloto mai le manao i mea o le lalolagi. O se filifiliga ina ia le mama, o le a teenaina ai le Agaga Paia. O le Agaga e nofo i totonu na o i latou o e filifiliga le Alii nai lo le lalolagi. “Ia mama outou” (3 Nifae 20:41; MF&F 38:42) ma alofa i le Atua ma lou “loto, ... manatu, mafaufau, ma le malosi atoa” (MF&F 59:5) e le o ni fautuaga, ae o poloaiga. Ma e manaomia mo le mauaina o le mafutaga ma le Agaga, a aunoa ma lea mea, e le mafai ona tasi tatou.

O le isi lapataiga, o le faateete i le faamaualuga. O le lotogatasi e o’o mai i se aiga, po o se vaega o tagata e faamaluluina e le Agaga, o le a aumai ai le mana sili. Faatasi ma lena mana, o le a o’o mai ai le faamaoniga mai le lalolagi. Pe o lena faamaoniga e aumai ai le viiga po o le losilosi vale, atonu e mafai ona taitai atu ai i le faamaualuga. O le mea lena e faatiga i le Agaga. E i ai se puipuiga i le faamaualuga, lena puna mautinoa o le le lotogatasi. O le vaai atu lea i mea e tele ua sasaa mai e le Atua i o tatou luga, e le gata o se faailoga o Lona amanaiaina o tatou, ae o se avanoa e faatasi ai ma i latou o loo i o tatou autafa i auaunaga sili. O se tamaloa ma lana ava e aoao ina ia tasi e ala i le faaogaina o o laua tulaga tutusa, ia malamalama ai le tasi i le isi ma o laua eseese e fefaamalosia ai le tasi i le isi, e ala i le auauna o le tasi i le isi ma i latou ua siomia ai i laua. I le auala lava e tasi, e mafai ona tatou aufaatasi ma i latou o e le taliaina la tatou aoaoga faavae, ae faasoa atu lo tatou manao e faamanuiaina le fanau a lo tatou Tama Faalelagi.

E mafai ona avea i tatou ma e faatupuina le filemu, agavaa e taua o e ua faamanuiaina, ma fanau a le Atua (tagai i le Mataio 5:9).

O loo soifua le Atua lo tatou Tama. O Lona Alo pele, o Iesu Keriso, o le ao o lena Ekalesia, ma ua Ia ofoina atu mo i latou uma o e o le a taliaina, le tagavai o le filemu. Ou te molimau atu ai, i le suafa paia o Iesu Keriso, Amene.

## 7 UPUTUU A TUA

### VAAIGA AOA FAALE-AOAOGA FAAVAE

O le aiga ua tatou fananau mai i ai, pe tutupu a'e ai fo'i, o le nofoaga lea tatou te aoaoina ai “tu ma aga a o tatou tama” (Enosa 1:14 tagai i le Faataoto 22:6). O *Tu ma Aga* o le malamalama, aganuu, faiga masani, ma talitonuga ia e tuufaasolo mai lea augatupulaga i lea augatupulaga. O *augatuaa* o lona uiga o tuua alii ma tamaitai i itu uma e lua o aiga o le tina ma le tama.

O nisi o fanau ua faamanuiaina i le i ai o matua amiotonu, o e aoaoina i latou i tu ma aga lelei faaleaiga. Ua amataina e Nifae lana faamaumauga, “O a'u o Nifae, na fanaua e matua lelei ...” (1 Nifae 1:1). Ua amataina e Enosa lana tusi i se auala foi faapea: “Faauta, sa oo ina ua iloa e a'u, o Enosa, o lo'u tama o se tagata amiotonu o ia—ona sa ia aoaoina a'u i lana gagana, ma i le aoaoga ma le apoapoiga foi a le Alii—ma ia faamanuina lava le suafa o lo'u Atua mo lena mea ...” (Enosa:1:1).

O nisi fanau ua le faamanuiaina faapea i latou. Ua faamalalama mai e le Mataupu Faavae ma Feagaiga 93:39–40 ia tulaga o le taitaiina atu o fanau e tu ma aga leaga i le amioletonu: “Ma ona sau lea o le amioleaga e toatasi lena, ma aveese mai le fanauga a tagata le malamalama ma le upumoni, e ala i le le ususitai, ma ona o le uputuu a o latou tama.

“Ae ua ou poloaiina outou ia tausii a'e a outou fanau i le malamalama ma le upumoni.”

### MATAUPU FAAVAE

*Ua i ai i matua le tiutetauave ina ia faatulagaina tu ma aga e faavae i le malamalama ma le upu moni, ona tuu faasolo atu lea i a latou fanau.*

### FAITAUGA MAI LE TUSI LESONA A LE TAGATA AOGA


Faitauga filifilia mai “Uputuu a Tuua” (361–62)

“O Uputuu a o Latou Tama,” Elder Marion D. Hanks (362–65)

### O A MEA E AOA ATU

*E mafai e fanau ona aoa malosii e uiga i le faaiipoipoga mai le mataituina o o latou matua, ma le suesueina o a latou talafaasolopito faaleaiga.*

### FAUTUAGA I AUALA E AOA ATU AI


 **Galuega fai mo talafaasolopito o aiga.** Talanoaina le uiga o le *tu ma aga* ua tuuina mai e Elder Marion D. Hanks i le tusi lesona a le tagata aoga (362, 364). Faasino tagata o le vasega i le galuega tusitusi e uiga i talafaasolopito o aiga lea na fai atu e faama'aina mo le vasega o le aso lenei (tagai i le i. 18 i lenei tusi lesona). Fai atu i le vasega e faasoa mai a latou sailiiliga mai le vaega 1, e uiga i mea na tutupu i soifuaga o o latou tuua, lea e mafai ona uunaia ai a latou lava faaiipoipoga. (O mea e masani ona tutupu e aofia ai le auai mai i le Ekalesia, siitia atu i se aai po o se atunuu ese, o ese mai le mativa, mauaina o se aoaoga lelei, alu i se misiona, avea ma tagata muamua e faaiipoipo i le malumalu.) Talanoaina pe mafai faapefea ona aafia a latou faaiipoipoga e ala i le iloaina o nei mea.

O le isi mea e sosoo ai, fai atu i tagata o le vasega e faasoa mai le vaega 2 o le galuega fai, mea na latou aoaoina e uiga i tulaga e tutusa ai latou ma o latou matua, po o matua o matua. Talanoaina faapuupuu le mataupu e uiga i “uiga faaleaiga,” ma faasino atu o soa faale-faaipoipoga atonu e manaomia le faia o ni suiga, a o amataina o latou aiga.

## O A MEA E AOA ATU

*Pe a tatou faaiipoipo, o tu ma aga na tatou aoaoina mai matua, e mafai ona fesoasoani e tuufaatasia ma siitia ai i tatou i luga, pe mafai foi ona taitaiina ai i tatou i feteenaiga ma fevaevaeaiga.*

## FAUTUAGA I AUALA E AOA ATU AI

 **Talanoaga.** Talanoaina mau o loo i le “Faataitaiga o Uputuu Sese” (tusi lesona a le tagata aoga, 361). O fea atonu tatou te mauaina ai tulaga faapea o tutupu i aso nei?

Iloilo mau ma fautuaga o loo i le “Faatoilaloina o Uputuu Sese” (362). E faapefea ona mafai ona tatou faamautinoaina o le a tatou tuuina atu faasolo se talatuu o le malamalama ma le upu moni? Iloilo le fautuaga a Elder Boyd K. Packer e uiga i le faatoilaloina o se faataamilosaga o le sauaina, po o le tuulafoaiina. O le a le saunoaga a Elder Packer i mea e tatau ona faia e i latou ua sauaina?

**Manatua:** Ina ia saunia mo fesili e uiga i sauaga, iloilo le saunoaga a Elder Richard G. Scott, “Faamaloloina o Ma’ila’ila Matuia o le Saua” (tusi lesona a le tagata aoga, 6). Lesona 17, Faaloologiaina o Lou Toalua, ua auiliili atoa ai le mataupu o le sauaina.

**Tufaaga 5.** Tufa atu le tufaaga 5, “Tu ma Aga Masani Faaleaiga,” o loo maua i le faaiuga o leni tusi lesona (itulau. 37–38). Fai atu i tagata o le vasega ina ia taitasi ma faaopoopo atu i le lisi o tu ma aga i le koluma muamua o siata taitasi. Ona tuu atu lea ia i latou e faatumuina tu ma aga a aiga o le tane ma le ava, i le mea e gata ai lo latou mafai.

Vaevae le vasega i vaega e lua pe tolu (taumafai e faafefiloi alii ma tamaitai) ma fai atu ia i latou e faatusatusa a latou lisi o tu ma aga masani faaleaiga. Faamalamalama atu o tu ma aga e aumai e le tane ma le ava, atonu e tutusa pe le tutusa foi. Tuu atu i vaega taitasi:

- Ia faailoa mai vaega e tutusa ai tu ma aga a le tane ma le ava, ma vaega atonu e ono feteenai ai.
- Mafaufau i tu ma aga e tusa ai ma lo latou malamalama i le ata o le faaolataga.
- Fautua atu tu ma aga amiotonu atonu e mananao le ulugalii e faatutu pe faaauau.

A mae’a se sefulu minute, fai atu i nisi o vaega e faasoa mai mea na latou aoaoina mai le gaoioiga. Ia uunaia ulugalii faaiipoipo ma e ua sauni e faaiipoipo, e faatumu faatasi vaega o totoe o a latou siata.

## O A MEA E AOA O ATU

*O ulugalii fou e mafai ona atiina ae a latou lava tu ma aga, e fuafua i manaoga faaletagata lava ia ma mataupu faavae o le talalelei.*

## FAUTUAGA I AUALA E AOA O ATU AI



**Talanoaga.** Fesili atu: O le a le mau e te manatu e sili ona sii soo mai e uiga i le faaiipoipoga? Tuu atu i tagata o le vasega e su'e le Kenese 2:24; Mataio 19:5; Mareko 10:7; Efeso 5:3; Mose 3:24 ma le Aperaamo 5:18 Faitau faatasi le Kenese 2:24.

- O le a le uiga o le tuua o lou tama ma lou tina? (Faatasi ma isi mea, o lona uiga ua feagai ulugalii ma le faatutuina o tu ma aga fou.)
- E mafai faapefea ona foiaina e ulugalii feeseeseaiga po o feteenaiga?
- O le a le uiga o le “ava i lou tama ma lou tina: ina ia faalevaleva ai ou aso i le nuu o le a foiaina mai e Ieova lou Atua ia te oe” (Esoto 20:12 tagai i le 1 Nifae 17:55).
- E gata ea lenei poloaiga pe a tatou faaiipoipo?

Faitau ma talanoaina mau eseese i lalo o le “Faatumauina o Uputuu Amiotonu” (tusi lesona a le tagata aoga, 361). Fai atu ni fesili e pei o nei:

- O le a le tala a Nifae ma Enosa e uiga i tu ma aga na la aoaoina mai o laua matua? Aisea?
- O a nisi o auala tatou te faamautinoaina ai ua tatou aoaoina tu ma aga amiotonu i a tatou fanau?

## FAAIUGA

Iloilo manatu nei:

- O le aiga na tatou tutupu a'e ai, o le nofoaga lea tatou te aoaoina ai tu ma aga a o tatou augatama (tagai i le Faataoto 22:6).
- O nisi tu ma aga e faavae i le ata o le faaolataga. O lo tatou tiutetauave le sailia ma taofimau i nei mea.
- O isi tu ma aga e le ogatasi ma le ata o le faaolataga. O lo tatou tiutetauave o le faailoaina ma aua le tuufaasoloina atu na mea (tagai i le Mosaea 25:12; Alema 3:11; Alema 37:9).
- O isi tu ma aga e le sa'o pe sese foi, ae mafai lava ona ave ma puna o feteenaiga. E tatau i ulugalii ona galulue faatasi e filifili po o fea o nei mea e tuufaasolo atu.
- O le malamalama ma le mulimuli i tusitusiga paia ma aoaoga a perofeta, ua fesoasoani ia i tatou e iloa ai le mea taua e ao ina taofimau, ma le mea e le tatau (tagai i le 1 Nifae 3:19; 5:21; 2 Nifae 25:26; MF&F 68:25).

**Manatua:** Faamanatu i tagata o le vasega e faamae'a faitauga faatonuina, ae le i o mai i vasega taitasi.



## Tufaaga 5 • Tu ma Aga Masani Faale-Aiga

Tu ma Aga Masani e Totonugalemu ai le Talalelei	Tu ma Aga Masani Faale-Aiga o le Tane	Tu ma Aga Masani Faaleaiga o le Ava	Tu ma Aga Masani Manaomia Faaleaiga
Tatalo faaleaiga			
Afiafi faaleaiga			
Suesuega Faaleaiga o Tususiga Paia			
Auai faatasi i sauniga lotu o se aiga			

O isi Tu ma Aga Masani Faaleaiga	Tu ma Aga Masani Faaleaiga o le Tane	Tu ma Aga Masani Faaleaiga o le Ava	Tu ma Aga Masani Manaomia Faaleaiga
Aai faatasi o se aiga			
Faamanatuina o aso fanau			
Faiamamalologa a le aiga			
Lagolagoina o gaoioiga a fanau			

## 8 O FESOOTAIGA MAFANA I LE FAAIPOIPOGA

### VAAIGA AOA FAALE-AOAOGA FAAVAE

*Manatua:* Aua ne'i faaopoopoina ni faamatalaga e sili atu i lenei mataupu nai lo le mea ua tuuina mai e le Usoga.

"Ona avea ai lea o i laua ma tino e tasi" (Kenese 2:24).

Na aoao mai Peresitene Spencer W. Kimball: "E tele itu e alofa ai i totonu o le faaiipoipoga, ma o feusuaiga o se tasi o na mea taua. E pei lava ona le fuafuaina paaga faaiipoipo mo isi, ae ua *fuafuaina* i latou mo le tasi ma le isi. Na silafia e Paulo tau-mafaiga agai i le mulilua, ma auala e aloese mai ai:

"... Ia taitasi le tane ma lana lava ava, ia taitasi foi le fafine ma lana lava tane.

"Ia avatu e le tane i le ava le agalelei e tatau ai: ia faapea foi le ava i le tane.

"E le pule le ava i lona lava tino, na o le tane: e faapea foi le tane, e le pule ia i lona lava tino, na o le ava.

"Aua ne'i faafiti le tasi i le tasi, seia iloga lava lua te lotogatasi ai i nai aso, ina ia oulua faasaga i le anapogi ma le tatalo; ma ia toe faatasi ane i le mea e tasi, ina ne'i faaosooso mai Satani ia te oulua, ona o lo oulua le lava onosai." (1 Kor. 7:2-5.)" (*O Le Vavega o le Faamagalo Atu*[1969], 73).

O le tuufaatasiga o le alii ma le tamaitai ua faapaiaina i le faaiipoipoga ma avea ai o se faaaliga o le alofa, lotogatasi, ma le tulaga e mafai ai e le ulugalii ona avea ma atua. Na tusia e Peresitene Iosefa F. Samita, "O le fesootaiga faatulafonoina o feusuaiga ua faauuina e le Atua, e le gata o se auala o le faatupulaia o ituaiga o tagata, ae mo le atiina ae o tulaga maua ma uiga faatupu o le natura faaletagata, lea ua na o mafutaga e faatupuina i le alofa musuia o le alii ma le tamaitai, e mafai ai ona faamausaliina" ("Unchastity the Dominant Evil of the Age," *Improvement Era* June 1917, 739; po o le tusi lesona a le tagata aoga, 147).

### MATAUPU FAAVAE

*O se malamalama sa'o i le fesootaiga mafana i le faaiipoipoga, e faateleina ai o tatou avanoa mo le fausiaina o se faaiipoipoga fiafia.*

### FAITAUGA MAI LE TUSI LESONA A LE TAGATA AOGA

Aoaoga Filifilia mai le "O Fesootaiga Mafana i le Faaipoipoga" (147-49)

"O Le Punavai o le Ola," Elder Boyd K. Packer (149-55)

"O Le Faailoga Silisili o le Faatasiga Atoatoa" ma le "O Se Faailoga o le Va Feagai ai ma le Atua," i le "Mama Faaletagata Lava Ia," Elder Jeffrey R. Holland (250-51)


Aoaoga Filifilia mai le "Fuafuaina o le Fanauina o Fanau" (16-18)

"E i ai La'u Fesili," Dr. Homer Ellsworth (18-20)

## O A MEA E AOO ATU

*O sootaga vavalalata faaletino i totonu o le faaiipoipoga, o se faamanuiaga ua faauuina e le Atua.*

## FAUTUAGA I AUALA E AOO ATU AI

 **Talanoaga.** Faamalamalama atu o loo tele vaaiga filogia i le lalolagi i aso nei e uiga i sootaga faalefeusuaiga, lea afai e talitonu i ai ma faaitaia, e mafai ona faaumatia ai lo tatou fiafia. E taua lo tatou malamalama i o tatou mana e foafoa ai fanau e tusa ai ma le ata o le faaolataga.

Faitau ma talanoaina le faamatalaga leni mai le *Tusitaulima o Faatonuga a le Ekalesia*: “O ulugalii faaiipoipo ... e tatau ona malamalama o sootaga faale-feusuaiga i totonu o le faaiipoipoga ua faatagaina e le Atua, e le gata mo le faamoemoega o le foafoaina o fanau, ae o se auala foi o le faaaliga o le alofa ma le faamalosiaina o lagona ma noataga faaleagaga, i le va o le tane ma le ava” (*Tusitaulima 1: Au Peresitene o Siteki ma Au Epikopo*[1998], 158).

Faitau le Aperaamo 4:27–28 Faailoa atu i le fuaiupu e 28 ua ta’ua ai e le Atua le mana e uluola ma faatumulia ai le lalolagi o se faamanuiaga.

Ia taitaia se talanoaga a le vasega, e faatatau i faitauga filifilia nei mai faitauga a tagata o le vasega mo leni lesone: “O Fesootaiga Mafana Faaletino ua Faauuina e le Atua” (tusi lesone a le tagata aoga, 147–48), “O Fesootaiga Mafana Faaletino e Na o le Faaiipoipoga e Faia ai,” “O Faamoemoega o Fesootaiga Mafana” (148), “O Le Punavai o le Ola” (149–55), “O Le Faailoga Silisili o le FaatasigaAtoatoa,” “O Se Faailoga o le Va Feagai ai ma le Atua” (250–51). Ia mafaufau i fesili nei o se vaega o la outou talanoaga:


- E faapefea ona avea o tatou lagona loloto faalenatura na aumaia e le Atua, o se faamanuiaga mo i tatou?
- E faapefea ona avea sootaga faalefeusuaiga i totonu o le faaiipoipoga, ma faatusa silisili o le tuufaatasiga atoatoa?
- E faapefea ona avea mana o le foafoaina o fanau i totonu o le faaiipoipoga, ma faatusa o lo tatou sootaga ma le Atua?
- E faapefea ona faaaogaina i aso nei le poloaiga, ia uluola ma faatumulia ai le lalolagi?
- Aisea ua fuafuaina ai uunaiga o le foafoaina o fanau, ina ia malolosi ma faifai pea?

Ia faamamafa atu o le mana e foafoa ai e mai le Atua ma e paia, ae ua na o le va lava o le alii ma le tamaitai i totonu o le faaiipoipoga e alagata ai. Tuuina atu le molimau i le moni o nei mataupu faavae ma faamanuiaga o le usiusitai. (Aua nei se ese atu i auililiga patino o la oulua sootaga ma lou toalu.)

## O A MEA E AOO ATU

*E ono tupu le faaaogaina sese o fesootaiga vavalalata faaletino, e o’o lava i totonu o le sootaga o le faaiipoipoga.*


## FAUTUAGA I AUALA E AOO ATU AI

 **Talanoaga.** Faitau faatasi faamatalaga mai le Usoga i lalo o le “Faaaogaina Sese o Fesootaiga Mafana Faaletino” (“O Fesootaiga Mafana i le Faaiipoipoga,” tusi lesone a le tagata aoga, 147).

## O A MEA E AOAO ATU

*“O le alofa i totonu o le faaiipoipoga e faaauauina ai feusuaiga”*  
(Spencer W. Kimball, *The Teachings of Spencer W. Kimball, ed. Edward L. Kimball [1982], 248*).

## FAUTUAGA I AUALA E AOA O ATU AI

 **Talanoaga.** Faamalamalama atu o nisi taimi e soona tuuina atu ai e ulugalii le faamamafa i tulaga faaletino o le faaiipoipoga. O sootaga vavalalata faaletino, o se elemene taua o le alofa ua faaiipoipoina, peitai, e sili atu tulaga ua manaomia mai e ausia ai se alofa mama.


Na aoao mai Peresitene Spencer W. Kimball: “O lou alofa, e pei o se fugalaaui, e ao ona faafaileleina. O le a o’o mai le alofa sili ma le fefaalagolagoai i le va o oulua, aua o lo oulua alofa o se alofa paia. E loloto, faaofiaina, e lautele. E le pei o lena fegalegaleaiga faale-lalolagi, ua faaigoaina o le alofa faaigoaina sese, lea e tele lava i le tosina atu i le vaaiga faaletino. Pe a faavaeina le faaiipoipoga i le na o lenei, o le a vave ona uma le fiafia o itu uma e lua. O le a motusia ma i ai se teteaga, ma o le a i ai se isi vaaiga fou mo se isi faaiipoipoga, lea e le pine ae uma foi. O le alofa lea e fetalai i ai le Alii, e le gata ina tosina faaletino, a o le tosinaga faaleagaga. O le faatuatua, talitonuina ma le malamalama o le tasi i le isi. O se paaga atoatoa. O le mafutaga faatasi ma manatu ma alafua tutusa. O le le manatu faapito, ma le ositaulagaina o le tasi mo le isi. O le tulaga mama i manatu ma faatinoga, ma le faatuatua i le Atua ma le polokalama. O le tulaga faamatua i le olaga faitino, ma le vaai atu pea lava pea i le tulaga faale-Atua ma le foafoaga, ma le faafaileleina o fanau. E lautele, ma e le gata. O lenei ituaiga o alofa, e le vaivai pe mavae. E ola pea i taimi o ma’i ma faanoanoaga, i taimi o le solo lelei ma le leai o se mea, i taimi o le manumalo ma le le fiafia, i le taimi nei ma le faavavau” *Faith Precedes the Miracle* [1972], 130–31; po o le tusi lesona a le tagata aoga, 148).

Fai atu i tagata o le vasega e faitau le “Alofa Atoatoa” i le saunoaga a Elder Boyd K. Packer “O le Punavai o le Alofa” (tusi lesona a le tagata aoga, 149) ma saili uiga ma mea masani e fesoasoani ia i tatou e ausia ai se alofa mama ma atoatoa. Ia lisi saili-iliga a tagata o le vasega i luga o le laupapa. Ia aotele mai faapea o le alofa mama e manaomia ai le taimi ma se taumafaiga malosi ina ia ausia ai. O fesoootaiga mafana faaletino i le faaiipoipoga, o se vaega o le faagasologa ina ia tasi ma le Alii.

## O A MEA E AOAO ATU

*E tatau i ulugalii faaiipoipo ona taulimaina mataupu o le fuafuaina o le fanauina o fanau.*

## FAUTUAGA I AUALA E AOA O ATU AI

 **Galuega fai faavaega.** Tagai i le vaega “Fuafuaina o le Fanauina o Fanau” i le tusi lesona a le tagata aoga (itulau. 16–20). Valaaulia tagata o le vasega e faitau, pe toe iloilo le vaega i fafo o le vasega. Faamalamalama atu o nei mataupu e patino i le tagata ma e paia. E tatau i le tane ma le ava ona faia faaiuga e faatatau i le fuafuaina o le fanauina o fanau i le lotogatasi, pe a maea ona sailia le taitaiga a le Agaga. Uunaia tagata o le vasega, pe a i ai ni a latou fesili, ia saili atu mo fautuaga mai matua ma taitai perisitua.

## FAAIUGA

Mai lava i le amataga, na faamanino mai ai e le Alii, “E le lelei ina toatasi o le tagata, ou te faia sona fesoasoani e tatau ma ia” (Kenese 2:18). Na saunoa mai le Aposetolo o Paulo, “e leai se tane pe a le o i ai le fafine, e leai foi se fafine pe a le o i ai le tane, i le Alii” (1 Korinito 11:11).

Pe a tatou malamalama i sootaga vavalalata faaletino faatasi ma le vaaiga mo le ata o le faaolataga, ma ua usiusitai i le Alii, e mafai ona tatou aloese mai le tele o faafitauli o loo ua lolo ai le lalolagi, o se taunuuga o le le amanaiaina o le tulafono o le ola mama. O tane ma ava ua fusia faatasi i le alofa ma le faamaoni a’ia’i, o le a mafai ona olioli i la laua sootaga faaletino ma fesoasoani i le Alii e faataunuu Ona faamoemoega o le uluola ma faatumuina le lalolagi.

## 9 O ESESEGA NA FANANAU MAI MA TANE MA FAFINE

### VAAIGA AOA FAALE-AOAOGA FAAVAE

Na aoa mai le Aposetolo o Paulo e uiga i meaalofo eseese a tagata o le Ekalesia: “Aua faapei o itu tino e tele i le tino e tasi, a e le tasi se faiva i itu tino uma:

“E faapea i tatou nei le toatele, ua tino e tasi ia Keriso, ma ua fefaafeagai ito tino.

“O loo eseese foi a tatou mea e tufaina mai i le alofa tunoa ua foaiina mai ia te i tatou” ( Roma 12:4–6).

Na faatatau mai e Elder Henry B. Eyring o le Korama a Aposetolo e Toasefululua lenei manatu faavae i le sootaga faalefaaipoipoga: “E aoaoina e se alii ma lana ava ina ia tasi e ala i le faaaogaina o mea e tutusa ai ina ia malamalama ai le tasi i le isi, ma o laua eseese ina ia viia e le tasi le isi i le auauna atu o le tasi i le isi, atoa ai ma e o loo siomia ai i laua” (i le Conference Report, Apr. 1998, 89; po o le *Liahona*, Me 1998, 68).

### MATAUPU FAAVAE

*O le agaga fiafia ma le fausiaina i luga o eseese i le va o alii ma tamaitai, e mafai ona faateleina ai le nofouta, malamalama, ma le fiafia i le faaipoipoga.*

### FAITAUGA MAI LE TUSI LESONA A LE TAGATA AOGA

Aoaoga filifilia mai le “O Eseese na Fananau mai ma Tane ma Fafine” (66–68)

“Mo Le Taimi Nei ma le Faavavau Atoa,” Elder Boyd K. Packer (69–72)

“O Le Aiga: O Se Folafolaga i le Lalolagi,” o le Au Peresitene Sili ma le Korama a Aposetolo e Toasefululua (89–90)

Aoaoga Filifilia mai le “Tulaga Tutusa o Alii ma Tamaitai” (84–85)

### FAATAMAOAIGAINA O LE FAIAOGA

Peresitene Gordon B. Hinckley, *Maatulimanu o se Aiga Fiafia* (tamaitusi, 1984; po o le tusi lesona a le tagata aoga, 135)

Elder Richard G. Scott, “O Le Olioli i le Ola ai i le Fuafuaga Sili o le Fiafia” (i le Conference Report, Oct. 1996, 100–104; po o le *Liahona*, Nov. 1996, 73–75; tusi lesona a le tagata aoga, 386)

## O A MEA E AOA ATU

*O le malamalama i eseese e le va o alii ma tamaitai, e mafai ona fesoasoani i ulugalii e ausia ai le lotogatasi i le faaiipoiga.*

## O A MEA E AOA ATU

*E i ai “tiute ma avanoa eseese o alii ma tamaitai e taua tele i le faatau-nuuina o le fuafuaga sili o le fiafia” (Dallin H. Oaks, i le Conference Report, Oct. 1993, 99; po o le Liahona, Nov. 1993, 73; tusi lesona a le tagata aoga, 277).*

## O A MEA E AOA ATU

*Ua i ai i alii ma tamaitai matafaioi e eseese ae taua tutusa i totonu o aiga.*

## FAUTUAGA I AUALA E AOA ATU AI



**Galuega fai faavaega.** Tufa atu le tufaaga 6, “O Fesili i ‘Eseesega na Fananau mai ma Tane ma Fafine,’” o loo maua i le faaiuga o lenei lesona (i. 46). Vaevae le vasega i ni vaega laiti, ma atofa atu i vaega taitasi nisi o faamatalaga mai Ao-aoga Filifilia mai “Eseesega na Fananau mai ma Tane ma Fafine” (tusi lesona a le tagata aoga, 66–68). Valaaulia vaega taitasi e saili tali o fesili, e faalagolago i aoaoga o loo ia latou faitauga atofaina. Tuu atu ia i latou e lipoti mai mea ua latou maua i le vasega.

## FAUTUAGA I AUALA E AOA ATU AI



**Talanoaga.** Tuu atu i le vasega e su’e i le saunoaga a Elder Boyd K. Packer “Mo Le Taimi Nei ma le Faavavau Atoa” (tusi lesona a le tagata aoga, 69–72), ma talanoaina fesili nei:

- O a auala e faaogaina e Lusifelo e faaleagaina ai le mafutaga mafana, alofa, faaiipoiga, ma tulaga faamatua?
- O a auala ua faaalai ai e le Alii lona faatauaina o le tulaga tutusa o alii ma tamaitai?
- O le a le uiga ia te oe i aso nei, o le tiutetauave ia uluola ma faatumulia ai le lalolagi?
- I taimi faigata o le tamaoiga, e faapefea ona faataunuuna e tina o latou tiutetauave o le tuuina atu i a latou fanau o le “tausiga atoatoa e manaomia”? (i. 68).
- O le a le faamoemoega e faavavau mo le eseese i le va o matafaioi a alii ma tamaitai?
- O le a le mea o loo faailoa mai i le faataoto o ki ma oa natia e uiga i le tulaga tutusa o alii ma tamaitai?
- O a faamanuiaga e mafai ona maua, pe a faaogaina e alii ma tamaitai taitoatasi a latou ki e tatalaina ai le pusa tupe?
- O a talitonuga o aso nei, ua suitulaga ai i latou o e taumafai e suia ki ina ia faafetaui ma o latou manao?

## FAUTUAGA I AUALA E AOA ATU AI



**Talanoaga.** Tuu atu i tagata o le vasega e faitau le “O Le Aiga: O Se Folafolaga i le Lalolagi” ma saili fuaiupu e faatatau i matafaioi felagolagomai o alii ma tamaitai i le aiga. Tuu atu i tagata o le vasega e faitau leotele a latou fuaiupu, ma talanoaina faatasi ma le vasega.

## FAAIUGA

Iloilo le faamatalaga mai ia Elder Richard G. Scott o le Korama a le Toasefululua e uiga i natura felagolagomai o alii ma tamaitai:

“I le fuafuaga a le Alii, e manaomia le toalua—o se alii ma se tamaitai—e fausia ai se mea atoa. E moni lava, o se tane ma se ava e le o ni ‘afa tutusa lelei, ae o se mea oofofogia, tuufaatasiga paia o agavaa ma uiga felagolagomai.

“O le faaipoipoga e faatagaina ai nei uiga eseese e tuufaatasi i le loto e tasi—i le lotogatasi—e faamanuiaina ai le tane ma le ava, o a la fanau ma fanau a fanau. Mo le fiafia sili ma le ola manuia i le olaga, e manaomia uma le tane ma le ava. O a la taumafaiga e fesootai ma felagolagomai. Ua i ai ia i laua taitoatasi uiga e sili ona fetau ma matafaioi ua faamatala mai e le Alii mo le fiafia o se alii ma se tamaitai. Pe a faaogaina e pei ona fuafuaina e le Alii, o na agavaa e faatagaina ai ulugalii faaipoipo e manatunatu, faatino, ma olioli o se vaega e tasi—e feagai ai ma luitau ma faatoilaloina faatasi i latou, ina ia tuputupua’e i le alofa ma le malamalama, ma ala i sauniga o le malumalu, ina ia fusia faatasi o se tasi, i le faavavau. O le fuafuaga lena” (tusi lesona a le tagata aoga, 69).



## Tufaaga 6 • Fesili e uiga i “Eseesega Na Fananau mai ma Tane ma Fafine”

O nei fesili e faatatau i faamatalaga i le tusi lesona a le tagata aoga (66–68, 84).

- E faapefea e se faalogoga loloto o se tina, ona fesoasoani ia te ia e fesootei ai i mea patino o le tausia o fanau i le aiga? (Peresitene Harold B. Lee)
- Aisea e faalagolago ai alii ma tamaitai i le tasi ma le isi i le ausiaina o o latou gafatia atoatoa? (Peresitene Spencer W. Kimball)
- E le i fausiaina tamaitai ia faapei o alii. Aisea? (Peresitene Ezra Taft Benson)
- O a auala e sili atu ai tomai ua umia e tamaitai nai lo alii? E faapefea e se manao o se tamaitai e fia pei o se alii, ona aveesea ai lona tomai e faataunu le fuafuaga na faia ai o ia. (Peresitene Howard W. Hunter)
- E faapefea e se malamalamaaga o a tatou tautinoga i le muai olaga o ni atalii ma afafine o le Atua, ona fesoasoani ia i tatou e malamalama lelei ma ola ai i le talalelei? (Peresitene James E. Faust)
- Aisea e taua ai mo matua ona le faamallosia uunaiga e faavaivaia ai eseese o natura o alii ma tamaitai? (Peresitene Boyd K. Packer)
- O a nisi o eseese taua i le va o alii ma tamaitai? (Elder Thomas S. Monson)
- E faapefea e eseese felagolagomai i le va o alii ma tamaitai ona avea ma ki i le fuafuaga o le fiafia a le Alii? (Elder Boyd K. Packer)
- E faapefea ona tausia e i latou ua umia le perisitua a latou ava ma isi tamaitai i o latou aiga? (Elder James E. Faust)
- O a nisi o tulafono ma aganuu e uiga i le tausaiaina o alii ma tamaitai ua suia, ina ia “faasa’oina ai sese tuai na e le i faavaeina lava i mataupu faavae e faavavau” (Elder Dallin H. Oaks)
- E faapefea ona faatagaina e le faaiipoipoga uiga o alii ma tamaitai ina ia o mai faatasi ai i le loto e tasi? (Elder Richard G. Scott)
- O anafea na fuafuaina ai tiutetauave o tamaitai, alii, tina, ma le perisitua? (Elder Neal A. Maxwell)
- E faapefea ona fesoasoani le malamalama i lo tatou natura paia, i alii ma tamaitai e faaaloologia ai e le tasi le isi? (Elder Merrill J. Bateman)

## 10 O MATAFAIOI MA TIUTETAUAVE PAIA O ALII

### VAAIGA AOA O FAALE-AOAOGA FAAVAE

“Na faaeina e lo tatou Tama Faalelagi i luga o ona atalii ma afafine uiga patino faapitoa e fetau lelei ma o latou tiutetauave, a o latou faataunuuina Lana fuafuaga. Ina ia mulimulitaia Lana fuafuaga, e manaomia ai lou faia o mea na ua la faamoemoeina mai ia te oe, i le avea ai o se atalii po o se afafine, tane po o se ava” (Richard G. Scott; i le Conference Report, Oct. 1996, 101; po o le *Liahona* Nov. 1996, 73; tusi lesona a le tagata aoga, 369).

### MATAUPU FAAVAE

*O tane o e faataunuuina o latou tiutetauave paia faaleaiga, ua latou saofaga i le fiafia o a latou faaiipoiga.*

### FAITAUGA MAI LE TUSI LESONA A LE TAGATA AOGA

“O Le Aiga: O Se Folafolaga i le Lalolagi,” o le Au Peresitene Sili ma le Korama a Aposetolo e Toasefululua (89–90)

“O o tatou Tiutetauave Paia,” Peresitene Gordon B. Hinckley (22–26)

“Mo Tamā i Isaraelu,” Peresitene Ezra Taft Benson (216–19)

“O le Avea ai ma se Tane ma se Tamā Amiotonu,” Peresitene Howard W. Hunter (219–22)


### FAATAMAOAIGAINA O LE FAIAOGA

“Ola Agavaa mo le Tamaitai o le a e Faaiipoigo i ai i se Aso,” Peresitene Gordon B. Hinckley (i le Conference Report, Apr. 1998, 66–69; po o le *Liahona*, Me 1998, 49–51; tusi lesona a le tagata aoga, 222–26)

### O A MEA E AOAO ATU

*O le Folafolaga i le Aiga, ua faailoa mai ai tiutetauave taua e tolu mo tamā.*

### FAUTUAGA I AUALA E AOA ATU AI

 **Talanoaga.** Faitau faatasi le parakalafa 7 o le “O Le Aiga: O se Folafolaga i le lalolagi” (tusi lesona a le tagata aoga, 89–90). Fai i tagata o le vasega e saili tiute taua e tolu o tamā mai leni faitauga. Tusi upu *Pule faamalumalu, Saunia, Puipui* i luga o le laupapa. Fai i tagata o le vasega e faamatala tiute taitasi i le mea e gata ai lo latou mafai. Fesili pe o faatagaina mai i le parakalafa 7 o le folafolaga, se tina e faataunuu nei tiute. Talanoa faapuupuu mea e ono manaomia ai ona faatinoina e se tina tiutetauave, ia e masani lava ona faia e tamā.

## O A MEA E AOAO ATU

*O e umia le perisitua  
ua faamoemoe e ola  
e tusa ai ma o latou  
tiutetauave o ni tane  
ma tamā.*

## FAUTUAGA I AUALA E AOA O ATU AI



**Galuega Fai Faavaega.** Vaevae le vasega i ni vaega se tolu, ma tuuina atu se tasi o lauga mai i faitauga o le tusi lesona a le tagata aoga ua lisiina atu i lalo mo vaega taitasi. Valaaulia vaega taitasi e faitau la latou lauga ma lisi tiutetauave o tane ma tamā o loo i ai. Ia tuuina atu foi i vaega taitasi e talanoaina le fesili o loo i lalo e o faatasi ma la latou lauga. A mae’a, valaaulia i latou e faasoa mai a latou lisi ma lipoti mai taunuuga o a latou talanoaga.

- “O o Tatou Tiutetauave Paia” (22–26). Na taua e Peresitene Hinckley faanoanoaga e o’o mai i aiga ona o gaoioiga a tane ma tamā. O a mea e mafai e alii ona faia e faamautinoa ai, e le o latou le mafuaaga o nei faanoanoaga?
- “Mo Tamā i Isaraelu” (216–19). E faapefea ona saunia tamā, ma i latou ua faamoemoe e ave ma tamā, e faataunuu o latou tiutetauave ua lisiina mai e Peresitene Benson?
- “Avea ma se Tane ma se Tamā Amiotonu” (219–22). O a faafatiatamai ma suiga e ono taofia tane ma tamā mai le faataunuina o tiutetauave ua lisiina mai e Peresitene Hunter? E faapefea ona tatou faatoilaloina nei faafitauli?

## FAAIUGA

E fesoasoani le ata o le faaolataga i tane e malamalama ai i le mea ua faamoemoeina mai ia i latou i sootaga o le faaiipoipoga ma aiga. Ua faamalamalama mai i le “O Le Aiga: O Se Folafolaga i le Lalolagi” o tane ma tamā e gafa ma le *pulefaamalamalu* i o latou aiga i le alofa ma le amiotonu, *saunia* mea e manaomia o le olaga, ma *puipui* o latou aiga. O loo faaauau ona faamanino mai e perofeta a le Atua tiutetauave o tane ma tamā.

# 11 O MATAFAIOI MA TIUTETAUAVE PAIA O TAMAITAI

## VAAIGA AOA FAALE-AOAOGA FAAVAE

“E leai se faamaoniga sili atu e mafai ona o’o mai ia te oe i lenei lalolagi, nai lo le ta’ua o oe o se tamaitai o le Atua. E leai se tulaga sili atu, e mafai ona faaeeina atu ia te oe, nai lo le avea ma afafine o le Atua, le mauaina o fegalegaleaiga moni faa-tamaitai, tulaga faale-avā, ma faale-tina, po o nisi galuega e uunaia ai olaga mo le lelei” (Spencer W. Kimball, “O le Matafaioi a Tamaitai Amiotonu,” *Liahona*, Nov. 1979, 102; po o le tusi lesona a le tagata aoga, 374).

## MATAUPU FAAVAE

*A o mamauina e tamaitai o latou olaga e tusa ma le ata o le faaolataga, o le a mafai ona sili atu lo latou ausiaina o le fiafia i le faaiipoiga.*

## FAITAUGA MAI LE TUSI LESONA A LE TAGATA AOGA

Aoaoga Filifilia mai le “O Matafaioi ma Tiutauave Paia o Tamaitai” (371–74)

“Mo Tina i Siona,” Peresitene Ezra Taft Benson (377–82)

“O Tamaitai o le Ekalesia,” Peresitene Gordon B. Hinckley (382–86)


“O Le Olioli i le Ola ai i le Fuafuaga Sili o le Fiafia,” Elder Richard G. Scott (386–89)

“O I Tatou o Tamaitai o le Atua,” Sister Sheri L. Dew (389–92)

## O A MEA E AOAO ATU

*Ua i ai i Tamaitai tiute-  
tauave taua mo le fau-  
siaina o le Ekalesia.*

## FAUTUAGA I AUALA E AOA ATU AI

 **Talanoaga.** Fesili: E faapefea ona saofagā tamaitai i le atiina ae o le Ekalesia? Faitau le saunoaga lenei a Peresitene Spencer W. Kimball:

“O le tele o le tuputupu a’e iloga ua o’o mai i le Ekalesia i aso mulimuli ... o le a tupu i le tulaga e toe tomanatu ai tamaitai o le Ekalesia i le amiotonu ma le potu e fuafua mea i o latou olaga, ma i le tulaga e vaaia ai tamaitai o le Ekalesia i ni auala fiafia—iloga ma ese—mai tamaitai o le lalolagi” (“O Le Matafaioi a Tamaitai Amiotonu,” *Liahona*, Nov. 1979, 103–4; po o le tusi lesona a le tagata aoga, 374).

- O le a le mea na saunoa Peresitene Kimball e ao i tamaitai o le Ekalesia ona faia e fesoasoani ai i le Ekalesia ina ia tupu?
- O le a sou manatu i le uiga o le faaupuga, o tamaitai o le Ekalesia ina ia “iloga ma ese” mai tamaitai o le lalolagi?

I le faamalalamaina e faapea o le faaolataga e faavavau o le lalolagi, e faalagolago i le tuputupu a’e o le Ekalesia i lona tulaga e tatau ai. O le tele o le tuputupu a’e o le Ekalesia, e faalagolago lea i tamaitai o le Ekalesia i le faataunuaina o o latou tiutetauave i le avea ai ma afafine o le Atua.

## O A MEA E AOAO ATU

*Ina ia ausia o latou tiutetauave paia, e ao i tamaitai o le Ekalesia ona “o ese mai le lalolagi, ma faalatalata atu ia Keriso.”*

## FAUTUAGA I AUALA E AOA O ATU AI



**Galuega fai faavaega.** Vaevae le laupapa i vaega tutusa e fa. I luga o vaega taitasi, tusi ai ulutala nei: *O Faiga Masani e ao i Tamaitai o le Atua ona Aloese Ai, ma O Tiutetauave ma Avanoa o Tamaitai o le Atua.*

Vaevae le vasega i vaega e fa, ma tuu atu i vaega taitasi se lauga mai faitauga i le tusi lesona a le tagata aoga. Tuu atu ia i latou le sefululima minute e faitau ai a latou lauga, ma saili aoaoga e faatatau i ulutala. Ia tuu atu le avanoa mo se tasi mai vaega taitasi e lipoti ma talanoa mai i a latou sailiiliga, a o aoteleina e se tasi o sui o le vaega i luga o le laupapa.

Iloilo faatasi ma tamaitai o le vasega le valaaulia mai ia Sister Sheri L. Dew, o le sa avea ma fesoasoani i le au peresitene aoao o le Aualofa, o loo maua i le itulau 389 o le tusi lesona a le tagata aoga (“Ou te valaaulia i tatou taitoatasi ina ia saili se mea se tasi e mafai ona tatou faia e o ese mai ai i le lalolagi, ma faalatalata atili atu ai ia Keriso. Ona faapena foi lea i le isi masina. Ma le isi masina”). Ia molimau atu i le tiutetauave paia ua i ai o tamaitai o le Atua i le faaolataga e faavavau o tagata soifua. Uunaia alii i lau vasega ina ia faaaloaloga ma faamamaluina tamaitai i o latou olaga.

## FAAIUGA

O matafaioi paia a tamaitai, e aofia ai le avea ma afafine o le Atua, uso, ava, ma tina. Na aoao mai Elder Richard G. Scott o le Korama a Aposetolo e Toasefululua:

“Na faaee mai e lo tatou Tama Faalelagi i luga o Ona atalii ma afafine ni uiga tulaga ese e fetau lelei ma o latou tiutetauave taitasi, a o latou faataunuuina Lana fuafuaga. Ina ia mulimuli i Lana fuafuaga, e manaomia ai lou faatinoina o mea na faamoe-moeina e la mai ia te oe, i le avea ai ma atalii po o se afafine, tane po o le ava. ...

“... Ua tofua lava tagata taitoatasi ma uiga e sili ona fetau ma le matafaioi ua fuafuaina e le Alii mo le fiafia, i le avea ai ma se alii ma se tamaitai” (i le Conference Report, Oke. 1996; 101; po o le *Liahona*, Nov. 1996, 73; tusi lesona a le tagata aoga, 386).

## 12 FAATULAGAINA O MANAOGA E FAAMUAMUA O LE OLAGA

### VAAIGA AOA O FAALE-AOAOGA FAAVAE

Na saunoa Peresitene Spencer W. Kimball e uiga i le “manaomia o le faia o mea e sili ona taua e aunoa ma le tuua o isi mea e le faia” (i le Conference Report, Apr. 1976, 70; po o le *Liahona*, Me 1976, 46).

Pe a tatou tauivi e faapaleniina mea taua e faamuamua i o tatou olaga, o le a faateleina o tatou avanoa mo le manuia i vaega uma, e aofia ai sootaga faale-faaiipo-poga ma le aiga. Na faamalamalama mai e Elder M. Russell Ballard o le Korama a Aposetolo e Toasefululua, “Masalo, afai tou te sailia i o outou foi loto, ma lototele e iloilo faamuamua i o outou olaga, atonu o le a outou iloa ai, e pei ona sa ou faia, e manaomia se paleni sili atu i mea ua e faamuamuaina” (i le Conference Report, Apr. 1987, 14–15; po o le *Liahona*, Me 1987, 13; tusi lesona a le tagata aoga, 299).

Na aoa mai Peresitene Tavita O. MaKei, “E leai se isi manuia sili e mafai ona suitulaga i le toilalo i le aiga” (i le Conference Report, Ape. 1964, 5).

### MATAUPU FAAVAE

*O le fiafia i le faaiipoipoga ma le aiga e mafai ona tupu, pe a tatou taulai atu i mea e sili ona taua.*

### FAITAUGA MAI LE TUSI LESONA A LE TAGATA AOGA

Aoaoga Filifilia mai le “O Faamuamua ma Faapaleni” (294–95)

“Faatumauina o le Paleni i Mea Manaomia o le Olaga,” Elder M. Russell Ballard (299–301)


“‘A o Le Mea Lava e Tasi e Ao Ina ia Maua’: Ia Avea ma Tamaitai Faatuatua Tele ia Keriso,” Sister Patricia T. Holland (392–99)

“O Le Aiga: O Se Folafolaga i le Lalolagi,” o le Au Peresitene Sili ma le Korama a Aposetolo e Toasefululua (89–90)

### O A MEA E AOA O ATU

*O mea tatou te faamuamua e tataua ona atagia ai tulaga faata-uaina e faavavau.*

### FAUTUAGA I AUALA E AOA O ATU AI

 **Talanoaga.** Faitau le faamatalaga lenei mai ia Elder M. Russell Ballard: “O se tasi o luitau sili o lenei olaga o le faatulagaina lea o mea e faamuamua i le olaga. A tatou le faia ma le poto, ona aveia lea o mea e sili ona taua i le olaga ma mea e sili ona le faatauaina” (“*Be Strong in the Lord, and in the Power of His Might*” [CES fireside for young adults, 3 Mar. 2002], 6).

Tusi ulutala ia i luga o le laupapa *Mo se taimi le tumau* ma le *Faavavau*. Fai i tagata o le vasega e lisi mea faalelalogi, pe le tumau, ma mea e mafai ona faavavau mo i tatou. (“O mea e le tumau” e mafai ona aofia ai tupe, taavale, meaafale, tafaoga, tautaua, laei, malosi faapolotiki, ma taaloga. “O le Faavavau” e mafai ona aofia ai le faaipoipoga, auaiga, perisitua, auaunaga, malamalama, o se tino toetu, molimau.)

A o faateleina e tagata o le vasega le lisi o mea na e mafai ona faavavau, fesoasoani ia i latou ia iloa le natura e faavavau o le faaipoipoga, o se tino toetu, ma le mana o le perisitua.

## O A MEA E AOA ATU

*O le faavaeina o mea sa’o e faamuamua e manaomia ai se vaaiga e faavavau.*

## FAUTUAGA I AUALA E AOA ATU AI



**Talanoaga.** Faitau i aoaoga filifilia mai le “O Faamuamua ma Faapaleni” (tusi lesona a le tagata aoga, 294–95). A o e faitau, talanoaina fesili e pei o fesili nei:

- Elder Neal A. Maxwell. Aisea e taua ai mo tatou le “iloga o a tatou mea faamuamua moni”? Na faapefea ona faatuina e le Alii le faataitaiga mo i tatou?
- Peresitene Spencer W. Kimball. E faapefea ona tatou faatusatusaina le taua o le paleni i o tatou olaga i ki o se piano?
- Peresitene Ezra Taft Benson. O le a le mea e tupu i o tatou olaga, pe a tatou faamuamua le Atua?
- Elder Dallin H. Oaks. O a faataitaiga e mafai ona outou tuuina mai e faailoa ai mea tatou te faamuamua e fuafua i ai mea tatou le sailia i le olaga?
- Peresitene Ezra Taft Benson. O le a se tasi o mea e tataua ona tatou muai faamuamua?
- Elder John A. Widtsoe. O le fea e faamuamua, aiga po o le ekalesia? Aisea?
- Elder Neal A. Maxwell. O le a le mea e tataua ona faia e matua ma matua o matua taitasi? Aisea?
- Tusi a le Au Peresitene Sili o le 27 Fepuari 1999. O le a le savali autu o le tusi lenei mai le Au Peresitene Sili?


Faasoa atu le fautuaga lenei mai ia Elder Russell M. Nelson o le Korama a Aposetolo e Toasefululua:


“E faapefea ona e fuafuaina le mea e te *faamuamua* Fesili ifo ia te oe: O le a tonu lava le mea ou te manao i ai, le mea e sili i mea uma? Faatusatusa lau tali i le alafua sili ua faaalua mai e lou Fofo. Na ia fetalai mai e ao ona e ‘saili muamua e fausia le malo o le Atua, ae le o mea o le lalolagi, ma faatuina Lana amiotonu, ona faaopoopoina atu lea o ia mea uma ia te outou’ JST, Mataio 6:38 tagai foi i le Mataio 6:33 E te fausiaina le malo o le Atua, a o e faamuamua lou aiga. O le tiutetauave aupito maua luga faaleperisitua a se tane o le alofa ma faapelepele i lana ava, faamanuia o ia ma laua fanau. O le valaauga aupito maua luga a se ava, o le alofa i lana tane ma faafailele laua fanau. A o e auauna i le Alii, ia iloa o lou ‘tiute ua i ai i le ekalesia e faavavau, ma ua pogai lenei mea ona o [lou] aiga’ (MF&F 23:3)” (*Identity, Priority, and Blessings* [CES fireside for young adults, 10 Sept. 2000, 5; *Ensign*, Aug. 2001, 11–12).

## O A MEA E AOO ATU

*E le tatau ona faataga-ina manaoga o le olaga e faalofituina ai mea o le faavavau tatou te faamuamua.*


## FAUTUAGA MO AUALA E AOO ATU AI

 **Talanoaga.** Ia aotele ia vaega muamua e lua o le “Faatumauina o le Paleni i Mea Manaomia i le Olaga,” saunia e Elder M. Russell Ballard (tusi lesona a le tagata aoga, 299–301). Talanoaina pe faapefea e le iloilo ina o a tatou feagaiga ona faapaleniina o tatou olaga. Iloilo faapuupuua mataupu faavae taitasi mo le faapaleniina o manaoga o le olaga o loo i le saunoaga a Elder Ballard.

 **Talanoaga o le tusi lesona a le tagata aoga.** Saili mo mea e faamuamua o loo taua i le “O Le Aiga: O Se Folafolaga i le Lalolagi” (tusi lesona a le tagata aoga, 89–90). Atonu e fesoasoani lenei lisi i la outou talanoaga:

- Ua i ai i matua le tiutetauave ina ia “alofa ma tausī e le tasi le isi.”
- Ua i ai i matua le tiutetauave ina ia alofa ma tausī “a la fanau.”
- E tatau i matua ona “tausī a latou fanau i le alofa ma le amiotonu.”
- E tatau i matua ona “tuuina atu i ai mea e manaomia faaletino ma faaleagaga.”
- E tatau i matua ona aoao a latou fanau “e alofa ma feauaunaa’i.”
- E tatau i matua ona aoao a latou fanau “ia tausī poloaiga a le Atua.”
- E tatau i matua ona aoao a latou fanau “ia aveā ma tagatanuu usiusitai i tulafono i soo se mea latou te nonofo ai.”

Fai atu i tagata o le vasega e toe tagai i le lisi ma fesili ifo “E faapefea ona tatou ...” i le amataga o mataupu faavae taitasi (mo se faataitaga, “E faapefea ona tatou alofa ma tausī e le tasi le isi?”). Ia saunia tali ma talanoaina.

 **Talanoaga.** Aotele le tusiga, “A o le Mea Lava e Tasi e Ao Ina Ia Maua”: Ia Avea ma Tamaitai Faatuatua Tele ia Keriso,” saunia e Sister Patricia T. Holland (tusi lesona a le tagata aoga, 392–99). Iloilo faigata na fetiaia ma Sister Holland i lona taumafai ai e faatumauina manaoga o le olaga ia paleni. Faasoa atu le auala na ia mauaina ai le filemu i lona olaga, ma auala patino na ia maua ai le paleni. Po o le tofia o se tagata o le vasega e saunia se lipoti e faatatau i lenei tusiga.

## FAAIUGA

**Gaoioiga aoaoina a tagata o le vasega.** Fesili: Na tuuina mai ea e le Atua ia i tatou se mau e faamanino mai ai Ana mea e faamuamua? A maea ona tuuina mai tali a tagata o le vasega, faitau leotele le Mose 1:39 ma le parakalafa lona tolu mai ia Elder Maxwell i lalo o Aoaoga Filifilia mai le “O Faamuamua ma Faapaleni” (tusi lesona a le tagata aoga, 294). Molimau atu i tagata o le vasega, o lo tatou mulimuli i faataitaga a le Faola, e mafai ai ona tatou iloa la tatou misiona ma faatulaga tatau ai a tatou mea e faamuamua.



## 13 TUPE MA LE FAAIPOIPOGA

### VAAIGA AOA FAALE-AOAOGA FAAVAE

“Ma o le a outou le tuu a outou fanau ia latou o fia aai, pe le lavalava” (Mosaea 4:14).

“Ua i ai i matua se tiute paia e tausia a latou fanau i le alofa ma le amiotonu, ia tuuina atu i ai mea e manaomia faaletino ma le faaleagaga. ... O tane ma ava—tina ma tama—o le a latou tali atu i le Atua mo le faataunuaina o nei mea e ao ona faia” (“O Le Aiga: O Se Folafolaga i le Lalolagi,” tusi lesona a le tagata aoga, 89).

“Ae tou te lei saili mo le oa, ia outou saili mo le malo o le Atua.

“Ma pe a uma ona outou maua o se faamoemoe ia Keriso o le a outou maua oa, pe afai tou te sailia; ma ia outou sailia e fai ai mea lelei—e faaofu ai e ua le lavalava, ma fafaga ai e ua fia aai, ma faasaoloto e ua faatagataotauaina, ma avatu ai le fesoa-soani i e ua mamai ma puapuagatia” (Iakopo 2:17–19; tagai foi i le MF&F 19:34).

“E ao ona outou faaauau ona faatumauina i mafaufau, o le faaletino ma le faale-agaga ua tuufaatasia. E le mavavaeeseina. E le mafai ona faataunuaina le tasi e au-noa ma le isi, i taimi uma o lo tatou i ai i le olaga faitino” (Joseph F. Smith, i le Conference Report, Oct. 1900, 46; po o le tusi lesona a le tagata aoga, 10; tagai i le MF&F 29:34).

### MATAUPU FAAVAE

*O le faaagaina o mataupu faavae sao e faatatau i tupe, e faateleina ai le mafai ona maua o se faaiipoipoga fiafia.*

### FAITAUGA MAI I LE TUSI LESONA A LE TAGATA AOGA

Aoaoga Filifilia mai “Mea Tautupe” (123)


“Tasi mo le Tupe: Taiala mo Mea Tautupe a le Aiga,” Elder Marvin J. Ashton (123–28)

“Matapeapea, Manatu Faapito, ma le Soona Faaloloto,” Elder Joe J. Christensen (128–31)

### O A MEA E AOA ATU

*O o tatou uiga e faatatau i tupe e mafai ona aafia ai lo tatou faa-olataga.*

### FAUTUAGA I AUALA E AOA ATU AI


 **Talanoaga.** Faitau le saunoaga a Elder Dallin H. Oaks o loo i lalo o Aoaoga Filifilia mai le “Mea Tautupe” (tusi lesona a le tagata aoga, 123).

- E tusa ai ma le saunoaga a Elder Oaks, o a auala e mafai ai e le taufaasese o oa ona titinaina ese ia fua o le talalelei?
- E mafai faapefea ona suia ia oa ina ia faamanuiaina ai le galuega a le Alii?

## O A MEA E AOAO ATU

*O mataupu faavae tonu  
mo le puleaina o tupe,  
o loo aoao mai e le  
Usoga.*

## FAUTUAGA I AUALA E AOAO ATU AI

 **Talanoaga.** Iloilo le “Tasi mo le Tupe: Taiala mo Mea Tautupe a le Aiga,” mai ia Elder Marvin J. Ashton, o le sa avea ma sui o le Korama a Aposetolo e Toasefululua (tusi lesona a le tagata aoga, 123–28). Na tuuina mai e Elder Ashton fautuaga e sefululua e mafai ona fesoasoani ia i tatou e pulea ai mea tautupe a le tagata lava ia ma aiga. Valaaulia tagata o le vasega e talanoaina luitau atonu e feagai ma se tagata, po o se aiga, i vaega taitasi o loo i lalo, ma ofo atu ni vaifofo.

1. Totogi se sefuluai faamaoni.
2. Aoao e pulea tupe, a o le i puleaina e tupe oe.
3. Aoao le loto pulea ma le loto taofiofi i mea tau tupe.
4. Faaaoga se paketi.
5. Ia vave aoao tagata o le aiga i le taua o le galue ma tupe maua.
6. Aoao fanau ina ia faia faaiuga tautupe, e tusa ma lo latou malosi e malamalama ai.
7. Aoao tagata taitasi o le aiga e fesoasoani i le soifua manuia o le aiga atoa.
8. Avea aoaoga o se taumafaiga faifaipea.
9. Galue mo le mauaina o sou lava fale.
10. Ia faaaofia lelei oe i se polokalama inisiaua.
11. Ia malamalama i le uunaiga a malosiaga mai fafo, i mea tautupe ma teugatupe a le aiga.
12. Ia faaaofia lelei oe i se polokalama e faaputu ai meaai ma saunia mo faalavelave faafuasei.

Valaaulia tagata o le vasega e saili mo mataupu faavae i le faamatalaga lenei a Peresitene Gordon B. Hinckley:

“E maeu le lagona lelei e maua ina ua saoloto mai aitalafu, i le i ai o sina tupe itiiti e faagaga mo se aso e tupu ai se faalavelave faafuasei, ma mafai ona tapa i ai pe a manaomia.

“Atonu o le a le tauina atu e Peresitene Faust lava ia lenei mea. Atonu e mafai ona ou tauina atu, ona ia aveeseina lea mai ia te au mulimuli ane. Na i ai sana mokesi o lona fale na totogi atu ai se tupe tului e 4 pasene. Atonu o le a faapea atu le tele o tagata ia te ia, ua faavalevlea tele ma le totogi uma o lena mokesi, ae maualalo tele le tupe tului. Peitai, o le avanoa muamua lava na mauaina ai e i laua ma lona faletua nai tupe faasili, na la mafaufau ai loa e totogi faauma la laua mokesi. Na ia saoloto mai le nofo aitalafu talu mai lena aso. O le mafuaaga lena o lona mata ataata, ma o le mafuaaga lena o lona mapumapu ma faia ana galuega.

“Ou te uunaia outou, uso e, ina ia vaavaai i le tulaga o i ai a outou mea tau tupe. Ou te uunaia outou ina ia faaeteete ia outou tupe faaalu; ia pulea a outou faatauga ina ia aloese mai le nofo aitalafu i le mea e gata ai lou mafai. Ia vave ona totogi aitalafu, ma faasaolotoina oe mai le nofo pologa.

“O se vaega lenei o le talalelei faaletino lea tatou te talitonu i ai. Ia faamanuiaina outou e le Alii, ou uso pele, ina ia faatulagaina lelei o outou fale. Afai ua totogi a outou aitalafu, afai o i ai se tupe faaleoleo, e tusa lava pe itiiti, afai ae o’o mai matagi malolosi, o le a i ai le lafitaga mo a outou ava ma fanau, ma le

filemu i o outou lotou” (i le Conference Report, Oct. 1998, 71–72; po o le *Liahona* Nov. 1998, 54; tusi lesona a le tagata aoga, 63).

Valaaulia tagata o le vasega e faasoa mai mataupu faavae na latou mauaina mai i faamatalaga, na faatoa maea ona faitauina.



**Talanoaga.** Fai atu fesili e pei o fesili nei:

- O le a le fuaiupu i le Mataio 6 e mafai ona faaaogaina e aoao ai mataupu faavae tautupe sili ona faigofie? Mataio 6:33: “Ia outou muai saili le malo o le Atua.”)
- O a nisi o tulaga matautia o le nofo aitalafu i oloa faatau?
- E faapefea ona fesoasoani le kalena mo le taofia o le nofo aitalafu a Elder Ashton e faaititia ai, pe faaumatia ai le nofo aitalafu e le manaomia? (tagai i le tusi lesona a le tagata aoga, 123).



**Talanoaga.** Tagai i le saunoaga a Elder Joe J. Christensen, “Matapeapea, Manatu Faapito, ma le Soona Faaloloto” (tusi lesona a le tagata aoga, 128–31). Faamalamalama atu, o le tamaoaiga ma oa faalelalogi e mafai ona taufaamatau i tagata taitoatasi ma faaiipoipoga, e pei lava o le tulaga mativa. Na tuuina mai e Elder Christensen fautuaga e fa e faaititia ai aafiaga le lelei o le oa faalelalogi. Vaevae fautuaga e fa i vaega o tagata o le vasega, ma fai atu ia i latou e talanoa pe faapefea ona latou faaaogaina i o latou olaga faaulugalii. A maea le lima minute o le talanoaga, ia fai atu e lipoti mai a latou sailiiliga i le vasega.

## O A MEA E AOA ATU

*Ua aoao mai e tusitusiga paia mataupu faavae e faatatau i le puleaina o tupe.*

## FAUTUAGA I AUALA E AOA ATU AI



**Gaoioiga faale-tusitusiga paia.** Faamalamalama atu e mafai e tupe ona faamanuiaina tatou i o tatou olaga faaleaiga, pe mafai foi ona faalavelavea ai lo tatou alualu i luma faaleagaga. O le tulaga o le aveva o tupe ma faamanuiaga, po o le faalavelaveina, e faalagolago i o tatou uiga ma amioga. E fesoasoani tusitusiga paia ia i tatou, e iloa ai le taua o le tupe mai se vaaiga e faavavau.

Faitau ma talanoaina le Mataupu Faavae ma Feagaiga 38:39 ma le Iakopo 2:18–19 E mafai faapefea ona faaaogaina le oa e faamanuia ai o tatou aiga?

Galuega fai faavaega. Faitau nisi o mau nei o se vasega, ma fesili i tagata o le vasega po o a mataupu faavae tautupe e mafai ona maua mai ai: Mataio 6:19–21; 25:14–18; 1 Korinito 2:12; Efeso 5:20; Kalatia 6:7; 1 Timoteo 6:7–10; 2 Nifae 9:51.

## FAAIUGA

Afai e faaaogaina i se vaaiga e faavavau, e mafai ona aveva tupe o se faamanuiaga i faaiipoipoga e faavavau. Afai e faaaogaina i se vaaiga faalelalogi, o faafitauli tautupe e mafai ona faaumatiaina faaiipoipoga. Ua aoaoina i tatou e tusitusiga paia ma perofeta i mataupu faavae e mafai ona fesoasoani ia i tatou e faaoga ai tupe i auala o le a faamanuiaina ai i tatou ma o tatou aiga.

## 14 PULEAINA O PUNAOA FAALETINO

### VAAIGA AOA FAALE-AOAOGA FAAVAE

Na aoao mai Peresitene Heber J. Grant: “Afai o i ai se mea e tasi e aumai ai le filemu ma le lotomalie i le loto o le tagata soifua, ma totonu o le aiga, o le ola lea e tusa ma mea tatou te maua. Ma afai e i ai se mea e tasi e olopalaina, ma faaloto-vaivai ma taufaamatau, o le i ai lea o aitalafu e le mafai ona totogi ma matafaioi e le mafai ona faatino” (*Relief Society Magazine*, May 1932, 302).

I le onosefulu ono tausaga mulimuli ane, na ta’u atu ai e Peresitene Gordon B. Hinckley i le au perisitua i le konafesi: “O le mea lea, uso e, ou te manao e faamano atu ou te le o vavalou atu, o lea ou te le o valoiaina tausaga o le oge i le lumanai. Ae o lea ou te fautua atu, ua o’o mai le taimi e faatulaga ai o tatou fale. ...

“Ou te timai atu ia te outou, uso e, ina ia vaai i le tulaga o a outou mea tau tupe. Ou te timai atu ia te outou ina ia taofiofia a outou tupe faaalu; ia pulea outou loto ia outou faatauga ina ia aloese mai le nofo aitalafu, i le mea e gata ai le mafai. Ia totogi aitalafu i le vave e mafai ai, ma faasaolotoina outou mai le nofo pologa” (i le Conference Report, Oct. 1998, 70, 72; po o le *Liahona* Nov. 1998, 53–54; tusi lesona a le tagata aoga, 63–65).

### MATAUPU FAAVAE

*O le fiafia i le faaiipoipoga, e sili atu ona mafai ona taunuu pe afai e saunia ulugalii i le taimi nei mo taimi faigata o le tamaoaiga.*

### FAITAUGA MAI LE TUSI LESONA A LE TAGATA AOGA

“Mo Tama ma Tamā,” Peresitene Gordon B. Hinckley (63–65)


Aoaoga Filifilia mai le “Aitalafu” (62–63)


Aoaoga Filifilia mai le “Sauniuniga Faaletino” (350–52)

### O A MEA E AOA ATU

*Ia malamalama i le natura o le aitalafu. “Ua o’o mai le taimi e faatulagaina ai o tatou fale.”*

### FAUTUAGA I AUALA E AOA ATU AI

 **Talanoaga.** Faitau ma faatusatusa faamatalaga mai ia Peresitene Heber J. Grant ma Gordon B. Hinckley i le “Vaaiga Aoa Faale-Aoaoga Faavae” o loo i luga. Fai atu i tagata o le vasega e saili le mataupu faavae autu o loo i faamatalaga nei.

 **Galuega fai faavaega.** Tuu atu i tagata o le vasega e sue i le saunoaga a Peresitene Hinckley, “Mo Tama ma Tamā” (tusi lesona a le tagata aoga, 63–65). Aisea e popole ai perofeta a le Atua e uiga i a tatou mataupu faaletino?

Vaevae le vasega i ni vaega laiti, ma tuu atu i vaega taitasi se vaega o le saunoaga a Peresitene Hinckley. Fai atu i tagata o le vasega e saili mo aoaoga e faauma ai fuaiupu nei: *Ina ia saunia mo le lumanai, e ao ona tatou \_\_\_\_\_*

A maea ni nai minute, tuu atu i vaega e lipoti mai a latou saililiga. E mafai ona aofia ai mea nei:

- Ia malamalama i le tupe tului, ma aloese mai le totogiina o lena tupe.
- Faatau se fale e mafai ona tatou gafatia.
- Saunia mo faalavelave faafuasei.
- Ia ola e tusa ma mea ua tatou maua.
- Ia ola faalagolago le tagata ia te ia lava.
- Ia taofiofi le soona faaalu o tupe.
- Ia pulea a tatou faatauga, ina ia aloese ai mai le aitalafu.
- Ia totogia aitalafu i le vave tatou te mafai ai.
- Ia teuina se tupe faaleoleo, e tusa lava pe itiiti.
- Fai atu i tagata o le vasega e talanoa pe faapefea ona latou faaogaina nei ao-aoga i o latou olaga.

**Talanoaga.** Talanoaina nisi o upu sii o loo i Aoaoga Filifilia mai le “Aitalafu” (tusi lesona a le tagata aoga, 62–63). Faitau le faamatalaga mai ia Peresitene Gordon B. Hinckley i le itulau 62 ma fesili atu:

- Aisea e nofo aitalafu ai le toatele o tagata? (Ina ia faamalieina o latou tuinanau.)
- O le a le mea e tupu, o se taunuuga o le nofo aitalafu? (Latou te faaumaina a latou punaoa e ala i le totogiina o tupe tului maualuga, ma avea ai ma pologa i le nofo aitalafu.)

Faitau le saunoaga mai ia Elder James E. Faust i le itulau 60 ma fesili atu:

- O a faaitaiga e mafai ona outou aumaia o le tuu eseseina i le va o manaoga ma mea e manaomia?
- O le a le mea ua saunoa mai ai Elder Faust o se vaega taua o le tutoatasi? (O le saoloto mai le nofo aitalafu faaletagata lava ia)

Faitau le saunoaga lenei mai ia Peresitene J. Reuben Clark Jr., o le sa avea ma fesoasoani i le Au Peresitene Sili:

“O le tului e le tulemoe, pe ma’i, pe faaumatia; e le alu lava i le falemai; e galue i Aso Sa ma aso malolo; e le alu lava i se tafaoga; e le asiasi pe malaga foi; e le fiafia i se mea; e le tulia lava mai le galuega, pe faamalolo mai foi i le galuega; e le faaitiitia itula e faigaluega ai; e le oge i fua o faatoaga pe naumati i le suavai; e le totogia ni ana lafoga, na te le faatauina ni meaai; e le ofuina ni lavalava; e le nofo i se fale ma leai sona aiga ma o le mafuaaga lena e leai ni galuega lipea e faia, e le toe suia, leai ni lau e toe atoina, galuega palama, vali, po o le fufuluina faapaepae; e leai foi sana ava, fanau, tama, tina, po o ni ona tei e tau vaavaai; e leai se tupe faaalu, e leai ni faaipoipoga, po o ni failele, po o maliu, e leai se alofa, po o se mataalofa, e matua malo ma aunoa ma se agaga, e pei o se tifato o maaolo. O le taimi lava e te nofo aitalafu ai, e avea ai le tului ma au soa i minute uma o le ao ma le po, e le mafai ona e tafiese, pe sola ese mai ai, e le mafai ona e faateaseina, e le tuuina atu e le gata i aioiga, talosaga, faatonuga, ma soo se taimi lava e te faalavelave ai i lona ala, pe sopoia lona auala, po o le le mafai ona faataunuu o ana faatonuga, na te olopalaina oe” (i le Conference Report, Apr. 1938, 103).

Fesili atu i tagata o le vasega mo auala e faauma ai le fuaiupu lenei: “O le tului e

”

## O A MEA E AOO ATU

“*Ae afai ua outou saunia o le a outou le mata’u*” (MF&F 38:30).

## FAUTUAGA I AUALA E AOO ATU AI



**Talanoaga.** Fai atu i tagata o le vasega e faamatala se mea na tupu, na fesoasoani ai le sauniuniga ia i latou e faatino ma le talitonuga ia te ia lava e sili atu (e pei o le aoga, musika, po o taaloga).

- E tusa ai ma le Mataupu Faavae ma Feagaiga 38:30 e faapefea ona fesootea le sauniuniga i le mata’u?
- Aisea e taua ai le sauniuniga i le aumaia o se taunuuga lelei?

Faamalamalama atu o le saunia faaletino e aofia ai le sili atu nai lo le alu ese mai le aitalafu. Faasoa atu faamatalaga nei mai Aoaoga Filifilia i le “Sauniuniga Faaletino” (tusi lesona a le tagata aoga, 350–52). Fai atu i tagata o le vasega pe faapefea e le faalogo atu o le tasi i le isi, ona mafai ona fesoasoani e aveesea le mata’u mai o tatou olaga.

- “O le ola faautauta’ e [aofia] ai le fuafuaina ma le poto o mataupu tau tupe” (Spencer W. Kimball, 350).
- “Tatou te aoaoina o tatou tagata ina ia ola i tulafono o le soifua maloloina” (Spencer W. Kimball, 350).
- “O le tulaga e tatau ai, tatou te manaomia ona sailia le galuega lena e fetai lelei ma lo tatou manao, e ala i le poto, ma le aoaoina” (Howard W. Hunter, 351).
- “Matou te mananao i o tatou tuafafine ina ia mauaina le tulaga aoaoina atoatoa ma aoaoga o matata eseese latou te mafaia, a o le i faaipoipo. Afai e avea i latou ma tagata ua maliluu a latou tane po o ava, pe tatala foi faaipoipoga ma manaomia ona faigaluega, matou te mananao ia i latou ia maua galuega faamamaluina ma faamanuiaina” (Howard W. Hunter, 351).
- “O le a se mea e mafai ona tatou faia e faaleleia atili ai mea tautupe a o tatou aiga? Sei o’u fautuaina atu ki taua e tolu e mafai ona fesoasoani ia i tatou. O ia mea o le *uiga faaalua, fuafua lelei*, ma le *loto pulea*” (M. Russell Ballard, 351).
- “O le faavae o le ola faalagolago o le tagata ia te ia lava, o le galuegalue malosi. E tatau ona aoaoina e matua a latou fanau, o le galuegalue o le mea lea e maa-mua i le tulaga mafaia ma le manuia o soo se taumafaiga aoga” (Joseph B. Wirthlin, 352).
- “Matou te valaau atu i Au Paia o Aso e Gata Ai i soo se mea, ina ia faamalolosi ma faamatagofieina le aiga i taumafaiga fou i vaega faapitoa nei: sauniaina o taumafa, faasaoina, teuina; o le sauniaina ma le teuina o isi mea e le o ni taumafa” (Spencer W. Kimball, 352).
- “Ou te fesili atu ia te outou ma le loto atoa, ua outou saunia ea mo outou aiga se sapaalai o taumafa mo le tausaga atoa, lavalava, ma, i tulaga e mafai ai, ni suaau?” (Ezra Taft Benson, 352).

## FAAIUGA

Fesili atu i tagata o le vasega, po o le a lo tatou uiga e tatau ona i ai e faatatau i le saunia. O a sini atonu e tatau ona outou faatutuina ina ia avea ai ma tagata saunia? Molimau atu e mafai ona tatou aoaoga e tusa ma mea ua tatou maua, ma mulimuli i le fautuaga ina ia saunia faaletino.

## 15 GALUEGA A TINA I FAFO ATU O LE AIGA

### VAAIGA AOA FAALE-AOAOGA FAAVAE

I le fuafuaga paia, e tatau ona pulefaamalumu tamā i o latou aiga i le alofa ma le amiotonu ma o i latou e tuuina atu mea e manaomia o le olaga ma le puipuiga mo o latou aiga. O le uluai matafaioi a tina o le faafaileleina lea o a latou fanau. O nei matafaioi paia, e ao i tamā ma tina ona fesoasoani le tasi i le isi o se paaga tutusa. O le le atoatoa o le malosi, oti, po o nisi mea e tula'i mai, e alagata ai ona fetutuunai tagata taitoatasi. O auaga e tatau ona ofoina atu le lagolagosua pe a manaomia ai" ("O Le Aiga: O Se Folafolaga i le Lalolagi," *Liahona*, Nov. 1995, 102; po o le tusi lesona a le tagata aoga, 89).

"O lenei foi, e moni Ou te fai atu ia te outou, o alii taitoatasi ua ia te ia le tiute e fai mea mo lona lava aiga, ia tuu atu ia te ia e fai, ma o le a leai se ala o le a le maua ai e ia lona pale" ( MF&F 75:28).

### MATAUPU FAAVAE

*O le a faaleleia atili le faaiipoipoga ma le olaga i le aiga, pe a mulimuli ulugalii i le fautuaga a perofeta e uiga i le lagolagoina o le aiga.*

### FAITAUGA MAI LE TUSI LESONA A LE TAGATA AOGA

Aoaoga Filifilia mai le "Galuega a le Tina i Fafu Atu o le Aiga" (253–57)


Aoaoga Filifilia mai le "Aoga" (77–78)

"O Le Aiga: O se Folafolaga i le Lalolagi," o le Au Peresitene Sili ma le Korama a Aposetolo e Toasefululua (82–83)

### O A MEA E AOAO ATU

*E i ai se tau e ao ona totoi pe a galulue tina i fafo atu o le aiga.*

### FAUTUAGA I AUALA E AOA ATU AI

 **Galuega fai faavaega.** Vaevae le vasega i vaega e lima. Tuu atu i vaega taitasi e faitau se tasi o tala pupuu mai le tusi lesona a le tagata aoga o loo i lalo. A mae'a ona faitau e tagata o le vasega, valaaulia i latou e aotele mai a latou tala. O tali atonu e aofia ai:

*Vaega 1.* Peresitene Gordon B. Hinckley (tusi lesona a le tagata aoga, 254–56) ma le "O Le Aiga: O Se Folafolaga i le Lalolagi" (tusi lesona a le tagata aoga, 256–57).

- O le faafaileleina ma le tausia o fanau e sili atu nai lo se galuega faavaitaimi.
- O tina e faigaluega e tatau ona mautinoa e mo le mauaina o mea manaomia.
- O le a faamanuiaina e le Alii tina o e ua faamalosi e faigaluega ona o o latou tulaga e tatau ai faalesoifuaga.
- O le uluai matafaioi a tina o le faafaileleina lea o a latou fanau.

- O nisi tulaga e manaomia ai le fetuutuunai o tagata taitoatasi.
- E tatau i auaiga ona tuuina atu le lagolagosua.

*Vaega 2* Elder Howard W. Hunter (tusi lesona a le tagata aoga, 256) ma Peresitene Howard W. Hunter (“Saunia le Lagolago Faaletino,” tusi lesona a le tagata aoga, 222).

- E tauaveina e ava se avega mamafa o galuega i totonu o le fale.
- E tatau i tamaitai ona aoga ma maua aoaoga faalematata eseese i le mea e gata ai le mafai.
- E i ai le aia a tamaitai ia latou tane mo le lagolagosua.
- O tane o e, mo mafuaaga manatu faapito, e uunaia a latou ava e galulue i fafo atu o le aiga, ua faavaivaia lo latou lava alualu i luma faaleagaga.
- O alii, o e tuutiai o latou aiga ma lē mafai ona tausua i latou, ua le agavaa mo se pepa faataga o le malumalu.

*Vaega 3* Peresitene Ezra Taft Benson (tusi lesona a le tagata aoga, 253–54).

- E tatau ona i ai tina i le fetaulaiga ala mo a latou fanau, pe ua ono pe sefulu-ono tausaga le matutua o a latou fanau.
- E mafatia le aiga, pe a le i ai le tina.
- O suiga faale-soifuaga lata mai nei, ua faatupuina ai le le faamalieina i tamaitai, o e ua filifilia le matafaioi o le ave ma ava ma tina.
- O se manatu sese le faapea o nisi tamaitai e sili atu ona fetai mo le faigaluega, nai lo le aiga.
- E le tatau i tamaitai ona ositaulagaina la latou sauniuniga mo le faaipoipoga ona na o le fia saunia e mauaina tupe.
- E sili atu ona manaomia e fanau le tina, nai lo tupe.

*Vaega 4.* Peresitene Spencer W. Kimball (tusi lesona a le tagata aoga, 253).

- Sei vagana lava o se faalavelave faafuasei, ona faatoa tatau lea ona sailia e tamaitai ni galuega i fafo atu.
- O le tele o teteaga e mafai ona su’eina ma tau atu i le aso, na tuua ai e le ava le fale mo le galuega.
- O le lua o ala tupe maua, e siitia ai le tulaga o le soifuaga, e sili atu nai lo le tulaga masani.
- E leai se galuega e latalata atu i le taua o le ava, tausuaiga, ma le tina.
- E gafatia e nisi tagata mea matagofie o le olaga, ae ua faapea mai, latou te le gafatiaina ni fanau.
- E na o se tina, e mafai ona faataunuuna le matafaioi a le tina.

*Vaega 5.* Elders Boyd K. Packer ma Richard G. Scott (tusi lesona a le tagata aoga, 256–57).

- Aua nei tuuina atu lau fanau e tausi e isi, ina ia mafai ai ona e faia galuega e le ni galuega faatina.
- O se agasala le le aoaoina o fanau.
- O tina o e galulue ona o le tulaga manaomia, ua agavaa mo musumusuga faaopopo ma le malosia mai le Alii. O i latou o e galulue mo mafuaaga faalē-taua tele, latou te le mauaina lena mea.



Su'e faatasi ma tagata o le vasega i le saunoaga a Elder Henry B. Eyring o loo i le upu tomua o le tusi lesona a le tagata aoga (i. viii), ma iloilo faatasi le parakalafa muamua.

## O A MEA E AOA ATU

*"Ia faia le mea aupito sili e te mafaia."*

## FAUTUAGA I AUALA E AOA ATU AI



**Talanoaga.** Faitau faamatalaga nei. Na aoao mai Peresitene Gordon B.

Hinckley: "Ua ou matauina ... e i ai nisi o tamaitai (o le mea moni, ua amata ona matua faatoateleina) o e ua faigaluega ina ia maua ai mea manaomia e o latou aiga. Ou te fai atu ia te outou na, ia faia le mea aupito sili tou te mafaia. Ou te faamoemoe, afai ua e faigaluega mo le taimi atoa, o loo e faia ina ia mau-tinoa ai ua faamalieina manaoga faavae, ae le na o le faananau mo se fale mata-gofie, taavale manaia, ma isi mea matagofie o le olaga" (i le Conference Report, Oct. 1996, 93; po o le *Liahona*, Nov. 199669; tusi lesona a le tagata aoga, 254, 382).

Na saunoa mai Richard G. Scott o le Korama a Aposetolo e Toasefululua: "O outou na, i nei tulaga le lelei o le soifuaga, ua agavaa mo musumusuga faaopopo ma le malosi mai le Alii. O e tuua le fale mo mafuaaga e le tatau ai, o le a le mauaina lena mea" (i le Conference Report, Apr. 1993, 42; po o le *Liahona*, Me 199334; tusi lesona a le tagata aoga, 257).

Faitau le saunoaga lenei mai ia Elder Boyd K. Packer, o le sui o le Korama a Aposetolo e Toasefululua, e faatatau i vaega e ese mai fautuaga a perofeta: Sa ou aoaoina, i se tasi taimi, se lesona taua mai se peresitene o le Aualofa a se misiona. I se konafesi, na ia faailoa atu ai nisi o faiga faavae ua faamalosia. Na tulai se tuafafine ma saunoa ma le tetee, 'E le fetai tulafono na mo i matou. E te le malamalama! E tuusaunoa i matou.'

"Na tali atu lena peresitene lelei o le Aualofa, 'Le uso pele e, matou te le manao tatou te vaai muamua i le tuusaunoa. O le a tatou faatuina muamua le tulafono, ona tatou vaai ai lea i le tuusaunoa.' E tele taimi ua ou faaogaina mai ai lona poto, ma faafetai i le mea sa ia aoaoina ai au" (i le Conference Report, Apr. 1994, 25; po o le *Liahona*, Me 1994, 20).

O a ni manatu faaopopo e uiga i galuega totogi a tina, na e mauaina mai nei faamatalaga?

## O A MEA E AOA ATU

*O le usiusitai i fautuaga e manaomia ai le fuafua lelei.*

## FAUTUAGA I AUALA E AOA ATU AI



**Talanoaga.** Talanoaina auala e lagolagoina ai se aiga e le tupe maua a se tama. Ia faamanino atu, o le mea lea, e mafai ona manaomia ai le faatuatua, mea faamuamua e faavavau, fuafua lelei, naunautaiga, loto pulea, ma le ositaulaga.

- *Faatuatua ma mea faamuamua e faavavau.* Fai i tagata o le vasega e faitau le 1 Nifae 3:7 ma fesili atu: E mafai faapefea e le mataupu faavae o loo i totonu o lenei mau, ona faatatau i le nofo ai o le tina i le fale?
- *Fuafuaina.* Tagai i Aoaoga Filifilia mai le "Aoga" (tusi lesona a le tagata aoga, 82-83) ma iloilo faapuupuu le taua o le fuafuaina o se galuega ma le a'oga, i le sauniuniga mo le lumanai.
- *Naunautaiga.* Iloilo le taua o le aua nei sese le vaai mo mafuaaga e manao ai ina ia nofo le tina i le fale. Faamanatu i tagata o le vasega, sei vagana ua

tatou naunau e ola i lenei mataupu faavae, e mafai ona faatosinaina gofie i tatou e lafoai lenei mea o se sini.

- *Loto Pulea ma le ositaulaga.* Toe faamanatu i tagata o le vasega le taua o le tuu eseeseina i le va o mea e manaomia ma mana’o. E faapefea ona tatou iloa le eseeseaga?

Tala. Faitau le tusiga lenei, “Na latou Olegia A’u e uiga i le Olaga—O Le Olaga, o le Tulaga Lena ua E I Ai.” Fai atu i tagata o le vasega e ta’u mai le savali a le tusiga.

“Ina ua faatoa mae’a ona lolomi la’u tala tusia muamua, na faatalanoa au e se nusipepa tele lava i le Talafatai i Sasae mo se tusiga iloga. Na malaga mai le au tusitala i lo’u aiga i Connecticut, i le taeao o se Aso Toonai. O i laua o ni tamaitai Niu Ioka lalelei ma aulelei tele, o e na faauu mai se Aoga Iloga. O i laua uma ua ausia tulaga faamanuiaina maoae i mea tau tusitala.

“O le tusitala taitai sa tusa ma le 30 tausaga le matua, ma sa avea ma faatonu o le mekasini *Seventeen*, e faigaluega mo le tele o lomiga iloga, ma ua avea nei ma se tusitala iloga ua sailia e tagata. Na ia laeiina laei faanei ona po, ma foliga mai o le tamaitai silisili ona faamanuiaina i lana matata.

“E ao ina ou ta’u atu, sa fai si ou faalefiafia a o faagasolo le taeao. Na ou taumafai malosi e tuuina atu foliga o se tusitala faapolofesa, ae, o taimi uma lava mo nai minute, e oso mai ai i totonu o le potu malolo se tasi o la’u fanau ma se faafitauli, po o se fesili. O la’u fanau tama sa taaalo i se taaloga pisapisao i le potu malolo o le aiga, sa ta le laau pese i le potu taalo i lalo o le faavae o le fale, ma o le telefoni sa le malolo le tatagi. O uo mai lo matou pitonuu, na taufetuli mai ma toe o i fafo o le faitotoa, ma mulimuli ane, na tamo’e mai ai la’u tama e 5 tausaga le matua (o le na le onosaia le fia sau i le potu malolo) ma se foliga ataata ma faapau mai i luga o lou vae.

“Na mae’a la matou faatalanoaga, pe tusa ma le lua itula le umi, ma na tulai le au tusitala e malaga ese atu. Na talosaga mai le tusitala talavou, pe mafai ona ia faaaogaina le telefoni. A o ia alu ese atu, na savali mai le tusitala matua, toafilemu ma atamai, ma nofo mai i o’u tafatafa i luga o le nofoa umi.

“E i ai se mea ou te fia ta’uina atu ia te oe,’ na ia fai mai ai ma le naunautai.

“Na ou vaai atu ia te ia ma le te’i. I se leo lemu, na ia faapea mai ai, ‘Na ona ou mana lava ia te oe ia e iloina na olegia i matou.’

““O le a le uiga o lau tala?” Na ou fesili atu ai ma le matua le mautonu lava.

““O le uiga o lau tala, ina ua ou alu i le [iunivesite], na latou olegia matou,’ na ia tali mai ai. ‘Na latou tau mai ia i matou, o i matou o ni tagata popoto tele, ma na ia i matou le matafaioi e saili le tulaga faamanuiaina. Na tauina mai ia i matou e aua le faamaimauina o matou olaga i le faia o ni tane ma ni fanau, ae ia o atu i le lalolagi ma ia faamanuiaina. Na tauina mai ia i matou, e na o se galuega faapolofesa atonu matou te “mauaina ai o matou tagata” po o le ola ai i se olaga faatauaina.

““Na ona ou mana lava ia e iloina, o le taeao lenei ua ou iloa ai, e pepelo lava na mea uma. Ua ou iloa nei, o se galuega faalematata e le o se olaga—ua na o se mea e te faia seia oo ina e mauaina le olaga. O le olaga, o le tulaga lena ua e i ai.

““Ou te fia tau atu ia te oe, atonu o le a ou faafesuaia o’u tulaga faamanuiaina faalelalolagi uma, mo se aso se tasi o le ola ai i le olaga lena o loo e soifua ai.’

“O nei mea na tutupu i lo’u olaga, faatasi ai ma isi, ua atia’eina ai i totonu ia te au se tautinoga moni ma malosi e faapea, i taimi uma e mafai ai, e matua taua lava le nofo ai o se tina i le fale, faatasi ma lana fanau” (Jaroldeen Edwards, i le “Following Christ in Service to Others,” *Church News*, 10 Mar. 1990, 8, 10).

## FAAIUGA

Na fautua mai Peresitene Gordon B. Hinckley, “I le tulaga o lou fiafia, i le tulaga o mea e te mitamita pe faanoanoa ai, e leai lava se isi mea—ou te toe fai atu, e leai lava se isi mea—o le a i ai sona aafiaga sili ia te oe, nai lo le tulaga o le a oo i ai lau fanau” (i le Conference Report, Oct. 2000, 67; po o le *Liahona*, Nov. 2000, 50). O ulugalii e mulimuli i fautuaga a perofeta e faatatau i le taua o le nonofo ai o tina i le fale ma a latou fanau, pe a mafai ai, o le a faamanuiaina. Toe fai atu le faamatalaga a Elder Scott e faapea o tina, o e feagai ma tulaga le fetau o le soifuaga, ma leai ai se filifiliga ae faigaluega i fafo atu o le aiga, o le a faamanuiaina foi i latou.

## 16 FAATUMAUINA O LE OLA O LE ALOFA

### VAAIGA AOA O FAALE-AOAOGA FAAVAE

“O le fiafia i le olaga faaleaiga e sili ona mafai ona ausia pe a faavaeina i luga o ao-aoga a le Alii o Iesu Keriso” (“O Le Aiga: O Se Folafolaga i le Lalolagi,” *Liahona* Nov. 1995, 102; po o le tusi lesona a le tagata aoga, 89). Na aoao mai Paulo, “O outou tane, ia outou alofa atu i a outou lava ava, faapei o Keriso foi ona alofa mai i le ekalesia, ma foaiina e ia ia te ia e fai mona sui” (Efeso 5:25).

Na saunoa mai Elder David B. Haight o le Korama a Aposetolo e Toasefululua, i le iva sefulu-lima ai o tausaga o lona soifua: “I le mae’a ai ona ma faaipoipo mo le 70 tausaga, e mafai ona ou fai atu ia te outou uma, e mafai ona faaleleia atili, e mafai ona faaleleia atili i lea tausaga ma lea tausaga, faatasi ma le taua ma le mu’amu’a ma le iloaina o nisi o faamanuiaga e faavavau o loo i o tatou luma. O le mea lea, mo outou uma ou te fia fai atu, ma atonu e fia auai faatasi Ruby ma a’u, pe ana mafai ona ia tu mai iinei, e faapea o le olaga e mafai ona matagofie ma i ai sona uiga moni, ae ao ina tatou ola ai i se auala faigofie. E ao ona tatou ola i mataupu faavae o le talalelei. Aua o le i ai o le talalelei i o tatou olaga, e maua ai se eseese, a o taumafai ai lo tatou ala i le olaga” (i le Conference Report, Oct. 2000, 22; po o le *Liahona*, Nov. 2000, 19).

### MATAUPU FAAVAE

*E fafagaina e ulugalii le alofa ia latou faaipoipoga e ala i le mulimulitai i mataupu faavae sa’o.*

### FAITAUGA MAI LE TUSI LESONA A LE TAGATA AOGA

Aoaoga Filifilia mai le “Faaipoipoga i le gasologa o Tausaga” (196)

Parakalafa 7 o le “O Le Aiga: O Se Folafolaga i le Lalolagi,” o le Au Peresitene Sili ma le Korama a Aposetolo e Toasefululua (89)

Aoaoga Filifilia mai le “O Le Aiga: O Se Folafolaga i le Lalolagi” (89–95)

“O Le Faaoaina o le Faaipoipoga,” Elder James E. Faust (196–98)

“O Le Faamanatuina o le 60 Tausaga talu ona Faaipoipo le Au Hinckley” (198–99)

“E Faapefea Ona Ou Alofa Ia Te Oe?” Elder Jeffrey R. Holland (167–172)

“O se Faatasiga o le Alofa ma le Malamalama,” Elder Marlin K. Jensen (172–77)

## O A MEA E AOA O ATU


*O le faatumauina o le alofa i le gasologa o taimi, e manaomia ai se vaaiga ma se faafai-lelega umi mai le tane ma le ava.*

## FAUTUAGA I AUALA E AOA O ATU AI

**Talanoaga.** Valaaulia tagata o le vasega e faamatala le alofa e lagonaina e ulugalii fou mo le tasi i le isi. Faitau le faamatalaga lenei mai ia Elder Boyd K. Packer, o se sui o le Korama a Aposetolo e Toasefululua: “A faapea ua outou manatu o le atoaga o le alofa aiai o le talavou, o le tuufaatasiga lena o avanoa uma e tutupu mai le punavai o le olaga, tou te le i oo i le tulaga e vaaia ai le tuuto ma le mafanafana o le alofa ua faaipoipoina i se taimi umi. O ulugalii faaipoipo, e suesueina e tofotofoga, feeseeseaiga, teteaga, faafitauli tautupe, faalavelave faaleaiga, ma’i, ma i le gasologa o taimi, e faamalosia ai le alofa, o le alofa ua mauua e olioli i se fiafiaga e le mafai e ulugalii fou ona mafaufauina” (*O Mea a le Agaga*[1996], 106–7; po o le tusi lesona a le tagata aoga, 149).

Faamalamalama atu e ui o lenei ituaiga o alofa e mafai ona tatou ausiaina, ae e moomia taumafaiga moni ina ia ausia ai. Faitau le saunoaga a Elder David B. Haight i lalo o le “Vaaiga Aoa Faale-Aoaoga Faavae” o loo i luga. O le a le “auala faigofie” e fesoasoani ia i tatou e ausia ai se olaga faatasi e “matagofie ma i ai sona uiga moni”?

Faali atu ni lauu toto i totonu o ni pakete se lua, o le tasi e ola maloloina ma matagofie, ma le isi ua foliga pe, pe ua mate. Po o le tusia foi o ni lauu faapena i luga o le laupapa.



Fesili atu po o le a le mea ua eseese ai le tulaga o ia lauu e lua. Ona fai lea i tagata o le vasega e faatatau mai a latou tali i le faaipoipoga. O fesili nei atonu e fesoasoani i la outou talanoaga:


- O le a le uiga o le fafagaina po o le faafaileleina o le alofa i le faaipoipoga?
- Aisea e manaomia ai e se faaipoipoga lea ituaiga tausiga faifaiepa?
- Aisea e manaomia ai ona matua aafia paaga uma e lua i le faafaileleina o se faaipoipoga?
- Pe o se upu lelei ea le *galue* e faamatala ai le taumafaiga manaomia mo le fausiaina o se sootaga umi? Aisea, pe aisea e le lelei ai?
- E mafai faapefea ona avea le mauaina o le fiafia ma se vaega o le faafaileleina?

- O a nisi o faaaloaloga atonu e mafai ona faaogaina e taitoalua e faamalolo-sia ai lo latou alofa mo le isi?

Faiu i le saunoaga lenei mai ia Peresitene Spencer W. Kimball:


“O le fugalaa mu’amu’a o le a o’o ina mamae ma mate, pe a leai se meaai ma se vai. E faapena foi le alofa, e le mafai ona faamoemoe e o’o i le faavavau, sei vagana ua fafagaina pea i le alofa, le faailoaga o le mamalu ma saafiafiga, o le faaaliga o le loto faafetai, ma le mafaufau ia le manatu faapito.

“... Afai o le a faavavau ona sailia e le tasi mea e fiafia i ai, faamafanafanaga, ma le fiafia o le isi, o le alofa lea e i ai i le taimi o tafaoga faamasani ma faamautuina i le faaiipoipoga, o le a faatupulaia e avea ma taunuuga maumaututu. ... O le mea moni, o taumafa sili ona manaomia mo le alofa, o le manatu mo le isi, agalelei, mafaufau loloto, amanaiaina o le tasi, faaaliga o le alofa mo le isi, feopoopoa’iga i le agaga faafetai, fiafiaga, mitamitaga, mafutaga, talitonuina, faatuatua, faigapaaga, avanoa tutusa, ma le felagolagoma’i” (“Marriage and Divorce,” i le *1976 Devotional Speeches of the Year* [1977], 150; po o le tusi lesona a le tagata aoga, 179).

 **Talanoaga.** Su’e i le “O se Faatasiga o le Alofa ma le Malamalama,” mai ia Elder Marlin K. Jensen (tusi lesona a le tagata aoga, 172–74), ma faitau faatasi le vaega “O Le Atiina Ae o Lo Tatou Mana e Alolofa Ai.” Faitau saunoaga nei mai ia Elder Jensen, ma i le mae’a ai o faamatalaga taitasi, fesili atu, Aisea e faapea ai?

- “Atonu o lo tatou malosi e tuuina atu le alofa, e avea ai i tatou ma e e sili ona alofagia” (tusi lesona a le tagata aoga, 172).
- “E matua laitiiti lava se alofa e mafai ona maua mai se tasi e le o lelei ma ia lava faapea le Atua” (173).

Faiu i le faamatalaga a Elder Jensen o loo muamua atu i le vaega lena: “Afai tatou te mananao e avea tatou ma ni soa agavaa e faavavau, e mafai ona tatou taulai atu muamua i le avea ma soo e le femoumoua’i o le Matai” (172).

 **Talanoaga.** Ia tusia i luga o le laupapa *O Uiga Lelei e Mafai ona Faamalosa ai se Faaiipoipoga*. Faaopoopo atu i lalo o le ulutala ia mau faasino nei mai le tusi lesona a le tagata aoga:

- “E Faapefea Ona Ou Alofa ia te Oe?” Elder Jeffrey R. Holland (167–172)
- “O Le Faamanatuina o le 60 Tausaga Talu ona Faaiipoipo le Au Hinckley” (198–99)
- “O Le Faaoaina o le Faaiipoipoga,” Elder James E. Faust (196–98)

Vaevae le vasega i ni vaega se tolu. Ia tuu atu i vaega taitasi e faitauina se tasi o faamatalaga mai le tusi lesona a le tagata aoga, ma vaseina lalo o uiga e mafai ona faamalosa ai se faaiipoipoga. Valaaulia se sui mai vaega taitasi e tusia a latou sailiiliga i luga o le laupapa. Ia tuu atu i le vasega e fautua mai nisi uiga, ma faaopoopo atu i le lisi o i le laupapa.

- O fea o nei uiga e mafai ona faigofie, ma vave ona faaogaina i se faaiipoipoga? E faapefea?
- O fea uiga o le a tele se taimi e manaomia e atia’e ai? Aisea?
- O fea o nei uiga lelei ua e vaia i se ulugalii faaiipoipo e te faamemelo i ai?

Valaaulia tagata o le vasega e toe faamanatu fesili e ono o loo i lalo o le “Faaoaina o se Faaiipoipoga” saunia e Elder Faust (tusi lesona a le tagata aoga, 197) ma

faatusatusa le leoa ifo lava e le tagata ia lava agai i fesili taitasi, i se fua faatatau o le 1 e o'o i le 10. Uunaia i latou e mafaufau loloto i auala e mafai ai ona faaleleia o latou vaega e sili ona vaivai ai, ma faatuina se sini patino e mafai ona latou galulue ai i le gasologa o le vaiaso.

## FAAIUGA

Faasoa atu le saunoaga lenei mai ia Peresitene Hinckley: “Ua ou vaai atu i lau lava soa mo le lima sefululua tausaga. Pe ua itiiti ea lona sao i luma o le silafaga a le Alii, nai lo a’u? Ua faamalieina a’u, e leai. Sa ia savali ma le le leoa i o’u autafa, lagolagoina a’u i o’u tiutetauave, tausi ma faamanuiaina la ma fanau, auauna i le tele o valaauga i le Ekalesia, ma faasalalau atu se fuataga le mafaatusalia o le fiafia ma le lelei i soo se mea na femalagaai ai. O le tele lava o lo’u matua, o le tele foi lena o lo’u faafetaia—ioe, o le tele lena o lo’u alofa—i lenei tamaitai tino laitiiti, o le na ma tootutuli i le fata faitaulaga i le maota o le Alii, i le silia ma le afa seneturi talu ai.

“Ou te moomoo, ma lo’u loto atoa, o faaiipoipoga uma o le a avea ma se faaiipoipoga fiafia. Ou te moomoo, o faaiipoipoga uma o le a avea ma se paaga e faavavau. Ou te talitonu o lena moomooga e mafai ona faataunuuina, pe afai e i ai se naunautaiga e faia taumafaiga uma e faataunuuina ai” *Liahona*, Nov. 1989, 97; po o le tusi lesona a le tagata aoga, 84).

## 17 FAAALOALOGIAINA O LOU TOALUA

### VAAIGA AOA O FAALE-AOAOGA FAAVAE

“Uso e, ia tausia a outou ava i le alofa, ma le faaaloalo ma le agalelei. Ma, outou ava, ia tausia a outou tane i le alofa, ma le faaaloalo ma le agalelei” (Gordon B. Hinckley, *Teachings of Gordon B. Hinckley* [1997], 209).

“I lalo o le fuafuaga a le talalelei, o le faaiipoipoga o se mafutaga, faatasi ma le tulaga tutusa i le va o le paaga. Tatou te savavali faatasi i le faaaloalo, fiafia, ma le alofa o le tasi i le isi. E le mafai ona i ai se lagona o le vaai maualalo, po o le fia sili, i le va o le tane ma le ava i le fuafuaga a le Alii” (Hinckley, *Aoaoga*, 322).

### MATAUPU FAAVAE

*O le faaaogaina o aoaoga a le Alii o Iesu Keriso i se faaiipoipoga, o le auala sili lea e aloese ai mai taunuuga o le faatautala.*

### FAITAUGA MAI LE TUSI LESONA A LE TAGATA AOGA

Aoaoga Filifilia mai le “Faasaunoa” (3–5)

“Faamaloloina o Ma’ila Matuia o le Saua,” Elder Richard G. Scott 6–9)

### FAATAMAOAIGAINA O LE FAIAOGA


Peresitene Gordon B. Hinckley, “Agavaa Faaletagata Lava Ia mo le Faaogaina o le Perisitua,” *Liahona*, Me 2002, 53–54 (po o le i. 69 o le tusi lesona lenei)

Judy C. Olsen, “O Le Taufamata’u Le Vaaia,” *Liahona*, Iuni 1996, 22–29 (po o le i. 70 o le tusi lesona lenei)

### O A MEA E AOAO ATU

*O tane ma ava e tatau  
ona ave le tasi ma  
faamanuiaga i le isi.*

### FAUTUAGA I AUALA E AOA ATU AI

 **Talanoaga.** Fai atu i tagata o le vasega e mafaufau faapea o loo latou talosagaina se nonogatupe, ma ua manaomia le lisiina atu o a latou aseta. O a ituaiga o mea e mafai ona aofia ai i le lisi? O a nisi o “asetā”, e le o ni mea tautupe, atonu e aumaia e se alii ma se tamaitai i se faaiipoipoga? Faitau le saunoaga lenei mai ia Peresitene Gordon B. Hinckley, a o ave ma Fesoasoani Muamua i le Au Peresitene Sili:

“Ou te talitonu i le aiga, e i ai se tane, o le na te faamamaluina lana soa o se aseta silisili ma tausia o ia faapena; e i ai se ava, o le e vaai atu i lana tane o se taula ma se malosiaga mo ia, o lona faamafanafanaga ma lafitaga, e i ai fanau o e vaai atu ia tina ma tama ma le faaaloalo ma le agaga faafetai; e i ai matua, o e vaai atu i na fanau o se faamanuiaga, ma mauaina se luitau sili ma moni ma matagofie, i lo latou tausiga ma le faafailelega. O le galueaiina o se aiga faapena, e manaomia ai le taumafaiga ma le malosi, fefaamagaloi ma le onosai, alofa ma le tumau ma le ositaulaga; ae e taua i latou uma ma isi” (“This I Believe,” i le *Brigham Young University 1991–92 Devotional and Fireside Speeches* [1992], 80).


Talanoaina elemene o le saunoaga a Peresitene Hinckley.



## O A MEA E AOA ATU

*E i ai nai tiga laiti i soo se faaiipoipoga, e manaomia le galueaiina faatasi.*

## FAUTUAGA I AUALA E AOA ATU AI

 **Talanoaga.** Faitau le saunoaga lenei mai ia Peresitene Gordon B. Hinckley: “Afai o le a tuuina atu e tane ma ava le faamamafa sili atu i uiga mama lea e tatau ona i ai i le tasi ma le isi ae itiiti i sese, o le a faaitiitia loto mafatia, faaitiitia loimata maligi, faaitiitia teteaga, ae o le a faateleina le fiala i aiga o o tatou tagata” (*Teachings of Gordon B. Hinckley*, 322).

Faamalamalama atu o feeseeseaiga ma tiga e taatele i faaiipoipoga. O nisi o nei mea e sau mai le eseese o tulaga na soifua mai ai, mea e fiala i ai, po o faamoemoega. O le faia o fetuutuunaiga, o se vaega masani o le olaga faaiipoipo. Atonu e i ai taimi e mafai ona fesoasoani ai le fautuaga mai se taitai perisitua, e faatoillaloina ai eseeseaga.


Ia tusia i luga o le laupapa upu o le *taumafaiga*, *malosiaga*, *faamagaloga*, *onosai*, *alofa*, *tumau*, ma le *ositaulaga*. Fai atu i tagata o le vasega e fautua mai pe aisea o le a manaomia ai uiga taitasi nei i se aiga faamanuiaina.


Faamalamalama atu o faaiipoipoga faamanuiaina e manaomia ai le tulaga o le aumai ma avatu, a o galulue le paaga agai i le lotogatasi o le tasi ma le isi, a o tausia le ogatusa ma alafua o le talalelei. E tatau ona avea tane ma ava ma se faamanuiaga, o le tasi i le isi.

## O A MEA E AOA ATU

*E tele ituaiga eseese o le faasaua.*

## FAUTUAGA MO AUALA E AOA ATU AI

 **Galuega fai faavaega.** Tuu atu i tagata o le vasega e su’e i Aoaoga Filifilia mai le “Faasaunua” (tusi lesona a le tagata aoga, 3–5) ma tagai mo ituaiga o faasaunua.

 **Talanoaga.** Taitai se talanoaga e faatatau i ituaiga o faasaunua. Ia faaopoopo atu i le talanoaga ia manatu nei, i le tulaga e talafeagai ai:

“Faasaunua faaleagaga e aofia ai le faaogaina o taitaiga, puleaga, po o faiga faamalosi amioletonu.

“Faasaunua faalelagona e aofia ai le taufaifai, faamatalaga faalumaluma, taufaamatau, faasea, faatiga, po o le soona fai faamalosi.


“Faasaunua faaletino e aofia ai le fai faamalosi, taofia o punaoa, ma sauaga faaletino e pei o le tuleia, titina, fela’u, feini, taofiofiina, po o le fasiina.

“Faasaunua faale-feusuaiga atonu e faalelagona, pe faaletino foi, ma e aofia ai uiga faiga faamalosi faalefeusuaiga, faatupuina o le tiga i taimi o feusuaiga, ma le faaogaina o le pule malosi, po o le taufaamatau e faaosofia ai le toalua e faatino gaoioiga faalefeusuaiga” (*Tali Atu i le Faatautala/Sauaina: O Fesoasoaniga mo Taitai Faalelotu*[1995], 4.)

## O A MEA E AOA ATU

*O amioga faatautala mai le tane po o le ava, e le ogatasi ma alafua faatulagaina o le talalelei, ma e ao ona taofia.*

## FAUTUAGA I AUALA E AOA ATU AI

 **Talanoaga.** Tuu atu i tagata o le vasega e toe su’e i Aoaoga Filifilia mai le “Faasaunua” (tusi lesona a le tagata aoga, 3–5) ma saili mo mafuaaga o le faasaunua. E mafai ona aofia ai:

- “Afai e le puleaina e se alii lona ita, ... e mafai ona avea o ia ma tagata e aafia fua i ona lava faananauga ma lagona, lea e taitai atu ai o ia i gaoioiga e matua le fetau lava mo amioga pulea lelei” (Ezra Taft Benson, tusi lesona a le tagata aoga, 3).

- “O le isi foliga o le faamaualuga o le tetee. O finauga, tauaimisaga, puleaga amioletonu, ... faasaunua i le toalua, misa, ma fevesiaiga, e aofia uma lava i lenei vaega o le faamaualuga” (Ezra Taft Benson, tusi lesona a le tagata aoga, 3–4).

- “O le faaogaina faatautala o fanau, po o le faasaunoa o se tasi i lona toalua, mo le faamalieina o ona tuinanau faasatani, o se agasala sili ona pogisa” (Gordon B. Hinckley, tusi lesona a le tagata aoga, 4).

Faaaoga fesili nei mo se isi talanoaga:

- E mafai faapefea e le faamaualuga, ona taitai atu i le faatautala po o le sauaina?
- E mafai faapefea e le manatu faapito ona taitai atu i amioga faatautala?
- E mafai faapefea e “uputuu amioletonu a augatama [o se tasi]” (Alema 23:3) ona avefa ma mafuaaga o le faatautala?

Talanoaina mea nei:

“O le amataga o uiga uma e lua, o le sauaina o le toalua ma le fanau, e mafai ona maua i nai mea faatauvaa lava, e pei o le vaai maualalo i agavaa ma tomiai o se tasi, faitioina pea lava pea, tautau, po o le valaauina i igoa le lelei, musu e fesootei, tautau, faatupuina o lagona o le nofosala, faia ma le mafai ona faataunuina faifaipea o folafolaga, faatiga, faamata’uina i le faaoolima, faia o tuuaiga le faavaea, po o le faaleagaina o meatotino.

“E i ai nisi ua tatou faatiga i ai ma le le iloa. O isi atonu latou te le o malamalama i le o’oo’o o taunuuga o a latou amioga. Peitai, pe a i ai le faatautala, o tagata uma lava o se aiga, aemaise le tama ma le tina, e ao ona naunau e toe faaleleia a latou sootaga ma isi tagata o le aiga. I nisi o tulaga, na o le iloaina lava o le amioga o loo afaina ai le isi, atonu ua lava lea e mafaufau ai le tagata o loo nofosala ia suia” (*Puipuia ma le Tali Atu i le Sauaina o Taitoalua* [tamai tusi, 1997], 3).

Fai i tagata o le vasega e toe foi i Aoaoga Filifilia mai le “Faasaunoa” e saili auala e aloese ai mai le faasaunoa po o le faatautala. E mafai ona aofia ai:

- “Pe a e alofa i lau ava ma lou loto atoa, e le mafai ona e tuua i lalo o ia, faitioina o ia, saili masei ia te ia, pe sauaina o ia e ala i upu, foliga sau, po o gaoioiga” (Ezra Taft Benson, tusi lesona a le tagata aoga, 3).
- “Pe a i ai le amanaiaina o le tulaga tutusa i le va o le tane ma le ava ... , ona mafai lea ona mulimuli mai se lagona sili atu mo le tiutetauave ina ia faafai-lele, ina ia fesoasoani, ina ia alofa atu ma se alofa faifaipea mo i latou o loo tatou vaavaaia” (Gordon B. Hinckley, tusi lesona a le tagata aoga, 3).
- “E ao ona i ai le loto pulea, lea e taofia mai ai i le faatautala o taitoalua ma fanau” (Gordon B. Hinckley, tusi lesona a le tagata aoga, 4).

Faaso atu foi faamatalaga nei. (Atonu e mafai ona e faaogaina se masini e faailoa ai tusitusiga i luga, pe faitau mataupu taitasi ma tusia upu autu i luga o le laupapa.)

- “E leai lava se tasi na te sauaina se isi tagata, pe a i ai ia te ia le Agaga o le Alii” (George Albert Smith, i le Howard W. Hunter, i le Conference Report, Oct. 1994, 69; po o le *Liahona*, Nov. 1994, 51; tusi lesona a le tagata aoga, 221).
- “O se tasi e umia le perisitua e tataua ona *onosai*. O le onosai, o se tasi o uiga o le loto pulea” (Ezra Taft Benson, i le Conference Report, Oct. 1986, 62; po o le *Liahona*, Nov. 1986, 47; tusi lesona a le tagata aoga, 4).
- “E ao ona i ai le loto pulea, lea e taofiofia le faatautala i le ava ma fanau ma le tagata lava ia. E ao ona i ai le Agaga o le Atua, e valaaulia ma galue agai i ai, faafai-leleina ma faamalolosia” (Gordon B. Hinckley, i le Conference Report, Apr. 1991, 97; po o le *Liahona*, Me 1991, 74; tusi lesona a le tagata aoga, 4, 186).
- “E mafai ona toe faaleleia mea uma. E mafai e le Atua ona faamaloloina tatou, pe afai tatou te tuuina atu i tatou lava ia te Ia” (Neal A. Maxwell, “*Ia Le Faia Lo’u Loto, a o Lou Finagalo*” [1988], 63; po o le tusi lesona a le tagata aoga, 4).


Faasoa atu le aoaiga lenei i tagata e faia le faatautala, mai ia Peresitene Gordon B. Hinckley: “Ae paga lea, e i ai nisi o outou ua faaipoipo atu i ni alii faasaua. O nisi o i latou ua fia foliga lelei mai luma o tagata i le aso atoa ae a sau i le fale i le afi-afi, ua tuu ese lo latou loto pulea, ae oso faalii i luga i nai mea iti faatauvaa.

“E leai se alii ua aafia i ia amioga faatiapolo ma le mataga faapena e agavaa mo le perisitua a le Atua. E leai se alii ua faapea lana amio e agavaa mo avanoa i le maota o le Alii. Ou te faanoanoa e faapea atu, e i ai nisi o alii ua le tatau i ai le alofa o a latou ava ma fanau. E i ai fanau e fefefe i o latou tama, ma ava ua fefefe i a latou tane. Afai o i ai lava ni alii faapena o loo lagonaina mai lo’u leo, i le avea ai ma se auaua a le Alii ou te aoai atu ia te oe ma valaau atu ia te oe ia salamo. Ia pulea oe lava. Ia pulea lelei lou ita. O le tele o mea e faaosofia ai lou ita, o mea e matua laiti lava o latou taunuuga. Ma e maeu le mataga o le tau i te mauaina mo lou ita. Tatalo i le Alii e faamagalo oe. Fai atu i lau ava e faamagalo oe. Faatoese i lau fanau” (i le Conference Report, Oct. 1996, 91–92; po o le *Liahona*, Nov. 1996, 68; tusi lesona a le tagata aoga, 383).

## O A MEA E AOA ATU

*O tagata ua afaina ona o sauaga, e mafai ona faamaloloina e ala i le mana o le Togiola.*

## FAUTUAGA I AUALA E AOA ATU AI

 **Talanoaga.** Faamalamalama atu o nisi taimi e o mai ai tagata taitoatasi i le faaipoipoga, i le maea ai ona mafatia i sauaga i lo latou tamaitiiti, po o le talavou. Na tuuina mai e Elder Richard G. Scott o le Korama a Aposetolo e Toasefululua se fautuaga musuia mo le tagata ua sauaina. O lana fautuaga e mafai foi ona fesoasoani i taitoalua o i latou na afaina i sauaga muamua, e malamalama ai i auala e fesoasoani ai ia latou paaga e faaauauina lo latou toe faaleleia. Faasino tagata o le vasega i le tusitusiga a Elder Scott, “Faamaloloina o Ma’ila Matuia o le Saua” (tusi lesona a le tagata aoga, 6–9). Talanoaina nisi o fesili nei:

- O a nisi o ma’ila masani e mafai ona maua mai le sauaina?
- Pe mafai ona faatoilaloina sauaga mai isi? E faapefea?
- O a ni mataupu faavae eseese o le faamaloloina mai sauaga, ua taua e Elder Scott?
- O le a le tele o le tiutetauave, i le faagasologa o le faamaloloina, ua i ai i le tagata ua afaina? Faamalamalama.
- Pe mafai ea ona faamagaloina le tagata faasaua mai se agasala mamafa faapena? Faamalamalama.
- Pe mafai faapefea ona faateleia le faagasologa o le faamaloloina mo le tagata ua afaina, pe a faamagaloina e ia le tagata faasaua?
- O le a le lapataiga ua tuuina mai e Elder Scott, e uiga i le sailia o fesoasoaniga?

## FAAIUGA

Fai atu i tagata o le vasega e faitau faatasi leotele le Mataupu Faavae ma Feagaiga 121:41–43 Molimau atu o le faatauana, tali-tiga, i le agamaualalo ma le agamalu, ma le alofa faamaoni, i le agalelei, ma le malamalama manino e faaleleia ai sootaga. O le le i ai o nei uiga, e mafai ona taitai atu ai i amioga faatautala. O le faatautala i ona tulaga uma lava, e taitai atu ai i sootaga valevalenoa. Pe a faalia e ulugalii ia amioga faa-Keriso ma tausua e le tasi le isi i le alofa ma le agalelei, o le a sili atu ona atagia le ausia o se faaipoipoga fiafia. O le faaaogaina o aoaoga a le Alii o Iesu Keriso, o le auala sili lea e aloese ai mai taunuuga o le faatautala.

## Faatamaoigaina o le Faiaoga

### AGAVAA O LE TAGATA LAVA IA E FAAOGA LE PERISITUA



Peresitene Gordon B. Hinckley

Sii mai le Conference Report, Ape. 2002, 64–65; po o le Liahona, *Me 2002*, 53–54

O le ava e te filifilia, o le a avea ma au paaga tutusa. Na tautino mai e Paulo, “E leai se tane pe a le o i ai le fafine, e leai foi se fafine pe a le o i ai le tane, i le Alii” 1 Korinito 11:11).

I le mafutaga o le faaipoipoga, e leai se maualalo, po o se e sili. E le savali le fafine i luma o le tamaloa; po o le tamaloa foi ona savali i luma o le fafine. E savavali faatasi o se atalii ma se afafine o le Atua i se malaga e faavavau.

E le o ia o sau auauna, sau tavini, po o se mea faapena.

E maeu le nutimomoia o le loto ma le matua mataga o se tulaga e tulai mai, e pei o le sauaina o le ava. O soo se alii i leni Ekalesia o le na te sauaina lana ava, lē e faalumaluma ia te ia, lē e faatiga ia te ia, le ē faia puleaga amioletonu ia te ia, ua le agavaa e umia le perisitua. E tusa lava pe faapea ua uma ona faauuina, e aveese e le lagi i latou lava, e faanoanoa le Agaga o le Alii, ma o le a amene i le pule o le perisitua o i lena alii.

O soo se alii na te faia nei ituaiga amioga, ua le agavaa e umia se pepa faataga o le malumalu.

Ou te faanoanoa e faapea atu, ua ou vaai soo i

leni ituaiga amioga mataga o tupu pea. O loo i ai alii o loo faasaua i a latou ava i faamatalaga faapea ma le faaletino. O se faalavelave matuia pe a faalumaluma e se alii le tina o lana fanau.

E moni foi o loo i ai ni nai tamaitai o loo sauaina a latou tane. Ae ou te le o talanoa atu ia i latou i le po nei. O loo o’u talanoa atu i alii o leni Ekalesia, alii o e ua faaee atu i ai e le Silisiliese Lana perisitua paia.

O’u uso e, afai o i ai nisi, o lagona mai lo’u leo, o e ua tausalaina i lea ituaiga o amioga, ou te valaau atu ia te oe ia salamo. Ia e tootuli i ou tulivae, ma tatalo atu i le Alii e faamagalalo oe. Tatalo atu ia te Ia mo le mana e pulea ai lou laulaufaiva ma lou lima tētē. Talosaga atu mo le faamagaloga mai lau ava ma lau fanau. Na saunoa Peresitene MaKei e faapea, “E leai se isi manuia e mafai ona suitulaga, i le faaletonu i le aiga” (sii mai le J. E. McCulloch, *Home: The Savior of Civilization*[1924], 42; i le Conference Report, Apr. 1935, 116). Ma, na saunoa mai Peresitene Lee, “O le vaega aupito sili ona taua o le galuega a le Alii o le a e faatinoina, o le galuega lea e te faia i totonu o puipui o lou lava fale” (Harold B. Lee, *Doing the Right Things for the Right Reasons*, Brigham Young University Speeches of the Year [19 Ape. 1961], 5).

Ou te talitonu, pe a tatou laulaututu i luma o le nofoa faamasino o le Atua, o le a itiiti lava se ta’ua-ina o le tele o le oa na tatou mauaina i le olaga, po o soo se mamalu atonu na tatou ausiaina. Ae, o le a i ai fesili patino e uiga ia tatou sootaga faaleaiga. Ma, ua ou mautinoa, e na o i latou o e na savalia le olaga ma le alofa ma le faaaloalo, ma le loto faafetai mo a latou soa ma fanau, o le a mauaina mai lo tatou faamasino e faavavau upu ia, “Ua lelei ia, le auauna lelei e, ma le faamaoni: ... ina ulufale mai ia i le fiafia o lou alii” (Mataio 25:21).

## O LE FAATIGA LOTO LE VAAIA

Judy C. Olsen, *Liahona*, Iuni 1996, 22–29

Ulugalii numera tasi: “Ua e iloa,” na fai atu ai Tavita i lana ava, ina ua ia fesili e uiga i le apaapa maanumini o la latou taavale, “o lou *faafitauli* o lou fiafia lea e faatelē se mea laitiiti lava.”

Ulugalii numera lua: “Aisea na e fuafuaina ai la ta tafaoga i le Aso Toonai?” na fesili ai Caroline. “O se mea faavalevaleyalea lena e faia e se tasi. Ua e iloa ina lava o lo ta po tafao o le Aso Faraile.”

O le a le mea e taatele i nei ulugalii? O se tasi o taitoalua, i tulaga taitasi, o loo aafia i se ituaiga o sauaga. E ui lava e leai ni leoleoā po o se sauaga faaletino, ae o nei upu soona lafo, o se ituaiga o amioga lea ua taatele ma sosolo faaupega e ta’ua o le *sauaina faalelagona*. O nei ituaiga amioga, atonu o le ituaiga lea e sili ona taatele ae tau le iloa, o ituaiga uma o sauaga ona e i ai sona taliaina i lo tatou lalolagi. I lenei vaega e foliga mai e le vaaia, o amioga faatautala, ua taufai tutusa ai le sese o alii ma tamaitai, ma o aafiaga o lea ituaiga sauaga i tagata o aiga e mafai ona *pei lona ogaoga* o isi, ituaiga sauaga lea e tele ina vaaia. Ua tele loto ua mafatia ma olaga ua ogaoga lo latou faatamaiaina mai le ola ai ma aafiaga o le sauaga faifaipea faalelagona. Ma, a tuu e lē faasa’oina, atonu e ono avefa foi ma faavae mo isi ituaiga o amioga faatautala i totonu o aiga ma faaipoipoga.

Na saunoa Peresitene Gordon B. Hinckley, a o avea ma Fesoasoani Lua i le Au Peresitene Sili, i ulugalii faaipoipo i se faeasaita na faasalalauina mai le Lotoa o le Malumalu, i le aso 29 Ianuari 1984. O lana fautuaga, e pei ona toe faaupuina ai i le taimi o le faasalalauina o le sauniga, o le “ia avea le faaipoipoga ma mea uma e mafai ona avea ai, e ao i le ulugalii ona fausia se paaga e faavae i mataupu taua o le talalelei a Keriso.” Mo se faaipoipoga ina ia faamanuiaina, na faaauai ai le saunoaga a Peresitene Hinckley, “o tagata faaipoipo taitasi, e tatau ona atiina ae le faaaloalo mo lana soa” o se maa tulimanu o le sootaga faale-faaipoipoga *Liahona*, Ape. 1984, 75).

O le tausiga ma le faaaloalo, aemaise i le faaipoipoga, e matua taua mo le fiafia ma moomia mo le vaiga faale-Au Paia o Aso e Gata Ai i paaga faaselesitila, lea ua faapea ai “e leai se tane pe a le o i ai le fafine, e leai foi se fafine pe a le o i ai le tane, i le Alii” (1 Kori. 11:11). O uputuu faalelalolagi, e ui

lava i lea, e tele lava ina le lagolagoina tausiga faaaloalo ma alofa mo tagata uma. Peitai ane, o aoaoga a le Faaola ua valaaulia ai tatou mo se alafua maualuga atu: o le agamaualalo, agamalu, alofa faamaoni, ma le agalelei (tagai i le MF&F 121:41–42). O nei uiga e ao ona fau ai le faavae mo a tatou sootaga faalelalolagi, lea e tatau ona mamauina i le faataitaiga na ia faatuina.

I se isi itu, e taofia e le faatautala faalelagona ia ulugalii mai le ola ai i le alafua maualuga a Keriso. E saili e faatupulaia uputuu sese ma amioga le talafeagai, e pei o le “faaoga ai le pule po o le puleaga po o le faamalosi i luga o agaga o le fanauga a tagata” (MF&F 121:37 i auala poto ma foliga mai e aloaia faalevafealoai. A o taofiofimauna e le lalolagi na ituaiga alafua, ua faateleina le feagai o le Au Paia o Aso e Gata Ai ma le luitau o le “ia outou o ese mai i e amioleaga, ma ia outou tuese” (Alema 5:57). O le mea moni, o Au Paia e faaauai ona lalagaina o latou loto faapei o Keriso o le a mauaina se fāga matua lautele i le va o le malamalama, olioli, ma le filemu e maua i o latou aiga, ma le pogisa o siosiomaga o aiga o e e le agalelei, mateletele, ma sau.

Ina ia fesoasoani i Au Paia o Aso e Gata Ai, ia malamalama lelei i auala atonu e aafia ai o latou aiga ma faaipoipoga, i nei mana poto ma lē vaaia, o le talanoaga leni o le a (1) faamalalamalama ai amioga ua manatu e faatautala faalelagona, (2) tuuina atu se fua e fua ai le ogaoga o se faafitauli i o latou lava olaga, ma (3) ofoina atu vaifofo e taulai atu ia Keriso mo ulugalii po o tagata taitoatasi, atonu e vave amata ona faatinoina ma o le a taitai atu ai i ni paaga faale-faaipoipoga maloloina, ma sili atu le fiafia.

### **Faamatalaina o le Faatautala Faalelagona**

I se tamaitusi na lomina e le Ekalesia i le 1995, *Tali Atu i le Faatautala: O Fesoasoaniga mo Taitai Faalelotu*, ua ta’u mai ai ia i tatou o le faatautala faalelagona o se toalua, e aofia ai vaega tetele nei o amioga faaletonu:

**Igoa Taufafai.** Upu e pei o le *lou vale* po o le *faatiga ulu*, o le faaogaina faatalasua po o le faateleina o upu le logoleleia, igoa valaau le lelei, ma upu faatiga, e aofia uma lava i le taufafai. Na fautua mai Peresitene Howard W. Hunter e faapea, o se tane e “tatau ona tautala i lana ava i le agaga alofa ma le agalelei, tausiana o ia ma le faaaloaloga silisili” aua o le “faaipoipoga e pei o se fugalaau mu’amu’a ... ma e ao ona fafagaina i taimi uma i faaaliga o le alofa ma le fiafia” (*Liahona* Nov. 1994, 51). O ava

foi, e ao ona faia faapea ia latou tane. O faamatalaga faaulaula, o le faafesagai ma polokalama malie o le TV, ua manatu foi o se sauaina le leoa ma e leai sona nofoaga i faipoipoga a le Au Paia o Aso e Gata Ai.

**Faamatalaga e ta'ufaatauvaaina ai.** Na saunoa foi Peresitene Hunter, “O soo se alii na te faatautala pe tuua i lalo lana ava faaletino po o le faaleagaga ua nofosala i le agasala sili ona mamafa, ma e manaomia le salamo faamaoni ma le loto atoa” (i. 51). O auala atonu e mafai ona aafia ai uma alii ma tamaitai i amioga e ta'ufaatauvaaina ai o latou tai-toalua e aofia ai mea nei:

- *Lē Faatauaina.* O le le amanaiaina ma le loto i ai o se taumafaiga sili e faatino ai se galuega, e pei o le sauniaina o se taumafataga o le afiafi mo nisi po o le toe faaleleia o le taavale a le aiga, o se auala o le le faatauaina o le taimi, taumafaiga, ma taleni manaomia e faataunuu ai se mea na matua manaomia ma se auaunaga le manatu faapito. O le ta'ufaatauvaaina o le toalua i le auala lenei, e mafai ona faatinoina e tusa lava po o tuuina mai i se leo e foliga mai o loo manatunatu loloto i ai. Mo se faataitaiga, pe a uma ona faaaluina e se tane se taimi tele i le faiga o pepa o le lafoga toe maua mai, na faapea atu lana ava, “O le faatumuina o pepa o le lafoga, e le faigata e pei ona taumafai isi tagata e faafoliga ai. Ou te ofo i le umi o le taimi na e faatumuina ai.”

- *Tala malie e tuu ai i lalo se tasi.* O se paga e poto i upu e mafai ona vave mauaina upu i le tele o auala e faamaasiasi ma faatiga ai lona toalua, o lē atonu o le a tuuaia i se taumafaiga e faase ese le tiutetauave mo soo se taufaifai na tuuina atu, i le leai o se uiga malie. “O Siaki, o loo fuafua lelei lana tausami,” na fai mai ai lana ava. “O le vaiaso lona tolu lenei.”

- *Sailiili Masei.* O le faitioina e atimalie ese ai lava le taua o se tagata. E le o faia, i se agaga lelei, e fesoasoani ai i se tasi ina ia ave ma tagata sili atu ona lelei e pei ona fai mai ai nisi. “E te iloaina, la'u pele, a mafai ona e aoaoina e tipi faaninii lelei fuailaau faisua, o le a mafai ona e faia se salati manaia.”

**Faaso Iti.** Atonu e faaogaina e se soa upu taufamatau e faaso ita ai i le toalua, ina ia maua ai le mea e manaomia ai: “O le aso lava na e tautauina ai le ata lena i le potumoe o le aso foi lena na ou alu ese ai!” O le faailoa atu o le ita e ala i upu sauā, e'e, tatū vae i totonu o le fale, ma le tauai po o le talepeina o mea, o se faiga faatautala. O auala le-leoa e faailoa ai le tetee, lē fiafia, po o le faasa'oina—mai

le tali a'a i isi e o'o i le faaalua o foliga ita, ma isi faailoga o le sauā—e mafai foi ona faaso ita ma faapoopo atu i le faatautala.

**Faesea.** O nisi soa e saili ina ia faatapulaaina fega-legaleaiga a le toalua, pe ma latou, po o isi i fafo atu. O faatinoga maaleale o nei mea e aofia ai le—

- *Taofiofi:* Ua le mafai e le soa ona tuuina atu faamatalaga moomia i le toalua, musu e auai i le foiaina faatasi o faafitauli, taofia le faaalua o le fiafia, po o le lē manaomia e faaalu se taimi, pe talanoa ai ma le toalua.

- *Taofia o le vavalalata:* O nisi soa ua saili e faavavamamao i latou ma o latou taitoalua, e ala i le faatupulaia o lagona o le le fiafia po o le faesea. Afai o le taimi e faaalu faatasi ua uunaia ai le amataga o le toe vavalalata, atonu o le a faapea mai le soa, pe faia foi se mea e faatiga, ina ia faatupu ai le toe valavala.

Na ave e se tasi o aiga le fanau mo se taumafataga i fafo atu o le fale. Na matagofie le aso, ma sa fiafia tagata uma. Ona oo lea i le taimi e toe foi ai, ma amata loa le malaga puupuu i le fale. “Tatou afe mo sina aisakulimi,” na fai atu ai le tina. Na faafuasei ona amata ona ee le tamā faapea aua le faamau-maua le taimi “mo nisi na te iloaina.” O le tafaoga ua alu ai lona taimi, na ia pesi atu ai, ma o loo i ai lava ni mea taua e tataua ona ia faia. I le tulaga faateia, na nonofo ai ma le matata'u ma le filemu le aiga seia o'o lava i le fale. Na lagonaina e le ava, o ona lagona fiafia faatasi ma le aiga, ua vave lilo atu i le malulu o le nofotoatasi. Na ia manatu, e le o se taimi muamua lea ua tupu ai lenei mea.

O le vavalalata, e taofia foi pe a musu le tasi o le toalua e auai i le fefaasoaiaina o lagona o le tiga po o le olioli, pe o le ofoina atu o le faamafanafanaga i le misia ai o se fagafao, po o le faia o se fiafia ona ua maua se siitaga o le totogi.

*Faatutuina o tulafono le talafeagai:* O le faesea ma le puleaina o se toalua, e mafai ona o'o mai i le tulaga o le fausiaina o ni tulafono le tautalaga mo ia. O tulafono atonu e le malolosi, e pei o le faatutuina o tapulaa o taimi e talanoa ai i le telefoni, le faataga ina o ni tagata patino i le fale, ma le faatapulaaina po o le faasaina o le toalua ona umia tupe, po o le alu na o ia i se mea. O tulafono e le malolosi tele atonu e aofia ai mea e pei o le le toe faia o ni telefoni, leai ni malo e asiasi mai, po o le leai o ni vala-auga i le Ekalesia. E taumafai le soa e faamaonia tulafono, e ala i le faapea mai ua talafeagai, ae o le

toalua ua afaina e pa'ū atu i se lalolagi malulu faateleina, ma le tuuatoatasi.

**Faaosofiaina.** O nisi o metotia e faaogaina e faaosofia ai isi e faatino mea e manao ai, e aofia ai le faaalua o lagona faanoanoa, faatupuina o lagona o le tausalaina i isi, po o le tuuaia o isi mo faafitauli.

Na tusia e se tasi o tamaitai, “[O la’u tane] e le sau i a matou afiafi faaleaiga ona matou te le faamalieleina ona faamoemoega, ma ua faapea mai e le mafai ona nonofo lelei tamaiti ma faalogo.” O lenei tane ua manino lava lona tuuaia o lana fanau mo le leai o sona lava aafiaga ma i latou.

O se isi togafiti e faaosofia ai, o le le malie lea i se mea po o le tetee foi, mo mafuaaga moni lava o le manatu faapito, ma faaiuga a le toalua. O le soa e nofosalala na te saili e faatino ona lava manatu, e le faapea e sili atu, ae ona e faataga ai ia e faaauau lona lagona faapea o ia e pule, pe potu atu foi nai lo lona toalua. O ia ituaiga o amioga faafiapule e masani ona avea ma atugaluga e pei o se ava e faitioina le laei o lana tane i taimi taitasi la te tuua ai le fale, fautua atu e fai se isi fusiua po o le ofutino mo sea sauniga, ona faatalitali lea ma le onosai a o sui lona ofu—e ui lava o lona ofu na filifilia sa talafeagai.

### **Fuatiaina o le Ogaoga o le Faafitauli**

Afai o mea ua uma ona e faitau nei i ai, ua faaosofia ai se lagona le lelei ia te oe, atonu e te manao e fai atu i lou toalua e faitau le tusiga lenei, ma fesili atu pe talitonu o ia o loo i ai se faafitauli i la oulua faaipoipoga e uiga i nei ituaiga o amioga. *O le tele o le tiga po o le lagona le fiafia e maua e le toalua, e faapea foi ou lava lagona le mautonu, e iloa ai le tuga o le faafitauli.* Afai o le ituaiga fesooga faalelagona i le faaipoipoga o loo faamalieleoto mo le paaga e toalua, ma afai o loo lagona e i la’ua uma le alofa ma le olioli, e laitiiti la se mafuaaga e popole ai, aua o sese masani e le i mafuaaina, e le ono avea ai ma se faatautala faalelagona ogaoga. Peitai, afai e talitonu le tasi o loo i ai se faafitauli, e tusa lava pe le o talitonu i ai le isi, o lona uiga o loo *i ai* se faafitauli. O i latou o loo faatautala pe sau, e masani ona faamalieleina i latou i le tulaga o i ai, ma ua le lagonaina e i latou, ma ua leai se unaiga e faia suiga manaomia.

O le talanoaga lenei, ua faasino mai ai laasaga atonu e oo i ai tagata ua aafia fua i le faatautala, a o latou taumafai e onosaia le mea o loo tupu ia i latou. O le a fesoasoani lenei faamatalaga i ulugalii e fuafua ai le o’oo’oga o se faafitauli.

A o amata ona fausia se mamamu o mea tutupu taitasitasi, o le a faatupuina le feteenai mai tiga faifaipea, e le i matua foiaina. O lagona o le fefe, vaivai, popolevale, po o le atuatuvaale, atonu ua i ai. O le a i ai le taimi, atonu e avea moni ai lava le toalua ua lototiga, i le tulaga o le masani i faiga le lelei, ma le mafai ai ona iloa o loo i ai ni amioga le talafeagai. O ia ituaiga o tagata atonu o le a faapea ifo, o i latou ua “popole vale tele” pe faapea i se isi itu, ua fetauti lava le tulaga ua latou o’o i ai. Ae ui o lea, i se taumafaiga e faaitiitia le tiga ma faatuina se sootaga sili atu, atonu latou te faateleina taumafaiga ia agalelei, tuuina atu faamalosiaga, pe faatino gaioiga faateleina o auaunaga ina ia faamalieleina ai a latou soa, ma “alagatai ai ona maua” se faamalo, po o le agalelei mai i lona toalua. O ia ituaiga uiga e tele ina le amanaiaina, pe faaleano i ai soa faatautala, ma tuua ai taitoalua e tuufesili pe faamata o le a i ai se taimi e paga tutusa ai, po o le a “lava ea lo latou lelei” ina ia alofaina ai, e tusa lava po o le a le tele o taumafaiga ua tuuina atu.

O le isi, atonu e taumafai se toalua e maua se fesoasoani po o le malamalama mai le soa e uiga i le eseese tele ua faatupulaia i lo la va, ae a le o le faalemanaia pe ta’u atu foi ia te ia, o loo ia mafuaaina ni mea e le ono tutupu. O lea ituaiga teenaia e tupu ai le le mautonu i taitoalua ua sauaina, ma o lagona o le tuuatoatasi, le fiafia, faanoanoa, po o le le talitonuina e ia o ia lava, o le a alia’e mai.

I le tulaga lenei, e saili atu ai nisi tagata mo se fesoasoani mai uo, po o taitai perisitua. Peitai, talu ai o le sauaina faalelagona e masani ona tupu faalilolilo, i le tulaga e le o i ai ni molimau, e masani lava ona faigata ona maua se tasi e naunau e talitonu o lona faafitauli e ogaoga. O le mea moni, o le soa faatautala e mafai ona fiafia i ai tagata ma mafuaifu isi tagata e tauagafau. Na faapea mai se tasi tamaitai, “O tagata mai la matou uarota e masani ona fai mai ia te au, ua ou laki ua ou faaipoipo i se alii lelei tele. Ua ou le mautonu i lenei mea. O se mea tiga tele ia te au lo ma faatasi ma ia.”

O le leai o se molimau e lagonaina le alofa mo le lototiga e masani lava ona taitai atu i taumafaiga ina ia feagai toatasi ma le faafitauli. Atonu e ono o’o atu ai i le tele o amioga e faatautala i isi mafuaaga:

- O le tali atu. O nisi tagata e tali atu e ala i le faaogaina o togafiti faatautala lava ia e tasi ua faaogaina e a latou soa. E tetele finaiga tuga ma fetaliaiga faifaipea i ia ituaiga o aiga.

- Mafatiaga le leoa. O isi tagata e tali atu e ala i le taofia o o latou lagona. Ina ia tausua le filemu i le aiga, latou te le iloa ai se isi auala, ae na ona gugu ma faamalō ai lava. E masani lava ona faigata ia i latou ona talie pe fetagisi, ona o lagona atonu ua taofia.

- Toe suiina o lagona. E i ai lava isi e toe foi i le lotovaivai po o le faama'ia. O le lotovaivai mai le taumafaiga ia lagona lona leo, ma le taumafaiga ia maua le faamasinoga tonu, faatasi ma le naunautaga e faamamaluina feagaiga o le faaipoipoga faalemalumu, atonu e faaopoopo atu i le talitonuga, ua leai se faamoemoe mo le tulaga ua i ai, e faapea e tatau ona faaauuina se faaipoipoga le atoatoa. Atonu o le a liliu atu le tiga i le lotovaivai, po o se vaega eseese o isi faafitauli, o nisi taimi e faitau tausaga, ona o le mafuaaga autu, e le o sa'ona foiaina. I mataupu ogaoga, o manatu o le pule i le ola, atonu o le a o'o i ai.

O le taimi lava e amata ona atiina ae ai se mamamu o le faatautala faalelagona, o loo i ai se tulaga le maui, e faapea i nisi o mataupu, o ia ituaiga amioga faatiga o le a faatupulaia e avea ma sauaga faaletino. O le suiga e masani lava ona amata e ala i uiga faataalo po o le osofaia faafuasei o lagona o le toalua: tu latalata tele atu; soliina o tamaiva; sina tulei laitiiti, tatu'i, po o le fepoina "faataloga"; ma le faaulaula e le taofia pe fai mai le toalua ua lava. Afai foi e le taliaina lenei tulaga, *atonu o le a mulimuli mai isi sauaga faaletino*. O alii ma tamaitai o e faaauu ona feagai ma nei osofaiga e foliga e faataloga ona fai i o latou tulaga, e manaomia ona tu malosi atu ia latou soa, ma *saili fesoasoani i le taimi nei*. O se toalua na te *le taliaina* ia ituaiga o faiga, o le a ia taofia lana soa mai le agai atu i le faatautala faaletino. E leai se faamaoniga o le a lelei mea e ala i le faatalitali, tatalo mo le soa ina ia suia, po o le manatu foi e moni upu a le soa pe a folafola mai e le toe tupu ... ae toe tupu foi. O le soa ma le toalua atonu e manaomia uma le fesoasoaniga.

### **O Se Vaifofo e Totonugalemu ai Keriso**

Ua faaalua mai e le Alii o Iesu Keriso ia i tatou le auala e nonofo ai i le filemu ma le fiafia, o le tasi ma le isi. "Ia outou o mai ia te a'u" o lana valaaulia lea, "o outou uma o e tigaina ma mafatia i avega, o a'u foi e malolo ai outou. Ia outou amoina lau amo, ma ia outou faaaoa ia te au; ... ona maua lea e outou o le malologa mo outou agaga" (Mata. 11:28–29). Ua Ia

faatuina se faataitaga mo tatou lea, pe a mulimuliata i le faaipoipoga, o le a matala ai le faitotoa i se sootaga e sili atu ona filemu.

E ui o se suiga lelei e sili ona vave ona tupu, pe a galulue faatasi tagata e toalua e foia le faafitauli, e manaomia ona le faatali se toalua seia amata ona faia suiga, e mafai ona faatuina ai le faasaoga o le ala o se faaipoipoga. Pe galulue faatasi le ulugalii i le faafitauli, po o le fai toatasi foi e le tasi o le toalua, e i ai laasaga e mafai ona vave faia loa lava.

### **Sailia o le Suiga o se Ulugalii**

O laasaga nei e mafai ona fesoasoani i se ulugalii e amataina le faagasologa mo le suiga:

1. **Fono faatasi.** Faatulaga se taimi e talanoaina ai le faafitauli, i se nofoaga o le a le faalavelaveina ai oulua. Amata i le tatalo ina ia valaaulia le Alii e taitaiina oulua taitoatasi i upu o le a oulua tautatala ai, ma fesoasoani ia oulua maua ni vaifofo. Tatalo ia i ai le mafaufau ma le loto matala.

2. **Iloilo le faafitauli.** Atonu e fesoasoani le amata o le talanoaga i le toe iloilo ina o lenei tusiga. Atonu e faigata ona iloa patino e ulugalii pe faapefea, a o le a foi le taimi e tutupu ai amioga faatiga. Peitai, o le taimi lava e faataunuuina ai sea talanoaga faapea, o le a faateleina le nofouta, ma o le a faasolo ina mavaaia atili mamamu faatamaiaina.

3. **Filifili e faia se mea e ese ai.** O le taimi lava e iloa ai faafitauli, e mafai e se ulugalii ona galulue faatasi e fesoasoani le tasi i le isi e suia mausa tuai ma mamamu tuai o amioga i mausa ma amioga fou. O se tasi o auala e faia ai lenei mea, o le mali-lie faatasi lea i se faailoga, pe faaleo po o le le leoa, e mafai ona faailoa ai i le soa se faafitauli o le a tulai mai. O le mea lea e manaomia ai le lototele i le tulaga o le toalua ua faatiga i ai, ma le onosai i le itu o le soa faatautala. O i laua taitoatasi o le a manaomia ona tatalo faatasi ma tatalo eseese mo le Agaga o le upumoni ma le malamalama.

4. **Ia Iloilo soo.** O le tulaga e tatau ona i ai, atonu o le a manaomia e ulugalii le fono soo faatasi e talanoaina le faagasologa ma le faaleleia o a latou metotia mo le feagai ai ma amioga le lelei. Mo le toatele, o le faagasologa, e le gata i le faaalua ai o le ogaoga o le faafitauli, ae faapea foi le suamalie o le vaifofo. O le tulaga maualuga, o le tuua faatasi o loto i mataupu faavae o le talalelei o le a aumai ai i ulugalii le mafutaga moni ma le alofa.



## 18 FAAMAONI A'IA'I I LE FAAIPOIPOGA

### VAAIGA AOA FAALE-AOAO FAATAE

“Aua e te ... mulilua ... pe e te faia soo se mea faapena” (MF&F 59:6).

“O le faamaoni a'ia'i i feagaiga o le faaiipoipoga a se tasi, e matua moomia lava mo le alofa, faatuatuaina, ma le filemu. O le mulilua ua matua inosia e le Alii.

“O tane ma ava, o e alolofa le tasi i le isi, o le a iloaina o le alofa ma le faamaoni e fetalai. O lenei alofa, o le a tuuina mai ai se siosiomaga mafana mo le tuputupu a'e faalelagona o fanau. O le olaga faaleaiga e tataua ona avea ma taimi o le fiafia ma le olioli e mafai e fanau ona toe vaai ai i tua ma ni manatua faamama'i ma mafutaga” (Ezra Taft Benson, “Faaolataga—O Se Mataupu Faaleaiga,” *Liahona*, Iulai 1992, 2; po o le tusi lesona a le tagata aoga, 302).

“O alafua mauululuga o le mama o lenei ekalesia, e faatatau i sui auai uma i atunuu taitasi. O le faamaoni ma le igoa tauleleia ua aoaoina ma faamoemoeina i soo se nofoaga. O le ola mama a o le i faaiipoipo ma le faamaoni a'ia'i atoatoa i le ava po o le tane i le maea ai ona faaiipoipo, e manaomia mai sui auai o le Ekalesia i soo se mea lava. O sui auai, o e solia nei alafua mauululuga o amioga mama, o le a tuua lo latou tulaga i le Ekalesia i se tulaga fesiligia i soo se mea lava i le lalolagi” (James E. Faust, i le Conference Report, Apr. 1995, 82; po o le *Liahona*, Me 1995, 62).

### MATAUPU FAATAE

*O le faamaoni a'ia'i i le faaiipoipoga e moomia i le faamamaluina o feagaiga na tatou osia ma o tatou taitoalua ma le Alii.*

### FAITAUGA MAI LE TUSI LESONA A LE TAGATA AOGA

Aoaoga Filifilia mai le “Faamaoni i le Faaiipoipoga” (119–22)

Aoaoga Filifilia mai le “Ponokarafi” (282–85)


“O Le Aiga: O Se Folafolaga i le Lalolagi,” o le Au Peresitene Sili ma le Korama a Aposetolo e Toasefululua (89–90)

*Ia Manatua:* O lenei lesona atonu e manaomia le sili atu i le tasi le vasega e aoao ai.

### O A MEA E AOA ATU

*E i ai faateetega e mafai ona faia e fesoa-soani ai ia i tatou e faamamalu a tatou feagaiga o le faaiipoipoga.*

### FAUTUAGA I AUALA E AOA ATU AI

 **Talanoaga.** Fai atu i tagata o le vasega e su'e i le vaega “Aoaoga Faavae o le Faamaoni” a'ia'i i le tusi lesona a le tagata aoga (119–20). Feauaua'i i le faitauina o faamatalaga a Peresitene Gordon B. Hinckley. Valaaulia i latou ina ia lagona le saoloto e talanoa mai pe a mae'a soo se parakalafa.

Fai atu i tagata o le vasega e tali fesili nei mai faamatalaga a Elder Ezra Taft Benson:

- I le sauniga o le faaiipoipoga, o ai le vaega e osia feagaiga? (O taitoalua ma le Atua.)

- O le a le tele o le taua o le faamaoni a'ia'i i se faaiipoipoga? (“E matua manao-mia lava.”)

Fesili atu i tagata o le vasega po o le a le manatu autu i le faamatalaga a Elder Robert D. Hales.



**Mataupu suesueina.** Faitau ma talanoaina le tasi po o le sili atu foi o mataupu suesueina nei. Fesili atu i tagata o le vasega e saili amioga e mafai ai ona ta'ua o se le faamaoni, pe ono taitai atu foi i ai. O fesili o loo mulimuli mai i mataupu suesueina taitasi atonu e fesoasoani i la outou talanoaga.

- Na mafana ma fealofani le sootaga a Nathalie ma Marc i le tausaga muamua o la laua faaiipoipoga. Na fialia uma i laua. Na vave ona fanau mai la laua ulumatua i le tausaga lona lua, ma sa fialia uma i le avea ai ma matua. I le taimi nei, i le tausaga lona tolu, ua seasea lava ona toe fusi, pe kisi, pe faaalua se ituaiga alofa faatino o le tasi i le isi. E ese mai lena, o loo tulaga lelei lava la laua faaiipoipoga, e taufai fialia le tasi i le isi, ma la te galulue vavalalata faatasi e tausi la laua tama.

Peitai ane, o Nathalie, ua amata se faigauo vavalalata ma lo latou tuaoi o Gerard. E le i ai se tulaga vavalalata faaletino i lo la va, vagana ai sina kisi se tasi. Talu ai ona o faigata i o laua olaga, ua fialia ai Nathalie ma Gerard e nonofo faatasi i luga o le nofoa umi i le fale o Gerard, ma talanoa mo se itula pe lua, a o le i foi mai Marc mai le galuega. Ua matua fialia lava Nathalie i le faatasi ai ma Gerard, ma lagona ai e ia ua pulea lelei e ia ona lagona. Ua sili atu lona fialia i lana lava faaiipoipoga talu ona gauai atu ia te ia Gerard. E le o i ai sona popolega i le solia o le tulafono o le ola mama ma Gerard, aua ua uma ona la talanoaina, ma ua faaalua e i laua uma le alofa sili mo le Alii, ma e le mafai ai ona la faia se tulaga faapena.

1. O le a le mea o sese i lenei sootaga?
  2. O i ai se le faamaoni i le va o Nathalie ma Gerard? I le a le itu?
  3. Afai o le sootaga a Nathalie ma Gerard e gata i le faaletino, e i ai la sona afaina?
- E fialia Hiro i tulaga mauululuga tau aoaoga ma faamoemoe mo se aso e faiaoga ai i se iunivesite. E fialia o ia i le fetufaaiga lelei o manatu e maua ai lea tulaga. Talu ona maea lana polokalama o le tagata malaga, o lana galuega ma matafaioi tautupe, ua taofia ai o ia mai le sailiina o se tikeri mauuluga atu. Ua le fialia o ia ona o lana ava o Yoshiko, o le sa tele ina ia faasoia atu i ai i le taimi o tafafao faamasani, ua le o toe fialia e faitau ma talanoa e uiga i mea o tutupu i le lalolagi. E ala i le faasoaina atu o ana tusi ma manatu i ana uo i le galuega, ma lona auai i le kalapu faitau tusi i vaiaso taitasi, ua mafai ai ona ia faamalieina ona manaoga. O Mika, o se tamaitai talavou mai le galuega, ua faatasi atu i le kalapu ina ua ia iloa mai ia Hiro. E matua fialia tele Hiro i manatu e tuuina mai e Mika.
1. O i ai se le faamaoni i le va o Hiro ma Mika i lenei faatulagaga?
  2. O a ni tulaga matautia e ono tutupu?
  3. O le a le mea e mafai ona faia e Hiro e fausia ai se sootaga sili atu faatasi ma lana ava?
- Ina ua maea ona la faaiipoipo, na faateia Dave i lona iloa ane, o lana ava fou o Joan e fialia e nofo i le fale i le tele o taimi. O Dave e masani ona fialia i taaloga ma gaoioiga i fafo. Peitai, o Joan, e fialia e teu le fale ma tausia Dave ma la laua pepe. E taalo Dave i se autaaloo a le lotoifale, ma o nisi taimi e le


fiafia ai Joan i le tele o afiafi e alu ese ai Dave mai le aiga. O le tele o faaiuga o le vaiaso i masina taitasi, e alu ai Dave e fagota. Sa i ai se taimi se tasi sa ia teuina ai sana tupe mo ni masina e faatau ai se ofe fagota a Joan ma taumafai e aoao o ia e fagota. Sa taumafai Joan e faaali lona fiafia i ai ae sa ia le fiafia lava i ai. Na moomoo Dave ia pei Joan o Trisha, o se tamaitai talavou i le galuega e fiafia tele e taalo ma talanoa e uiga i taaloga. E tele taaloga a Dave e auai atu i ai Trisha.

1. O a faailoga matautia i lenei faaiipoipoga?
2. O a vaifofo talafeagai mo le faafitauli?


## O A MEA E AOA O ATU

*E i ai taunuuga tiga o le le faamaoni.*

## FAUTUAGA I AUALA E AOA O ATU AI

 **Talanoaga.** Fesili atu i tagata o le vasega, po o a fua o le le faamaoni o loo i mataupu suesueina o loo i luga. O le a le tau o le le faamaoni? Toe faamanatu le tala ia Tavita ma Patisepa, ma le sala mamafa na totogia e Tavita mo lona mulilua. Ia aofia ai tala faaletusi paia nei i la outou iloiloga:

- 2 Samuelu 11:2–3. Na filifili Tavita e le liliu ese mai le faaososoga ina ua ia vaai atu ia Patisepa ae nai lo lena na ia faananau atu ia te ia.
- 2 Samuelu 11:4. Na faaogaina e Tavita lona tulaga o le avea ma tupu e faatosina ma faasese ai Patisepa.
- 2 Samuelu 11:5. Na fanauina e Patisepa se tamaitiiti ona o la la'ua agasala.
- 2 Samuelu 11:6–13. Na taumafai Tavita e faaseseina le tane a Patisepa o Uria, ma natia ai la laua agasala.
- 2 Samuelu 11:14–17. Na taupulepule Tavita e ufiufi le luma o la laua agasala, e ala i le fasiotia o Uria i le taua.
- 2 Samuelu 12:1–7. O le perofeta o Natano, na faailoaina agasala a Tavita e ala i le tauina atu ia te ia o se faataoto ma fai atu “O oe lava le tagata.”
- 2 Samuelu 12:11–12. Na valoia e Natano faasalaga i le lumanai mo Tavita, na faataunuaina uma lava na faasalaga.
- 2 Samuelu 12:15–18. Na maliu le tama a Tavita ma Patisepa.
- Mataupu Faavae ma Feagaiga 132:39. Ua “pau Tavita mai lona faaeaga”; ua aveesea lona aiga mai ia te ia.


 **Galuega fai faavaega.** Fai i tagata o le vasega e su'e i le “O Le Tau o le Le Faamaoni” i le tusi lesona a le tagata aoga (120–21). Vaevae le vaega o mau ma faamatalaga i tagata o le vasega, ma fai atu ia i latou e saili le tau o le le faamaoni. Tuu atu ia i latou e aotele mai a latou saililiga mo le vasega.


Tuu atu i tagata o le vasega e su'e i le Iakopo 2:7–9, 31–35 ma faailoa mai ia tau o le le faamaoni o i nei fuaiupu.

## O A MEA E AOA O ATU

*E manaomia taumafai filiga e aloese ai mai le le faamaoni.*


## FAUTUAGA I AUALA E AOA O ATU AI

 **Talanoaga.** Talanoa faatasi ma tagata o le vasega le manatu faavae o le puipuiga. Fai atu i tagata o le vasega e su'e i le vaega “O Puipuiga e Fesoasoani e Tao-fia ai le le Faamaoni” i le tusi lesona a le tagata aoga (121–22). Tuu atu ia i latou e aotele mai i luga o le laupapa ia laasaga e mafai ona tatou faia e aloese ai mai le solia o le mulilua, po o “soo se mea faapena” (MF&F 59:6).

 **Mataupu Suesueina.** O Roberto, o se tagata faaiipoipo o le Ekalesia e i ai ni ona afafine e toalua, e fiafia e alu i le Initoneti i le leva o le afiafi pe a momoe uma tagata. Talu ai nei lava na alu ai i luga o se saite e i ai ata ponokalafi. E ui ina faatiga i le taimi muamua na vaai i ai, ae na vave lava ona tosina atu o ia i ai. Mo le tele o afiafi na sosoo ai, pe a momoe uma tagata o le aiga, na ia toe alu ai i le saite lena, faatasi ma isi saite e i ai ata faapena.

I se tasi o po, na sau ai lana ava, o Ana Maria, i totonu o le potu ma maua o ia o matamata i ata ponokalafi. Na matuai ofo o ia ma sa ita tele. Sa ia naunau mo se avanoa e feiloai ai ma le epikopo, ma faamatau atu o le a tetea ma Roberto. Ua iloa e Roberto o le mea sa ia faia e sese ae ua ia lagona ua fai si mateletele o Ana Maria.

1. O fea e te manatu ua sese ai Roberto?
2. Aisea e ogaoga ai le amioga a Roberto?
3. O le a le mea e mafai ona faia e Roberto e toe maua ai le loto talitonu o lana ava ia te ia ma faamalosi ai la laua faaiipoipoga?
4. O le fea le taimi e te fautuaina ai Roberto e saili mo se fautuaga?

 **Talanoaga.** Fai i tagata o le vasega e su'e i Aoaoga Filifilia mai le "Ponokarafi" (tusi lesona a le tagata aoga, 282–85). E faapefea ona faaleagaina e ponokalafi se faaiipoipoga? Vaevae faamatalaga i tagata o le vasega, ma fai atu ia i latou e saili auala e mafai ai e ponokalafi ona faaleagaina se faaiipoipoga. Valaaulia i latou e aotele faapuupuu mai a latou sailiiliga, ma fai atu i se isi e tusi i luga o le laupapa.

## FAAIUGA

Ia tusi i luga o le laupapa mataitusi o le *T A T O M A* Ta'u atu o nei mataitusi e suitulaga i se auala e faamautinoa ai i tatou ina ia le se atu i le le faamaoni. Fai atu i tagata o le vasega e faitau le Mataupu Faavae ma Feagaiga 121:45 ma iloa ai mea ua suia e nei mataitusi. ("Tuu le amiomama e teuteuina ai ou mafaufauga e le aunoa.")

- O le a le uiga o le upu *teuteuina*? ("Faamatagofieina" po o le "faamanaia.")
- O a ni faamanuiaga o mafaufauga mama? (tagai i le MF&F 121:46).

## 19 O LE TULAGA E OO I AI MATUA E FAI FANAU I SIONA

### VAAIGA AOA O FAALE-AOAOGA FAVAE

“Faauta, o le fanau o le tofi lea mai ia Ieova: o e ua fanau mai o le tau lea mai ia te ia.

“E pei o u fanafana i le lima o le toa; e faapea lava atalii o taulelea.

“Amuia le tagata ua tumu ai lana utu”(Salamo 127:3–5).

“Ua faamanuia foi e le Atua ia te i laua, ma ua fetalai atu le Atua ia te i laua, Ia fanafanau ia, ma ia uluola, ma ia tumu ai le lalolagi” (Kenese 1:28).

Na saunoa mai Elder Russell M. Nelson o le Korama a Aposetolo e Toasefululua:

“O lenei foi, o le tulaga e oo i ai le i ai o matua e fai fanau i Siona ... ae latou te le aoaoina i latou ia malamalama i le mataupu faavae o le salamo, e faatuatua ia Keriso le Alo o le Atua soifua, ma e uiga i le papatisoga ma le meaalofo o le Agaga Paia e ala i le faaee o lima, pe a valu tausaga le matutua, ia i ai le agasala i luga o ulu o matua’ [MF&F 68:25; faaopoopo le faatusilima].

“O lena poloaiga, ua tuuina ai le tiutetauave ma le tofiga mo le aoaoina o fanau i luga o tauau tutusa o matua. O le folafolaga i le lalolagi e tusa ma le aiga, ua lapataia ai tagata taitoatasi ‘o e ua le mafai ona faataunuuina tiutetauave faaleaiga, o le a i ai le aso e tu ai ma tali atu i luma o le Atua [“O Le Aiga: O Se Folafolaga i le Lalolagi,” *Liahona*, Nov. 1995, 102]. O le asō, ou te matua toe faamautu atu ai le moni o lena mea.

“I le faataunuuina o nei tiute, tatou te manaomia uma le Ekalesia ma le aiga. Latou te galulue u’ulima faatasi e faamalosi e le tasi le isi. Ua i ai le Ekalesia ina ia faaea ai le aiga. Ma o le aiga o le iunite faavae o le Ekalesia” (i le Conference Report, Oct. 2001, 85; po o le *Liahona*, Nov. 2001, 70).

### MATAUPU FAVAE

“Ua fetalai atu foi le Atua ia te i laua, Ia fanafanau ia, ma ia uluola, ma ia tumu ai le lalolagi’ (Kenese 1:28), o se poloaiga o le a le faaleaogaina lava” (M. Russell Ballard, i le Conference Report, Apr. 1995, 28; po o le *Liahona*, Me 1995, 22).

### FAITAUGA MAI LE TUSI LESONA A LE TAGATA AOGA

“Fanauina ma le Faafaileleina o Fanau,” i totonu “O Le Fuafuaga Sili o le Fiafia,” Elder Dallin H. Oaks (277)


“O Le Aiga: O Se Folafolaga i le Lalolagi,” o le Au Peresitene Sili ma le Korama a Aposetolo e Toasefululua (89–90)

Aoaoga Filifilia mai le “Tulaga Faamatua: Fausiaina o se Aiga e Tutotonu ai le Talalelei” (258–61)

## O A MEA E AOO ATU

*I lalo o le fuafuaga a le Alii o le fiafia, ua ia i tatou le tiutetauave o le aumaia o fanau i le lalolagi.*

## FAUTUAGA I AUALA E AOO ATU AI

 **Talanoaga.** Fesili atu i tagata o le vasega pe toafia latou e i ai o latou uso, tuafafine ma ni tuagane. Fesili atu: E faapefea ona faamauoaina lou olaga e ala i ou uso ma tuafafine ma tuagane?

Faaso atu le parakalafa muamua mai le saunoaga a Elder Dallin H. Oaks i totonu o le tusi lesona a le tagata aoga (i. 18).

- Aisea e taua tele ai le poloaiga ia fai ni fanau?
- O a nisi o metotia po o filosofia ua faaogaina e Satani “e toafia ai le fuafuaga a le Atua” i le aumaia o fanau i le lalolagi?

Afai o i ai sau fanau, ia faapipii i luga se ata o lou aiga po o ata o tamaiti taitasi, ma tusi se faamatalaga puupuu, lelei e uiga ia i latou taitoatasi.

Fai atu i le vasega e faitau le vaega o le “Fanauina ma Tausia Fanau” i le saunoaga a Elder Oaks, “O Le Fuafuaga Sili o le Fiafia” (tusi lesona a le tagata aoga, 280). Ia talanoaina fesili nei:

- O a auala e mafai ona avea ai fanau ma a tatou “oa sili i le lalolagi ma le lagi”?
- O le a le mea na saunoa ai Peresitene Spencer W. Kimball, o le mafuaaga autu mo se ulugalii faaipoipo e mumusu ai e fai fanau? (Manatu Faapito.)
- O a ni faataitaiga o tulaga faatauaina po o mea e faamuamua e ono faamuamua e se ulugalii faaipoipo nai lo le faia o se fanau?
- Na saunoa mai Elder Oaks e tatau i se ulugalii ona mauaina “uma [fanau] e mafai ona la tausia.” O a vaega atonu e tatau ona tatou iloiloaina a o mafau-fau loloto i le aofai e mafai ona tatou tausiana?
- E tusa ai ma le saunoaga a Peresitene Gordon B. Hinckley, o ai e nafa mo le fuafuaina o le toatele o se aiga? (“O le tane ma le ava ma le Alii.”)
- Aisea e taua ai lo tatou le faamasinoina o le tasi ma le isi, e ala i le toatele o o tatou aiga?


Tuu atu i le vasega e faitau le vaega “E Leai Se Faamanuiaga E Teena” (tusi lesona a le tagata aoga, 281).


- O le a le mea e ao ona tatou faia e maua ai faamanuiaga atonu e foliga mai ua tatou teenaina i le taimi nei? (Ia tumau i le faamaoni i a tatou feagaiga.)
- E tusa ai ma le saunoaga a Elder Oaks, o afea e “faatulaga sao” ai nei mea?” (I le Meleniuma.)
- Aisea e faigata ai i nisi taimi ona faatumauina lenei vaaiga?

## O A MEA E AOO ATU

*“Ia tasi a’e a outou fanau i le malamalama ma le upumoni” (MF&F 93:40).*

## FAUTUAGA I AUALA E AOO ATU AI

 **Talanoaga.** Valaaulia sui auai o le vasega e mafau i fanau ua latou maua, pe o le a mauaina. Fesili atu ia i latou, po o le a le mea sili latou te mananao i ai mo a latou fanau ma lisi tali i luga o le laupapa. Fesili atu: O le a le mea e mafai ona tatou faia e fesoasoani ai i a tatou fanau ina ia amiotonu ma faamaoni? Fai se lisi lona lua faatasi ma a latou tali i luga o le laupapa.

 **Galuega Fai Faavaega.** Vaevae le vasega i ni vaega ma tuuina atu ia i latou faitauga mai le “Aoo Atu le Talalelei i Fanau” ma le “Aoo Atu le Fanau ia Galue-lue” i le tusi lesona a le tagata aoga (i. 265–68). Fai atu i vaega taitasi e saili ni mataupu se lua, pe tolu e faatatau i le tiutetauave faamatua latou te fiafia i ai. Faatusatusa a latou sailiiliga ma le lisi lona lua o loo i le laupapa.



**Talanoaga.** Faitau le faamatalaga lenei mai ia Peresitene Harold B. Lee:

“O a tatou talavou ua i ai i se tulaga lamatia. Faatumauina sootaga faaleaiga ia malolosi, uso e. Ia vaai totoa i ai, e pei ona matou taumafai uma e fai atu ai, ma e pei ona ou fai atu soo ai i le tele o taimi, ma ua ta’ua foi e nisi i lenei konafesi, e faapea, “o mea aupito sili o le galuega a le Alii, o le a faia e outou uso e i le aveva ai ma tamā, o le galuega tou te faia i totonu o puipui o outou lava fale.’ Aua le tuulafoaiina a outou ava, uso e. Aua le tuulafoaiina a outou fanau. Faavavanoa taimi mo afiafi faaleaiga. Faalatalata mai a outou fanau i o outou autafa. Aoa i latou, taitai i latou, ma puipui i latou. E le i i ai lava se taimi, ua sili ai ona tatou manaomia ai se malosiaga sili atu ma le mausali o le aiga” (i le Conference Report, Apr. 1973, 130; po o le *Liahona*, Iulai 1973, 98).

- O a tiutetauave tou te manatu e i lalo o le ulutala “o le galuega a le Alii”?
- O le a le tali masani a se tamā pe a fesiligia e tagata, “O le a le ituaiga galuega o e faia?”
- Afai ua i ai i le mafaufau o se tamā le aoaoga a Peresitene Lee, faamata o le a faapefea ona ese lana tali?

E ui e le mafai ona mautinoa o le a faamaoni a tatou fanau, e i ai mea e mafai ona tatou faia e uunaia ai i latou ina ia faamaoni. E faapefea ona tatou faaleleia atili le aoaoina atu o le talalelei ia tatou fanau? Vaevae le vasega i vaega e tolu ma tuuina atu i vaega taitasi se tasi o vaega nei o le tusi lesona a le tagata aoga: “Afiāfi Faaleaiga” (i. 261), “Faagasologa o Fonotaga Faaleaiga” (i. 261–63), “O Faaipoipoga Lelei e Faamanuiaina ai Fanau” (i. 263–65). Fai atu ia i latou e faitauina a latou vaega ma tagai mo auala patino e mafai ona lelei atili ai la tatou aoao atu. Valaaulia i latou e lipoti mai a latou sailiiliga i le vasega.

## O A MEA E AOA ATU

*E tatau i matua ona alolofa pea lava pea ia latou fanau ma tuuina atu taumafaiga sili i le faafailleleina o fanau.*

## FAUTUAGA I AUALA E AOA ATU AI



**Talanoaga.** Fai atu i tagata o le vasega e mafaufau mo tagata latou te manatu o ni matua ua aveva ma faaitaiga lelei. Lisi i luga o le laupapa uiga o ia ituaiga matua.

- Pe mafai ona faapea ua faamanuiaina matua pe afai o i ai nisi o a latou fanau ua sese ese?
- O a tulaga lamatia o le faamasinoina o matua ona o amioga a a latou fanau?
- Aisea atonu e fuaina ai e matua lo latou faamanuiaina po o le toilalo i amioga a a latou fanau?

Na lapata’i mai Peresitene James E. Faust, o se fesoasoani i le Au Peresitene Sili: “E matua le fetau ma lē agalelei le faamasinoina o matua magafagafa ma faamaoni ona o nisi o a latou fanau ua tetee pe ua o ese mai aoaoga ma le alofa o o latou matua. Ua faamanuiaina ulugalii, o e ua i ai fanau ma fanau a fanau, o e aumaia ia i latou le mafanafana ma le faamalieloto. E tatau ona tatou amanaia ia matua agavaa ma amiotonu, o e tauivi ma mafatia ona o fanau le usitai.

“E masani ona faapea mai se tasi o a’u uo, ‘Afai e le i i ai lava ni au faafitauli ma a outou fanau, ia faatalitali laitiiti mo sina taimi.’ E leai se tasi e mafai ona fai mai, faatasi ma sina tikeri o le mautinoa, mea o le a faia e a latou fanau i tulaga patino. Pe a vaai atu le tina o lo’u toalua atamai i isi fanau ua ulavavale, e masani ona ia faapea mai, ‘Ou te le fai atu lava o le a le faia e la’u fanau lea tulaga, aua atonu latou te faia nei lava a o o’u tautala atu. Pe a faavavau matua mo fanau le usitai ma se ese, e ao ona ia i tatou le agaalofa, ‘e taofia ai le togi o le maa muamua’ [Harold B. Lee, *Faaiuga mo le Ola Manuia*(1973), 58]” (i le Conference Report, Apr. 2003, 69–70; po o le *Liahona*, Me 2003, 67).

Faitau faatasi faamatalaga mai ia Elder Howard W. Hunter ma Richard G. Scott i le itulau 259 i le tusi lesona a le tagata aoga.

- O a ni manatu ua tuuina mai e nei faitauga i le tulaga e avea ai ma se matua faamanuiaina?
- Aisea tou te manatu ai e filifili e fanau i nisi taimi se ala e ese mai ala a o latou matua amiotonu?



**Talanoaga.** I lana miti o le laau o le ola, na vaai ai Liae sa mumusu Lamana ma Lemuelu e aai i fua o le laau. Faitau leotele upu na saunoa ai Liae i ona atalii faatuiese (tagai i le 1 Nifae 8:36–38).

- E faapefea ona e faamatalaina le auala na aoao ai Liae i ona atalii i le fuaiupu 37?
- O a mea e sili ona faafiafiaina ai oe i mea na ia saunoa mai ai ma le auala na tuuina mai ai?

Latalata lava i le iuga o lona soifua na toe talanoa atu ai Liae i ona atalii faalogaogata. Faitau le 2 Nifae 1:21–23.

- Aisea e faaauau ai pea ona aapa atu se matua i se tamaitiiti le usitai, e tusa lava pe ua faamaonia i le tele o tausaga, atonu e le salamo lava le tamaitiiti?
- O le a se mea e te manatu e faaauau ai pea ona le fiu matua ia latou fanau?
- E faapefea ona e faavasegaina le mataalia o Liae i le avea ai ma se matua?

Faasoia atu le fautuaga lenei mai ia Elder Neal A. Maxwell, o le sa avea i lena taimi ma se sui o le Fitugafulu, ma fai atu i tagata o le vasega e saili mo auala e mafai ona faatatau ai i se tiutetauave o se matua.

“Pe mafai ona ou fai atu, e le mo le au faatamala i le Malo, ae ia i latou o e tauaveina a latou lava avega ma sili atu; e le o i latou o e faaosoosoina i le le maotonu, ae mo i latou o e ua fesouaiina e ala i lagona le maotonu sese, e ui o loo auaua faamaoni i le Malo, ua i ai lagona faatupulaia o le faavavau ona sese. ...

“O le mea muamua e ao ona ta’u atu e uiga i lenei lagona o le le agavaa, o le faapea atu lea o se mea e masani ai. E leai lava se auala e mafai ona faamatalaina atoatoa ai e le Ekalesia le mea e tataua ona tatou agai i ai, ma le mea e ao ona tatou faia e aunoa ma le fausiaina o se lagona o le vavamamao le mafaatusalia. ...

“O nisi o tatou o e o le a le faasoina se tuaoi mo nai ona faaletonu laiti, ua i ai sona aso taalo ma i tatou lava. O nisi o tatou ua tutu lava ma soona faamasino ia i tatou lava, o se faamasino e faamaaa ma lē manao e talia ni faamaoniga fiafia, ma le popole i se isi mea mo le faagasologa tataua ai. O le mea e lelei ai, e sili atu le alofa o le Alii mo i tatou, nai lo i tatou lava. ...

“... E mafai ona tatou faatagaina mo le saolotoga o isi (e aofia ai a tatou fanau) *ae tatou te le i* faavasegaina lo tatou le agavaa. E masani lava o lo tatou tulaga sili maotinoa, e itiiti sona aafiaga ona o le le lelei o le isi tagata” (i le Conference Report, Oct. 1976, 14–15; po o le *Liahona*, Nov. 1976, 12–14).

- E mafai faapefea ona fesoasoani lenei fautuaga ia oe e fuaina ai lou tulaga faamanuiaina o se matua?
- E faapefea ona faaopoopo atu lenei mea i lou malamalama i ou matua?
- E faapefea ona fesoasoani ai ia te oe a o outou fegalegaleai ai ma isi matua?

Fai atu i tagata o le vasega e aotele mai ni manatu faavae autu se tolu pe fa mai lenei lesona.



## FAAIUGA


Faasoa atu le saunoaga lenei mai ia Peresitene Ezra Taft Benson:

“O tane ma ava e alofa le tasi i le isi o le a la iloaina o le alofa ma le faamaoni, e fetaliai. O lenei alofa o le a tuuina mai ai se siosiomaga mafana mo le tuputupu a’e faalelagona o fanau. O le olaga faaleaiga, e tatau ona avea o se taimi o le fiafia ma le olioli, e mafai ai e fanau ona toe tepa i tua ma se lagona fiafia mo fegalegaleaiga ma le manatuaina o mea mananaia ” (i le Conference Report, Oct. 1982, 85; po o le *Liahona*, Nov. 1982, 59).

Tusi le fasi fuaitau ma le mau lenei i luga o le laupapa:

“O fanau o le tofi lea mai le Alii” (Salamo 127:3).


Molimau atu e faapea o le mauaina ma le tausaiaina o fanau i se nofoaga o i ai le alofa o se avanoa paia lea. E avea tatou ma paaga ma le Tama Faalelagi, i le faateleina o le alualu i luma o Ana fanau agaga.



THE FAMILY  
ACCLAMATION  
THE WORLD

가

에 사에 전하



ALL HUMAN BEINGS  
in the image of  
daughter of he  
has a divine r  
essential chara  
mortal, and etc

IN THE PRESEN  
daughters kn  
Eternal Father  
children cou  
earthly exper  
and ultimate  
an heir of eter  
enables fam  
and the

O LE EKALIESIA A  
**IESU KERISO**  
O LE AU PAIA O ASO  
E GATA AI

SAMOAN



35850 890